



ЛЮБИВЫЙ КОДЗУВ

8
АВГУСТ
1986



ХІ пятилеткаын уджын вермӧмъясысь СССР Верховной Советса Президиум наградитис II степеня Трудвой Слава орденон Сысольской сплавконторасысь шофёр А. А. Пешкинӧс (вылысса снимок), Сыктывкарса ЛДК-ысь керъяс сортируйтан участка бригадир В. С. Лапийӧс (улысса снимок).

Снимокъясые
Ю. Осетровлӧн.



ТАЙО НОМЕРЫН

Иван ТОРОПОВ. Ме верма, батьо! (повесть) . . .	3
Серафим ПОПОВ. Зарни чери. Оти начальниклөн вёт. Чай юысьяс (кывбурьяс) . . .	30
Александра МИШАРИНА. «Коркө вöлі тайö öшинь-ясыс муса» (кывбур) . . .	31
Лия МАРТЮШЕВА. Письмöяс (висьт) . . .	32
Пик АРТЕЕВ. Кельчи князь (висьт) . . .	36
Галина БУТЫРЕВА. Кысанöн кыйсьöм (висьт) . . .	38
Николай ЩУКИН. Батьлөн му. Олём вояс. Ёкыш вад. Ми му вылас колям (кывбурьяс) . . .	44
Геннадий ГОРЧАКОВ. Пöдругаяс (öти юкöна пьеса) . . .	46

Гижöны челядь

Эмилия КОСТЫЛЕВА. И мичлун, и гаж, и сёян-юан. Дима ЧИСТАЛЕВ. Тополь. Таня ШУСТИКОВА. Командир (конкурс выльысь сочинениеяс) . . .	51
---	----

Чужан му, чужан кыв

М. П. ДМИТРИКОВ. Сэки Усть-Сысольскын . . .	53
Ф. В. ПЛЕСОВСКИЙ. Коми ю нимьяс Урал сайын . . .	55

БЫД ТÖЛЫССЯ
ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ЛЭДЗÖ КОМИ АССР-са
ПИСАТЕЛЬСЯСЛÖН СОЮЗ

ПЕТÖ 1926 ВОСЯНЬ

8

АВГУСТ

1986

СЕВЕРНАЯ ЗВЕЗДА

◆
ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

◆
ОРГАН
СОЮЗА ПИСАТЕЛЕЙ
КОМИ АССР

Главный редактор *П. Шахов*

РЕДАКЦИОННАЯ КОЛЛЕГИЯ:

*А. Ванеев, Ю. Васютов, М. Игнатов, Н. Куратова,
А. Одинцов (ответственный секретарь), В. Попов,
И. Торопов (зам. главного редактора)*

◆



Койгорт сикт. Сэни овмөдчөмсянь таво тырис 400 во. Журнал
вклейка вылын снимокъяса висьтыс тайё важъя коми сикт йылысь,

Снимайтис В. Ячменев.

ШЕ ВЕРША, БАТЬО!

ПОВЕСТЬ

8

БУР, МЫИ АС КАДӨ ЛӨСЬӨДИМ МИ чомсө-керкаторсө! Кыдзи и шулис уна төв нин төвйылөм Қалис пөль, өтарө топөдны-көдздөдны пондис... Лымъявны шочиника сөмын мөдис, енежыс енджыкасө сөдз, не кө артавны көдзид русө, сэтысянь вөр-пу йылөдз лун сьомөс кеж-лас муртса воөдчылөм шондї шонтөм пыдди сөмын и дзужалө. Öти здук жежлө энөвтчан керасьөмысь-пилитчөмысь, да пырысь-пыр жө йирмөг босьтө. А омөлик сөяннад да нөшта нин война чөж да со и сы бөрын нин мыйта тшыгыялөм мортыд он вермы өтарөтө вынсьыд вывті пессьыны, быть колө и пуксьыштлыны ловтө вуджөдны.

Пажнайтігөн көть нин час джын жежлө пышйылан дзужалысь көдзидсьыс кер чомьяс, а сәні — онялө шоньд. Кодкө ямщикьяс пи-ысь либө сөвтчысьяс пиысь, а кодкө туй вөчысьяс либө десятникьяс пиысь век нин ломтыштасны өдйө шоналысь пачсө. Быд пырысь сьөр-сьыс вайө кутшөмкө да кутшөмкө пес — кос чурка пом либө сирөд мыр... Пыран ныртө чеплялысь көдзидвывсьыс да быттө райө весь-калан — сэтшөм лөсьыд. Но нөшта нин лөсьыд лоө, кор жара ыргысь пачводз дорын сывдан йизьылөм костө фуфайка увсьыд да пуксян шо-налөм кер-лабич вылө нурьясьыштны... Öз нин ков, би дорын моз, өта-рө-мөдарө бергавны, то мыштө, то водзтө мыччавны шоныдыслы, сәсся пажынтортө оз ков сывдыны тані. Нянь шөрөмтө да пуөм картупельтө асывнас колян джаджид да век дасьөсь, чайникын лымийсь пузьбөдөм пөсь ва сөрөн өна гылыдджыка кылалөны. Дерт эськө, кодкө кө тшөтш и пусьысь вөлі тані да лөсьөдис мянлы пөсь шыд, сәки эськө нөшта нин зильджыка да долыдджыка уджавсис. Но татшөм шуда олөмө-дзыс ми вокыслы ылын на вөлі! Öні мянлы вылө лөдзөм став вөлө-гаыс өдва тырмыліс рыт-асылын нурьясьөм вылө. Йөра яйным, та-тшөм аравайдлы, кыкнан колхозыслы, дерт, дыр эз тырмы. А кыйны мянлы вылө выль кузь кокаөс сийө жө Пиконыслы өні, көнкө, абу нин зэв окота. Да, буракө, өдвакө нин и волас сәсся сийө мян дорө Крестин кувсьөм бөрын...

Ок, Крестина! Коньбөр... А өд татшөм шонтысяніныс кө, татшөм керка-чомйыс кө водзвыв вөлі дасьтөма, немтор, гашкө, эз и ло?.. Но эгө на тай ми велалөй водзвыв ыджыда думайтны да төждысьны уджалысь мортыд вөсна...

Мөд колхозса войтыр не этша завидьтисны мянлы, кор ми рыт-йысигьясө ошйысьлім налы асланым чом-балаганөн. Найө уджалісны мөд туй вожд да кызкө тай абу лыбтысьөмаөсь татшөм шонтыся-нінсө керны. Дерт, шуам, найөс мян кодь ускөтбөыс эз су.

Налөн колхозыс Сталин нима, а мян Молотов нима...

Татшөм нимаяснас колхозьясыс бөрынджык нин лоисны, кор тай вождыяссө, ловья дырйныс на, вывті өна пондисны лөптыны, быд но-

гöныс, колö и оз ков, ошкыны да ыдждöдлыны. А сідзсö, войнаöдзыс, дзык мöд кодьöсь вöліны колхоз нимъясыс...

Шуам, мян ыджыдкодь грездын сэки вöліны куим öтувья овмöс: «Рытъя кыа», «Югыдлань» да «Шондi югөр».

Со öд кутшöм мича да сöстöм нимъяс! Кыпид лола йöз вöлöмаöсь ним сетысьясыс! Югыд-шуда олöм вöсна вийсьöмаöсь сьölöм тыр-наныс...

Да öд ёна кыпид да гажа и вöлі олöмыс сэки сиктын, войнаöдзыс. Эг нин öд ичöt ме вöв, гөгөрвоысь синъясөн нин видзöдi гөгөр и ставсö помнита...

Керкаяс зумыдöсь на сиктын и гырысьöсь. И сикт тыр йöз! Быд-сяма арлыдаыс! Том и пöрысь, мужик и баба, нывка и зонка!.. Быд овмöсын тырыс скöt — мöсьяс и ыжъяс, порсьяс и курөгъяс. И колхозлөн сымда скöt!..

Торйөн нин меным кажитчыліс видз вылын уджалöм, кор, быд-мыштi да, бать-мамöй корсюрö тшöтш босьтлісны менö сэтчö. Öнi на син водзын век сулалö став тайö гажыс-шуды!

Пöсь шондiөн ойдöм веж ывла. Лыдтöм-тшöттöм дзоридзөн гылысь-пöртмасысь видз. Кыддза-пипуа корйөн сяльöдчысь-ворсьяс расьяс. Югыд ваа сöдз Сыктыв. И уна рöма дзоридз кодь жö мича-сöстöм паськöма йöз, видз выв тырыс йöз! Ытшкысьяс тшупöдөн-тшупöдөн öвтчöны-мунöны паськыд покосъяснас, гөрбуш-косаяс сöмын и югыда дзиркнитлöны шондi водзын, кыза ляскöбтöны лысвайн небзьöдöм-сьöктöдöм турунсö. Жар кос луннад öдйö нярмö-косьмö туруныс, чöскыд көрөн кольмöдö юртö... Дзоридза-мича паськöма нывьяс-бабаяс шуркйöны-куртöны нин мича веж турунсö пажын бöрын... Турун юръяс новлöны зібъяс вылын. Ми, посняяс, ылысьджык юръяссö кыскалам вуж добьясөн, панласям вöвьяс вылын... А медыджыд шудыс лöб, дерт жö, сэк, кор тэнö батьыд тшöтш босьтас зорöд тэчны!.. Каян кос турунөн гильöдчысь, медчöскыд көръяснас ымралысь зорöдыс вылö, ичötтик куранон кутышталан лэбынөн лэбöдöм турун нöбьяссö, топöдан найöс коланайнас да вочасөн ачыд лыбан ыджыд зорöдыс-көд тшöтш... И шондi тшöтш азыма уджалö, жайгö-пöжö, и ю весьтын ыркалöм төвру буриника ыркйöдлö тэнö... Гөгөр юргö кыпид-мича коми сёрни, кыпъялö коми гаж, том йöз чиктылöны-сералöны, ворсöны-быглясьöны зорöд гөгөр кыза киськасьöм турун вылын, глöс тырнас гөрдлöны-сералöны, вермасыöны, котралöны, ызöдчöны-купайтчöны...

А сэся и ставөн гузьгысям пажнайтны Сыктывлөн гажа кыр йылын лöсьбöдöм станö, кузь пызаньяс сайö пуксялам, кынöм дзенавтöдз панаясам... Рытнас чери көвтам Сыктывлөн шонид курьяын, оз вотам веретя морöсьясын... А сэся и водам вонйö узьны, синъяс куньсьы-тöдзным кывзам ортсыын зыньгысь-скöралысь номъясöс да матыс юлысь мелiа мойдöмсö...

Сымда йöзнад да татшöм гажнад-кыпъялöмнад öдйö и лыбöны турун зорöдъяс. Чача кодь мича зорöдъяс! Вöсни увтаöсь да гөгрöса тшөгöм кынöмаöсь, йыв на йыв көрталöм кыз нёръясөн личкöм, топыда гөгрöстöм йыла юрабсь. Оз жö кө лёк төлыс нетшышт сэтсыс көть öти сi! Оз жö кө сувтса зэрыс көть öти войт йиджтысь на пытшкö!.. Көдзыд төв шöрын косялан татшöм зорöдсö, и шонид-пöсь гожöмөн упнитö сэтсысянь — сэтшöм мича да веж кос туруныс, сэтшöм чöскыд көра, ачыд көть сёй, но тай скöттö колö вердны...

И тэныд, зонкалы, ээтшöм жö нимкодь, мый тшöтш тэчин та ыджта, гашкö и, дас пинькоста татшöм мича-шылдыд зорöдсö, көнi абу тшыксьöма весиг öти турун сi...

И бать-мамыд тэнад томöсь на, мичаöсь, ёнöсь. Кутшöм шуда тэ на дiнын! Сэтшöма тэ радейтан найöс и дзоньнас олöмсö. Мый

нөшта таысь бурджыкыс да шудажыкыс овлө?! И дерт жö, чайтан тэ, мый некор — дзик некор! — татшөм гажыс да шудыс оз помасьлы! Век тадзи ло! Оз вермы лоны мөд ногоны!.. Но — помасис тай ставыс, öни сөмын казътывны колис...

Аръясын, видз-му уджъяс помалөм бöрын, Гөрд Октябрь празник лунö вöчлисны öтувъя празник. Сэтшөм нин гажа-кыпид празник! Начкылисны тшөгөдөм öшпиöс и порсьöс. Колхоз правленньöн — Ниа Тималөн керка джынйын — пуасны шыд, пöжасны яй, паренча пöжасны, гырысь чериняныс пöжаласны, ельдög лэптасны, быдсяма лязъяссö лөсьöдасны, вия анькытш пуасны... Тагъя сур шузöдасны челядьлы да бабаяслы. Қода сур шутасны мужикъяслы...

Сэсса и йиркнитасны öтувъя пир!

Кузь пызанъяс сайö медводз миян кодъ посниуловсö пуксьöдасны, колхоз пасъталаысь ставнысö, кодi сувтöма нин аслас дженъидик кок йылö. Сөй, мыйта тэд колö! Лөд, мыйта кынöмад төрö!

Став сөян-юансö, сакар-кампетысь öтар, быдтöма ас му вылын. Ас вөр-ваысь босътöма. Нянь и яй-чери, вотöс и чужва-юм, вый и нök... Ставсö!..

А медчöскыдыс вöли вия анькытш! Гырысь, небыд, кыза виялöма. И оз ков гусявлыны анькытша му вылысь моз!

А сэсса став сөйöмасö, став чöскыдсö вывсыныс пожйыштан-личкан еджыд быгъя тагъя сурөн, ичöt ловтö дзоньнас бурмөдысь-ыркөдысь чöскыд сурөн.

Поснияс бöрын гырысыс сөясны-юасны. А сэсса пызанъяс идраласны, да гудök нин няжйö-ворсö. Сигудök триньгö. Заргумысь вундалөм чипсанъяс тутсöны.

И став ловъяыс да вермысыс уськөдчö паськыд джодж шөрö йökтыны «Шондiбан...»

Ме казътыла та йылысь, и куш нин öти казътылөмсыс менам лолöй вылысь быттьö öзйылö коркөя татшөм шудсыс.

Война ставсö тайöс пазöдис!..

А Тима дядь со шуö, мый Ревокат Қокшегов кодъ веськөдлысыясыс тшөтш не этша дзугисны олөмсö... Да, гашкө и, содтөд вылö, миян вöвлөм председательша Ош Анна кодемьяс. Со тай, миян мамö важөн нин кöдзыд гуын куйлö, а сйö, Ошыс, война каднас тшөгисшылялис да, вылысь пö петöма верöс сайö. Локтöма война вылысь салдат, куйм челядълөн бать, да сйöс мырддьöма ош рөдыс, борд йылö лыбтөм пиян дiнсыс нетшыштöма. А, коньөръяс, нель во чöж вичысисны батьсö!..

Тадзинад нö оз дзугсыс олөмыд?..

Вочасөн зэвтчысь кöдзыдыс лун-мөд кежлö мыйтакö личöдыштлис, да сэки помея усис поснъидик кöдзыд лым, көрт пилипызь кодъ чутөдчысь лым, да вөр-пусö бара на гөгөр еждөдис. Сэсса и выль вынөн ырыштчөм кöдзыдыс тшөтш быдлатi пондiс дзужавны-гыөртны. Гыöрыс и лымйыс пуяс вылын лышкыда öтлаасисны, да быттьö еджыд коръяс-лысыяс кыза лэдзис вöрыс, сэтшөм мича видзöднысö, торйөн нин шондiа луннад. Збылысь, быттьö мойдын!.. Сөмын тай кöдзыдыс öтарö топöдö тайö мөйд пиас, комын градусöдз нин зэвтчис ывлаыс-вөр-ваыс... А миянлы век колö кайны ягö!..

Пемыд асылын петан доналөм кöдзыд ывлаас да регыд пондö чайтсыны, мый фуфайкашөйтö вунөдөмыд пасътавны. Важ пеля шапкасыд джынвийö вушйөм гöныс пырысь-пыр и гыөрзё. Ныртö чеплялö кöдзыдыс, көсичаястö косялö, лёкиник кепысь пырыд чунь йывъястö кватлалö-курччалö...

Татшөм луннад йизьөм колодаа вöv додяд некодöс оз кыскы пуксыны, бурджык нин подөн ягөдз шалөдан. Сэки он кынмы... Ловъя

мортто тай диво кодён лёсьодлома-вочлома енмыс ли кодэ ли... Пемыд-кодзыд ывлаас петан шонид баракыс да пырысь-пырсё повзёмён чайтсьё, мый талун, буракё, дзикодз нин турдан милость тодтом ывла вылас... Но тэрыбмодан воськовтё, ныр-вомтё шонид на кинад шочинника ниркниталан, мед первой жё здукъясас эз еджды-йизы сэтэ, восьсаинтыс, сэсса и регыд пондан кывны, кызди вир сөн пасьталайд, быдлатэ, вочасён разалё кутшомкё гогорвотом шонид, кысь-мый сёмын и босьтсьё сійё...

Ягё воан мича югыднас нин, конкё асывла-лунладорын вёлисти на тільсьё-петё шондэ. Кодзыдысла ыдждома-пыкталёма шондыс, коть эськё и гогрөса на жё быттё дөввидзё. Ок, ыджыд да сёкыд лоёма, тайкё жнөпкыяс-усяс едждом вөрыс вылө, гыбрзём ру пырыс синтё весиг оз ёр.

Кодзыд гыбрсые едждома пу и ув, быд ув, пожом и коз кызьяс коды еджыдось...

Сөдз энэжыс быттё тшөтш доналёма-едждөдөма, сэни лун шөра лунын төлысь джын еджвидзё-кынмө...

Содтөд вылө — ыргё ородысь вой төв...

Дугдан кө вөрны, ланьтөдчан кө, регыд тэ и ачыл йинёнъ моз тронявмөн едждан жө...

Быть едждан кодзыд биён донөдөм татшөм еджыд адас!

Черыд эськё и лэчыл тэнад, но пуяслөн кынмөм болоньыс йи моз резсьё керасигад, сёмын и видзчысь, мед синмад эз чечовт лэчыл дорыша из торпыриг коды чагыс. Кызджык кын ув сувйигөн сідз жө резд чайгыс и. Нёра пу пөрөдигөн кө ичөтджыкөс тшупөдсө перьян-вөчан, пушкакысь моз лыйөмөн быттё шлопкысьё-потё пожөмыс, здук кежлө өшыйлө-сувтлө діннас бонзьём-дзеналом кокшаыс вылө, а сэсса и вынысь өвтыштчө да жвачкысьё код төдас кодарө. Мөд колхозса өти ньөжмыдджык бабалы татшөм потөм пожөм діныс кок вылас жмотнитчөма, чегөма коксө пидзөс горувтыс. А өд вермис на й юрас веськавны...

А вөрыс ок и гора татшөм лунъясө пөрөдчигад! Быттё пө фронт вылын арпподготовка заводитчөма, — шуис өтчыл Пилат Иван. Сөмын и гымгө-швачкө-шковгө вөр пасьталаыс!

Керъяс вылө да южмөм вылас нин кө бура жнөпкөбтан пожөмсө, сөмын и брынсмунө сійё сэни, став увъясыс сідзи и резьмунөны-чуктөны кын-кодзыдысла, и став лыкыс гогөр здукөн сяргысьё-мынө. Сөмын татшөм «отсөгсыс» пөрөдчысьыдлы бурыс абу жө: чегсьём-чирийсьём увъяссө өд сідз и тадз колө жө чукөртны да сотны биын, тшөтш и лысө. Сэсса өд и пу дінсьыл увйыс оз жө шылъыда чег, быть нин колө шылъыда керыштны чернад...

А кужтөг пилитчиг-чинтасигөн керъясыд вермөны потны да тшыкны, помыс кө кузяа өшйөма-орчөма...

Но сы пыдди тэрмөдлө тэнө кодзыдыс! Плетьөн быттё вачкалө, здук кежлө пуксьыштлыны оз лэдз. Оз тай, небось, ков некутшөм начальниклөн тшөктөм ни тэрмөдлөм...

Нөшта на ёнджыка дзужалө кодзыдыс кыскасысьысөс!

Додь нырын сулалігөн да вөвсө ягё вөтлігөн, ямщик-ныв дзикөдз изйөмитлө, да додсьё сөвтгөн турдөм киясыс сылөн зорсө оз вермыны кабыртны, гезсө оз слөймыны гөрдзавны, мыйысь не этша чорыд-сола кыв ковмылө кывзыны сөвтчысьысяня. Коньөрлы, быть ковмө котөртлыны пөрөдчысьыслөн ув сотан би дорөдз да мыйкө дыра кежлө дзоньнас сунгысьлыны-пыравны сотысь жарыс пытшкө. Но дырсө сывдысьнысө оз жө бара позь сэни, коть нин сы понда, мый пөсялөм вөлыс сулалігас изйөмитас.

Кыскасян туй южыс ёна топалёма-чорзьёма да гораа дзуртө сёкыд доддыдлөн сую улын, оз шливөд шонид-небыд дырйи моз, и

вѡвъяслы ёна сѡкыджык нюшкыны-кыскынысѡ. Торійѡн нин, сувтлас кѡ кытчѡкѡ, коньѡр, сѡки быттѡ пырысь-пыр жѡ вужьясьѡ доддыс, ыджыд да ычѡт додыяс вылѡ топыда тѡчѡм да злыда кѡртавлѡм кер чукѡрыс...

А кутшѡмкѡ чукыльѡ либѡ шыбельѡ кѡ пѡрѡ доддыс татшѡм кѡ-дзыд дырйиыд, сѡки нин веськыд мат. Ѳтнасѡн нывкаыд либѡ зонка-ыд немтор оз вермы керны, а кѡдзыдыс дзужалѡ. Сѡки бурджык нин, ѡдйѡджык лѡдзав гыѡрзѡмысла еджыд ош кодыѡн лоѡм вѡвтѡ да верзѡмѡн гѡнит ѡсѡгла ягѡ либѡ катище вылѡ, кодарас матынджык. Кодкѡ кѡ мѡд, ёнджык ямщик бѡрсяныд регыдѡн оз вѡтѡд...

А луньяс ѡтарѡ дженьдаммѡны, быттѡ кѡдзыдыс тшѡтш пычкѡ-вѡтлѡ на пиысь югыдсѡ. Ѳти пемыдсянь мѡд пемыдѡдз век кѡдзыд ывла вылынѡсь ми, луньюгыдсѡ сѡмын ягын и аддзылан, да весигтѡ и сѡні некѡр лючкисѡ видзѡдлыны сы вылѡ — кадыс этша, ѡтарѡ колѡ керасьны да пилитчыны, ув сотны да... И вежѡн чѡжнас весиг пондылѡ чайтсьыны миянлы, мый баракьясным, Улдзиягным, нѡмыс кежлѡ нин сѡсся вѡйѡма пемыдас да некѡр нин сѡсся оз петав сѡтысь...

А пемыд рытъясыс удж бѡрад кузьсьыс-кузьѡсь на кольѡны, радио абу, кино, дерт, некѡр жѡ оз петкѡдлыны, весигтѡ лыддыны немтор. Мый вѡчны?.. А кодѡ мый кужѡ, сійѡс и нѡкѡ-керѡ. Кодѡ кепысь-носки кыѡ вурун-шѡртысь, кодѡ катаник дѡмлѡ пыш вервиѡн, кодѡ пачводзын выль чер пу шыльѡдѡ, кодѡ гыгзысь-чыктылысь нывьяскѡд чиганитчѡ...

Неуна шѡныдджык рытъясѡ ныла-зонма сой пѡвьясѡ кутчысьѡмѡн да визьѡн-визьѡн сувталѡмѡн ветлѡдлѡм Сыктыв кыр весьтѡд, вѡладоддясѡн пасьталаыс ѡжмѡдѡм кушинѡд, ливкйѡдлѡм-сьылим пемыд вѡрыслы частушкаяс, коми и рѡч сьыланкывьяс. Сѡки миянлы, том йѡзлы, сьывнытѡ эз на ков некутшѡм вина — ныла-зонмаыдлѡн ѡтамѡд дѡнас кутчысьѡмнад вѡсьлалѡгѡн сѡдз тай сьывсьѡ. Мый сьылим? «Оліс-выліс вѡрын, оліс-выліс ягын», «Вставай, страна огромная», «Дан приказ ему на Запад», и дерт жѡ — «Шѡндѡбанѡй». А сѡсся, салдатьяс велѡдѡсны да, весиг строевѡй песняс пондѡм косявны-сьывны.

Сѡсся и, видзѡдан да, мѡд бараксяяс, тшѡтш петаласны, тшѡтш ѡкота сьылыштны налы, весалыштны гѡлѡснысѡ да тшѡтш и асьнысѡ кодкѡ водзын петкѡдлыны.

Тѡм мортыдлы тай век ѡкота кодкѡ да кодкѡ водзын лѡпталыштны сорстѡ...

Дзурыд тѡвся рыт. Енѡж тыр кодзувьяс дзирдалѡны. Тѡлысь югзѡ гѡгѡрвѡтѡм мыгѡра баннас, шызьѡдѡ том сьѡлѡмтѡ. Кыкнанладорсянь тѡ дѡнѡ топѡдчѡмаѡсь лѡчыд гѡлѡса нывьяс... Кыдз нѡ он сьыв татшѡм кыпыд здукас, мед кѡть и мудзѡмыд ягын лунтыр пѡрдчѡгѡн?.. И гѡлѡс тырнад, абу кѡ сибѡма сійѡ кынмалѡмьяссьыд, тшѡтш косялан:

Оліс-выліс ягын,
Оліс-выліс вѡрын,

Сыктыв дорын
Удал зон...

А мукѡдырйиыс, ужнайтѡм-керѡм бѡрын, пуксялам кузь пызан ѡтарѡ-мѡдарѡ да ворсам картѡн. Салдатьяс петкѡдѡмаѡсь Германиясь зѡв мича атласнѡй картѡяс, сѡмын и шливсьялѡны киад, коркѡ ме татшѡм картисѡ пондылі жѡ ньѡбны карын, пурѡн кывтлѡм бѡрын, но медбѡръя здукас кок пѡла салдат бѡр бѡсьтѡс найѡс менсьым, эз вузав, ѡлѡдѡс на весиг: пиѡ пѡ, эн ворс картѡнад, бурѡдз оз вайѡд сійѡ...

Но ѡні ми картѡсям ѡг деньгаысь, а «козѡлысь» да «подкиднѡйысь», либѡ, мѡд ногѡн кѡ — «дуракысь». Ѳтпырѡ квайт морт ворсѡ: куимѡн — мѡд куимѡнлы паныд. Найѡс, кодыасѡс вермасны, нимтѡны дуракнас. Та бѡрын налы лоѡ чеччыны пызан сайысь, сетны места

мукöд кöсйысьяслы... Но сьöдз бурпöт вöли тешитчыштасны на вермö-
маясыс вылын: верзьöмөн сöласны выланыс да ывлаöдз тадзи пета-
ласны. Либö дуракыс аслас табакысь бур чигарка гаровтас, öзтас да,
господинлы моз, мыччö вомас вермысьяслы.

Ме, велалi да, зев окотапырысь и нимкодпырысь пуксьыли пызан
сайö ворснысö. Меным кажитчö вöли зэвтлыны вежөрöс да пыр кутны
тöд вылын, кызиджык да кутшöм картяс ветлöны, кодъяс кымынт-
чисны нин отбойö, а кутшöмджыкъяс колисны на мекöд паньд вор-
сысьлөн киясын. А кор тöдан, сэки и кужан, кызди колö петнысö,
либö кызиджык колö вийнысö аслад картiөн да, унджыкысьсö, век
нин лоан вермысьөн. А налы, кодъяс тышкас-мышкас, ньöти мөвпав-
тöг шлөйöдлöны, налы тайö кажитчö дивö кодбөн...

Первойсö ми векджык лöсьöдчылiм Турöб Иллякöд öтвылысь
ворснысö, да быдөнöс вöли вермам, сы вöсна мый Илля Илличыс зев
жö сьöлөмяныс, ёна мөвпалöмөн ворсис...

Танi колö шуны, мый тöндзи собрание бöрын Илляыс ёнакодъ
дзугыльмылис, дерт кöнкö, Ревокатлөн грöзитчöмыс мөрччытöг эз ов.
Гашкö и, виччисис, мый корасны сийöс органъясö да вылысь заводит-
тасны гудйысьны важас — кызди да мый веськалин пленö, мый сэн
керин?.. Но тай öнöдз некытчö на эз чукöстны, муркöдчö-пөрöдчö
мортыс ставсяыс медзiля, öтнассö сийöс ме некызди ог вермы вö-
тöдны...

А дураксыс картясöмнас регыд мянöс торйöдисны Илляыс-
кöд — тi пö, кык кужысьыд, быдөнöс верманьыд, да тадзинад абу и
лöсьыд ворснысö...

Та бöрын сэсса кыкнанладор выныс öткодьджык лоис да, збыль-
ысь, интереснöйджык лоис ворснысö. Мед кöть и сьöкыдджык. Мукöд
юклöмыс вöли, гашкö, часысь дырджык кежлö нюжалас, картяс öти
киысь мöд киö вуджöны, некод оз кöсйи сетчыны, Илля Илличлөн
джуджыд кымöсыс көрласьö ёна думайтöмысла, менам, аслам, чужö-
мöй, дерт кöнкö унаысь жö сэзьдылö и кымöртчылö — öд меным ньöти
жö абу окота сетчынысö да сё пөлöс ног лöсьöдла вежöрын, кызди
эськö бурджыка колö петнысö либö вийнысö.

А пызан гöгөр, гашкö, барак джынйыс сувталöмаöсь, думсьыныс
тшöтш ворсöны, кыпыда горöктылöны бурджыка петiгъясö, оз вермы-
ны терпитнысö да, велöдöны, кутшöмджык картiөн колö петнысö, му-
кöдыс бара таысь скöра чöшнитчылöны на вылö...

И верман кö тэ татшöм сьöкыд да чорыд косыс бöрын, сэтшöм
шудаөн лолан! Но сэтшöм нин нимкодъ тэныд овлö! — быттьö кутшöм-
кö выль враг вылын выль победа шедöдiн...

И ошкöны тэнö, и ныв синъяс югыда да пöся видзöдöны...

Жургö-ломтысьö доналöм плитаа пач, сьöлөмяныс жö вöчö ас-
сыс уджсö, пусьö и косытьсö мянлы, шонтö мянöс, ягыс вайöм
конда керъясысь лэдзö дзескыд барак пытшкö уна вояс чöжөн шондi-
лысь босьтöм шоныдсö... Да, шондiсянь босьтöм шоныдсö! Видзöд со,
и кывъясыс öткодьöсь — шондi да шоньд. Коми йöзыс код тöдас кор-
сянь нин казьявлöмаöсь тайö йитöдсö. Олöм сетысь да олöм видзысь
йитöдсö. Колана ногөн доньялöмаöсь да и ыджыда нимтöмаöсь! Мед
өнi шондiыс омöля и мыччысьлö-петкöдчылö мянлы, но ассыс шо-
ныдсö тай запасөн уна чöжöма мян му вылö. И вöрын, жар биөн,
шонтö сийö мянöс. И пачын, ыргигтыр, донöдö плита да кирпич, бара
жö шонтö мянöс, тшöтш и пуö картупель да шыд да тадзикөн тшöтш
и пытшкөссияньным шондö...

Ывлаын, кылö, камöдчö кöдзыд, поткöдлö керка пельöсьяс, чук-
тöдалö берег дорö лыбöм йи. Но мянöс он босьт шоньд баракысь, öд
ми, йöз, важөн нин велалiм — кор мянлы колö! — быд ногыс öзтыны

да ломзбодны шондiөн дасътём-керёмторъяссё да лов тырён нимко-
дясъны наысь ыльгысь-петысь шоныднас...

Ми тарыт, тешим да, рытывбыд ворсам картiөн, дуракысь, öдий
тай кадыс лэбё, сöмын и ыпъялан пызан сайын, лов тырнад нимкодя-
сян вермылiгысö, а кор тэнö вермöны, весиг дась бёрддзыны...

Сэсса öд и, кор тэнö вермасны, бара на мыйкö дурактö тшöктас-
ны вöчны...

Медбөртя юклöмас юрöй менам ёна нин мудзис-ныжмис да, ме
дуракö коли. И, сötананызьясыд, став воддзасысь кöсiöны водзöс
босътны. Медзя чиганыс, Варка Павел, кодi рытывбыднас медуна ду-
ракалис, шуд:

— Аддзан, кутшöм чöскыда узьö Питю Маня? Тэныд ковмас вод-
лыны сы дiнö, сывйыштны да окыштны...

— Мун сэтысь, йöймин али мый тэ?— ыпмуни-повзи ме татшöм-
торсыд, дзикöдз нин ныжмылöм юрöй пырысь-пыр жö бөр сöдзис и.

А мукöдыс нин водзвыв чиктылöны-радлöны татшöм, некор на
вöвлытём наказанньöсыд.

— Он кö кер, мый тшöктöма, мöдысь мийö тэкöд огö пуксьöй
ворсны!

— Видзöд, Маняыс кутшöм лöсьыда востöма кыз тырпьяссö*,
узьö и вöтасыö та йылысь.

Кадыс вöли сёр нин, унджыкöныс барадын узисны нин, а кодi
олis на, ставөн чукöрмисны мян гөгөр, ныр-вом пасьталаныс шыння-
лöны да гусьöникөн киксьöны.

Тайö Маняыс вöли ар кызь квайта ныв, поконча Крестин кодъ
кымын ыджыд да ён, сöмын зэв ёсь кывъя да ми, быдөн, полыштим-
кодъ сыысь. Сидзсö сiйö улыс катище вылын кер додьяс ректö...

Маня да сылөн пöдругаыс узьлöны пач сайын моз нин, меддорас,
кöзлаясысь керём паськыд пу крöватын, мыйысь Маняыс и радлис
на — меным пö татöни вöляджык весьт пасьта кöрт койкаад дорысь
да и верма на пö кутшöмкö кавалерöс водтöдны ас дiнö...

Маня, бур чигъя ки-сойсö паськöдöма да, гатшөн чöскыда шкор-
гö-узьö, косник пöдругасö дзикöдз стен бердас топöдöма, чужöмыс
Манялөн сидзсö лöсьыд, сöмын тай писти серён кодйыштöма-а, öни
узигас пöсялöма да, кымöс вылас ляксысялöма гөрд юрсиыс...

Мыйöнкö и кыскö на ас дiнас тадзи востьсөн узьысь, шонид да
небыд Маняыс!.. «А мый!— вильышма жö сэсса ме.— Тшöктанныд кö,
водла öд и окышта!..»

Шуны кö нин, ныв дiнад водлöмыд мян сиктын водзтi эз лыд-
дъысылы мыжөн ни грекөн. Сэкса кадьясас вöли некымын воөдз (!)
узьласны öтлаын ныла-зонма, сарай вонйын и мукöдлаын, и некутыш
лөктор оз вöчны öта-мöдныслы та дыранас. Радейтöны кö, кутчысь-
лöны да окасыöны сöмын, гöтрастьтöдз кага налөн оз чуж... Жöпъ и
тадзи öтлаын узьлисны, сиктын зэв гежöда вöли чурка-кагаыд, сы вöс-
на мый ныла-зонмаыс тшöтш и ёна пыдди пуктисны öта-мöднысö, эз
кöсiыны лөк ногөн дойдны да и водзö олöм йывсыныс да коркö лоан
ныла-пия йывсыныс ыджыда мөвпалисны...

Войнаыд öд та кузя унатор дзугис-а, жöникьясыд усялисны да,
ныв-бабаяслөн кöртвом кутöдыс личалыштис...

Ме вода пöсь гор моз шонидөн упкысь Маня дiнö, лепитчышта
пу крöвать дорышас. Ёна ызьбöмөн и лов шыöс кутöмөн сывъяла
Маняё шуйга сойён да кöсья асланыö бергöдыштны чужöмсö. Но
сэки Маня, синьяссö востывтөг, ачыс бергöдчö меланыö чужöмнас и
тыра вöраяснас, топыда сывъялö менö кыкнан сойнас и кыкнан кок-

* Ты р п я с — парьяс, вомдор.

нас да и, горш лөдз моз, варскысё менам вом доръясё би-пось вом доръяснас...

Ме муртса ог пөд... И вөрзыны ог вермы. Манялөн сывтырйысь и коктырйысь. Сөмын и тракйыся дзугйё шедём уркай моз. Ош лапаясё веськалём бычөпи моз ли. Торйён нин кыз кокъяснас ёна жамкнитөма менё Маняыс, тривкйысигөн кыла ме, кутшөм зэлыдось Маняыслөн кокъясыс, том пипу кодь нюдзось да топыдось...

А гөгр кулөны-сералөны!

А Маня, медбөрын, кусөдө жө окыштөмсё, но сывтыръяссё оз на личөд. Сэсся и кыпыда шуё синсё восьтытөг:

— Тайё том ударникидкөд тай чөскыда нін позьё окасыны!.. Онї ме тэнё, шедін кө, ог лэдз. Колмас асылөдзыс окасыны... Бисё вай кусөдө да водалө!

Мый сэсся татчө керан да он кер! Отчыд окыштөм пыдди вом доръяс деймытөдз ковмис окасыны Манякөд...

Но сэсся меным төд вылө уси, мый Маняыс өддөён ёна полө гильөдөмысь. Ме и пондї сійөс, кытї сөмын веськалө, мый вермөмысь гильөдны. Маня пырысь-пыр жө мөдїс кыздисюрө пессыны-гигзыны, зэлыд капкансё личөдїс да вөлись ме мыні...

Баракысь став узьысё садьмөдїм ми асланым дурөмөн-ворсөмөн.

9

Сэсся и воис сэтшөм лун, кор бырөдїсны нянь карточкаяс! Лои тайё декабрь шөрын, сюрс өкмыссё нелямын сизимөд воын...

Бара лои вөльнөй нянь! Сөй, мыйта колө!..

Ми коддьөмыс, кодъяс войнаөдзса пөтөс олөмсё вунөдны нин кутїсны, бур вөтөс моз сөмын нин и казътылөны,— миянлы, век тшыг нисё пөт мерлинаяслы, татшөмторад эз бытьё и эскыссы... Мед эськө лавкаө мунін да позис босътны сэтысь мыйта колө нянь да көть аджавтөдзыд жубритны-сөйны...

Татшөм луныд миянлы, позьё шуны, мөд Победа праздник коддьөн лои!..

Көть эськө и таөдз мыйтакө водзджык нин лөсьөдлісны сїдз шусяна коммерческой нянь да кутшөмсюрө мукөд сөян-вөлөга, кодөс позьё вөлі ньөбны карточкатөг жө, сөмын ёна донаджык донысь... Миян, пөрөдчысьяслөн, сөм вөлі, да ми ньөти эгө жалитөй сійөс сөяныс вылө, бура пызйим да мыйтакө пөтөсаджык нин олім бөръя каднас...

И бур, мый эгө жалитөй сөки нажөвитөмасө! Од карточкаяссө бырөдїгөн лоис и денъя реформа да дас пөв чинїс денъя доныс, дерт, сөян-юанлөн да төваръяслөн доныс ичөтджык жө лои...

Ми вокыслөн, төдөмысь, уна сьөм эз вош, юрлөс эжөдъясө дасаяс ни гөрд комынаяс эз вөв. лөдөма, некымын сөйд көть и вежсяс посньыдджык вылө, таысь миян сьөлөмъясным оз на потны. Мед, колөкө, вийсьөны да пиньнысө йирөны найө, кодъяслөн вошө сьөмныс уна сюрсыасөн... Дерт, шуам, бур ногөн кө, аслад мудзөн-пөсьөн нажөвитөм сьөмыд кө вошө, көнкө, ёна жө жаль да...

А миянлы нимкодъыс да помтөм радыс сысысь, мый нянь мыйта колө лои! Донтөм нянь! Со көнї шудыс и гажыс! Сїдзкө тай олам на гажа му вылас! Онїтө олам нин!..

Няньсө миянлы вөлі ваялөны лесопунктысь — ыджыд гөгрөс ту-пось-чөлпанъяс. Пөжасис сэнї район пасста нималысь мастер Палин Ерман, сылөн кияс улысь вөлі петө сэтшөм чөскыд, но сэтшөм нин чөскыд көра нянь, көть сьөд көть еджыд, сөмын тай карточка серти-ыд, кузя тшыгъялөм йөздылы, некытчө матө оз вөлі тырмы... Гөгрөс

тупось-чёлпаныс Ерманлөн век вөлі пушвидзё, шөрланьыс лыбьома-пөльтчёма, мичаа банйёма, а доргөгөрыс, чездасьлёма-потласьыштёма да, кызджыка коркаасьёма. Бура шузьём-ловзьём, вытьтё босьт-чодысь кёра татшём няньсё весиг коснас лов мунтёдзыд верман няж-йыны-сёйны, а кёш ва кё киад босьтан, сёки дзык нин пётёмтё он тёд...

Бура и печким-путшким ми Ерманлысь чёскыд няньсё норма-карточкатё бырөдём бёрын! Гортын, баракын, и ягын, пажнайтігөн, асланым киясён тэчём балаган-чомйын. И — дивё! — отарё элөдысь кёдзыд төлыс друг быттьё шоныдджыкөн лоис, эгджык пондөй кынмыны ми, тэрыбджыка вөрны пондём и... Кутшөмакё личодчыштлём бёрын, ме өні бара куті быд лун пёрөдны кык норма гөгөр!

Дерт, пёрысь Ерманлы уджыс, кёнкё, некымын пөв содіс, но бур мастерыд и өні эз кут наянитны, мукөдлаын моз эз понды кыскавны ыджыд пач под вывсьыс нюдз сёй ёкмыльяс, — а водзё кёлдуйтіс-пөжаліс чёскыд нянь! Мед нин пёттөдзыс вердны кузь война чөжөн и сы бёрын нин со мый дыра тшыгьялём йөзөс. Эз уськөд пёрысь Ерман мастер нимсё асьыс. И тайё бур керёмнас, дерт кёнкё, медьёна колис йөз сьёлөмьясё да вежөрьясё...

А сёсся и вайисны миян лавкаё спирт!

И столөвөйын кольыштлөмабсь на мыйтакё йёра яй, думсьыныс выль во кежлө.

Сёсся ми, Сыктыв вылысь кызаммём нин йисё отвылысь кералём да, суйлём йи куд улас Қалис пөльлысь паськыд бордыяса кык ветьель, да наё унакодь пырёма кульмыны лөсьөдчигөн ёнджыка визьялысь кыз юра налим.

Ставыс кутіс артмыны да лөсявны сы могысь, медым ми, сиктса вөр лэдзысьяс, коть отчыд отлаын пукыштім-гажөдчим көдзыд парма пытшкё дзёбсьём-вошём Улдзиягын! Медым ми вөчим аслыным Нянь праздник!.. Мый миянлы виччысьны матысмысь Выль восө?

Од Выль воыс кежлө колө лэччывны гортьясаным да сёки отлаынсё кызди пукалыштан?

Шойччан луллы паныда рытё ми гимөбтім-керим татшём пирсё. Турун вайысьяскөд сэк кежлө тшөтш воөмабсь кодсюрөяс и сиктысь да, содтөд, вайөмабсь кутшөмсюрө сёян-юан...

Бараклөн миянладор жырьё лөсьөдім пируйтанинсё, та могысь отарладорсьыс став крөватсьё вешталём мөдар стен дорё да топөдөмөн төрөдім сэтчө ставсё. А кушалөминас лөсьөдім мөд кузь пызан. А бараклөн мөдар ыджыд жырьё, паськыдджыкинас, водзвыв жө дасьтім йөктан-гажөдчанін...

И неуна водзджык помалём уджнымөс субөта луннас. И быдөн — пёрысь и том — асывсьяныс вөлі кызкё да мыйкё кыпмунёма. Весигтё тшөтш и медся ичөт олысьным миян — Полковник Володь.

И сэтшөм пызаньяс ми лөсьөдім отвылысьнад, тшөтш и колхоз правленнё отсбгөн!.. Зав. обоза Тулан Миш правленнё нимсьяныс медьёна төждысьёма, ачыс со весиг воөма и. Дерт, оти сайын мед тшөтш видзөдлыны, кызиджык уджалөны да вермөдчөны вөвьяс...

Мый вермө сетны коми вөр-ва, мый вермөны быдтыны сиктса ыбьяс-муяс, — муртса ли не ставсё лои лөсьөдөма отвылысьнад да лэптёма кузь пызаньяс вылө!

Ок и дивё тай ми керим Нянь праздник лунад!

Татшөм пызаньясё ме эг нин адзвыв Победа лун Ыбынын пасйөмсьянь!.. Да и откодялан өмбй сэкся пызаньясё өніяскөд?.. Сёки өд эз на вөв вөльнөй няньыс и мукөдторыс... Сёки өд ылын на вөлі со татшөм Нянь праздникөдзыс!..

Рысь кодь еджыд ельдөгьяс, кодьясөс, мед эз сьөдөдны личкө-минсьыс лэптём бёрын, кыза киськалөма нөкйөн;

Татшом еджыдыскөд орччон гөрда-улиса дзирдало тасьтиясө чук-
йон лөдөм сакара пув;

Еджыд коркаа восьтом-паськодөм налим чериньяяс пасьви-
дзёны;

Пывсянын тшынөдөм порсь задйись бур ки пасьята чөлөсьяс не-
быда личкёны өта-мөднысө;

Чөскыдысла кольмөдысь корон руасьо гырничын этшаник ва пиын
лук солон бура пөжөм йёра яй;

Бура выялөм еджыда-вижа гырысь анькытш пөртө синтө. Весиг
со анькытш вайөмаось, ичөтдырся гажөс менсьым!..

Пөвтан черияс кодь паськалысь кынөмъяса, серөдөм дорьяса
гырысь идняняс да мичаа гөгрөстөм-быгөртөм картофеля и шыдөса
шаньгаяс вуйон кыза мавтөмысла вижон лөсталоны;

И мыйта колө Палин Ерманон пөжалөм Государственной нянь!
Тшөтш и еджыд нянь! Эстшом тшөг тупөсьяс, небыд-гөгрөс чөлпанья-
с, вылясяныс кыкнан кинад личкан да, дзикөдз топавласны, но кор
лэдзан, резина мач моз бөр пушмуноны-лыбёны, дзик нин ловья ко-
дьясь! А еджыд да джуджыд шөрөмыс няньсылон гырысь синма, бан-
йөм дорыша да олөмыслон шудон паркйө-өвтө!..

А юаныс — асья кыаөн ворөдчысь пув ва сора спирт, кодөс, бу-
ракө, өнджыкасө кизьөртөма рөмсө вежөм-мичмөдөм могысь, а не гра-
дуссө дзикөдз вылө уськөдөм могысь!..

Ми кодь кузя тшыгьялөм йёзыд кызди нө он шатовмун татшөм
пызаньяс вылад куш нин өти видзөдлөмсьяс?!)

Өд со, өнi сөсся надейнөя нин поэьо шуны,— өнисьянь дзик мөд
олөм заводитчө! Пөтөс олөм! Кынөмыд кө сямалө, мун лавкаө да и
нвөб мыйта колө нянь! Да мукөдтор. Сөй пөттөдзды!

А мый вермас лоны бурджыкыс быд лун пөттөдз сөйөм-юөм до-
рьсь? Буракө, немтор оз вермы лоны! Тайөс ме, көть и том на, бура
нин төда. Ставыс пөттөдз сөйөм-юөмсянь заводитчө!..

Дерт, ми татшөмсө вичысим пырысь-пыр жө война помасьөм бө-
рын, пыр жө Победа бөрын. Но эз на тай вермы сөки лоны. Сэтшөма
изөм-пазөдөм странаад... Адзыли өд ме ас синмөн, вөвьясла ветли-
гөн, мый керөма фашистыс медся йёза, водзти медся сөвмөдөм муяс
вылын. Сөсся өд и сы мында медбур уджалысьсө, бурджык олөм
вөчысьсө нырыштис войнаыс!..

Кодлөн мый сюрис мичаджык паськөмө вежсьөмөн пуксялим ми
сөян-юанон чегысь пызан сайө, ми — Зурган грездса войтыр, колхоз-
никьяс, а өнi вөр пөрөдысьяс и кыскалысьяс, сьөд вөр шөрө вошөм
Улдиягын олысьяс. Быд пөлөс арлыда йөз на тай бара чукөрмим
өти пызаныс сайб. Медся дзольяс Полковник Володь, а ськөд орч-
чөн — медся пөрысьяс, Калис пөль. Морт-мөд-коймөд Тима дядь кодь
олөма йөз эмөсь. А унджыкёныс, дерт, томджыкьяс, кызди и век вөвлi
кер дiн сьөкыд удж вылад. Ми со, войнаөн нюзөдөм-нюдзмөдөм по-
нөльяс, босьтим жө нин киясаным лучковкаяс, дас сизим — дас өкмыс
арөса мужикьясөн лоим. А ми кодь томуловыс пөвстын дона гөбьяс
этшөн зумвидзёны бур эбөса-вына, война биөн чишкалөм салдатьяс.
А медся өна, дерт жө, серөдөны-мичмөдөны пызан сайсө нывьяс да
том аняяс — найө, кодьяс, тувсов дзоридз моз медводдзаысь на вос-
сьёны югыд тувсов шондыслы воча, и найө, кодьяслөн кольны нин
пондөма дзордзалан дөраыс!..

Войнаыс эськө өна тшөкыд зуөн чайыс-сыналис тшөтш и мян-
лысь Зурган грезднымөс, но со тай — абу на кусөма олөмыс! Тайөс
водзө на пондасын нуөдны Зурган рөдьяссө!..

Ичөтысянь меным төдса йөз пукалөны пызаньяс сайын. Нэмө-
вөйя вөралысьяслөн да видз-му вөдитысьяслөн ныв-пиян. Кок йыла-
ныс сувтөмсянь помасьлытөм удж мыркысь войтыр. И воюйтисны найө

мукöдысь не омöльдзыка. И няньтö быдтисны дженьыд гожöма кö-
дзыд муяс вылын да век мöдöдисны фронтлы, аслыныс сёйöм вылö
пöшти немтор эз и кольлыны... И самолёттö да быдсяма военной ко-
рабльсö стрöйтöм вылö медбур вöрсö сымда мöдöдисны Сыктыв йывса
ягыясись...

И ставис тайö вöчсис-керсис тшыг нисьö пöт олöмөн, сідзкö и
вынысь вывтi...

А öнисьянь лоö пöттöдз нянь! Сы дыра мысти бөр лоö пöтöс олöм!..

Сувтис мыйкö шуны бригадирным, Мича Наста, мекöд вочамоз
пукалö сійö. Дзоньнас югзё талун Настаыс — гожöмпомся ниа лыс
кодь юрсиыс быттьö тшöтш öзтöма кузьмöс синъяссö да найö вöвлы-
тöма югзёоны, тыдалö öд стенин ломзбысь стеклöа лампа би югөр
улын. Лыбыштöм черлыяса мича чужöмыс Насталөн дзоньнас югзё-
ломалö, а лежнög дзоридз моз восьбөм вомыслөн кöтшьясыс талун
нöшта нин вылö лэбовтöмаöсь.

Ныв кодь на мича да пырыс югзёысь Настаыс!

— Мый ме тiянлы верма шуны öнi?— джöмдалана гөлöсөн став-
нымлысь юалис Наста.— Ме талун немтор ог и куж шунысö тiянлы...
Ме талун öтпырйö быттьö шуда биын сотча... А тшöтш быттьö и пöсь
синва матын син дорын пузё... Шудыс и синваыс талун быттьö öтла-
ын пузёны ме пытшкын... Сыысь, мый ми олiм татшöм здукъясö-
дзыс... А кодьяскö эз овны... Мый сэся керан да он кер... Кодлөн пö
тай кутшöм шуд... Со ме и кöсья шуны, мед эськö водзö вылö век
унджик вöли шудыс, а синваыс этшаджык... Быдөнлөн!.. Быд морт-
лөн!.. Мед эськö йöзыс этшаджык дойдалисны öта-мöднысö... Вай сэс-
ся та понда либö и юыштам этшаник да пöттöдз сёям этатшöм пыза-
ныс сайын!

Со кыз шуис бригадир Наста. Некод миян пиысь, буракö, эз вич-
чысь сылысь татшöм кывъяссö, и ми весиг не этша чуймыштлiм, но
сэся, буракö, быдөн жö, казалис, мый тайö здукас буретш татшöм
кывъяс и колiсны бригадиралыс Мича Настасьянь. И вөрзём сьö-
лöмъясөн ми точнитчим. А сэся и ме дрöб тусьөн дöмöм аслам круж-
каысь, дыр видлытöм бöрын, тшöтш юи гырк пытшкöсöс сотыштысь
пув васö... Да и вувзыси чöскыд сёяныс вылö!..

А татшöм чöскыдсö сёйигөн уна сёрнитны меным некор. Сöмын
и ме кутшöмакö кылыштi лов вылын, мый тайö шуда здукъясыс вöсна
позис и лун-лун пессыны кодзыд вöрын, бонзытöдз мудзны и кын-
мавны... Сы пыдди öнi шоналöмыс да мудз веськалöмыс мөрччана-
джыкöсь меным. Не нин сёрнитны, кутшöм шудөн ойдöдö менö, кузя-
тö тшыг нисьö пöт олöм бöрад, чöскыд сёяннас пöтöмыс!..

Сэся пондiс сёрнитны «пув ваөн» шонöдöм Калис пöль. Сійö,
ковтöгыс, некор жö эз бызгывлы, а пондылис кö мый йылысь кö вись-
тавны, ме, ас пайысь, век окотапырысь кывзыли уна аддзылöм-тöдлöм
мортыслысь.

— Нянь кузяыд кö байтны, ме кодьясыс асламым олігчöжөн
куимысь медьенасö да кузясö тшыгъялім,— вылö лыбöм сөнъяса-гö-
рöдьяса княссö малалиг-шыльöдiг, сувтöмөн жö шуис Калис пöль.—
Гражданскöй бöрад, кор тай кузь войнасыс пазöдисны жö уна моло-
дечöс. Чинлис жö му-видз вöдитысьыс. А, видзöд, выль тураса олö-
мыд пансис... Лючкисö некод на оз куж, кызди колö... Быд му тор
вöсна йöзыс толькö и пурсьöны öта-мöдыскöд... Кодi öтувъя коммуна
лöсьöдö, а кодi бара и вредитö сэтшöмыслы... Тадзинад нö кызди
няньыдлы лоны?.. А сэся тай, помö ни дорö этö пондöй воны да, Ле-
ниныд НОП-тö керлис... Но, сетисны тай крессянинлы му и видз,
кер пö, мöй тэд колö... Сэки бөр пуксылыс пöтöс олöмыс, кыскö-
мыйкö тай öддбөн чожа ставис бөр лоліс... Но сэся тай бара ко-
хозьястö лöсьöдöм бöрын, первойсö, ёна жö тшыгъялім... Жуг та

йики майким, ныв пу кач да... Ог тѳд, мѳйкѳ тай сѳки, сразу сѳ, лоліс жѳ йѳзыскѳд... Муястѳ бѳр ѳтвывталісны колхозад да, сысы ли мый ли падмылісны... А сѳсся быттѳ бара на ставыс уставиччыліс, ѳтувъя ыбъяс вылын ѳтувъя нянь пондыліс бура воны... И мукѳдтор... А сѳсся, видзѳд, бара тайѳ войнаыд гымгысис йѳзлѳн юр вылѳ... Сы йылыс тїянлы оз ков висътавлыны, асьныд тѳданныд, асьныд ме дорыс ѳнджыка тшыгъялінныд... Ме вед мѳй? Кор черитор кулѳмѳн гаровта, а кор уркай либѳ кѳч кыя, век нин нуртѳ вежыштан... А тїянлы, коньбръяслы, тшыгъялѳм да сьѳкыд удж бѳртѳм толькѳ и вичмис. Кодлы сысы на лѳкджык — воуйтѳм да... А воуйтѳмтѳ ме тѳда жѳ, Первѳй мирѳвѳй дырїиыд Германечыдкѳд ѳна жѳ люкасылывлім...

Ме кывза пѳрыс мортлыс татшѳм сѳрнияссѳ и менам небзьѳм-бураммѳм лолїй быттѳ и нормыштѳ. Мыйта колѳ ѳтарѳ терпитны йѳзлы! ѳтияслы и мѳдъяслы... Мыйла нѳ тадзисѳ ѳтарѳ артмѳ олѳмас? Мыйла нѳ миян му вылѳ ѳтарѳ усыласьѳны лѳк врагьясыс?.. Кыдз нѳ ставсѳ тайѳс гѳгѳрвоны?.. Ок, ылын на меным татшѳм ыджыд гѳгѳрвоѳмдзыс!

Тадзи мѳвпалігмоз ме, дерт, ог вунѳдлы сѳйѳм йылыс, сола ельдѳгьяс бѳрын картофеля пирѳгѳн ме няшка пѳжѳм йѳра яй, ордлыас-дорса гѳча-сѳна яйыс мурчкакылѳ пинь улын, сылыс-нѳгылыс сїдзи и рудзалѳ вѳмѳ. А сьѳд чигйыс яйыслѳн небыд, оз везьяс пинь улад, бура орьясьѳ-курчасьѳ, вѳр кѳра и тшѳтш быттѳкѳ Ерманѳн пѳжалѳм тупѳс кѳра, пѳтнысѳ он вермы, торїѳн нин чорзьѳдѳм пув ваѳн чажнитѳдѳм вытънад...

— Вердаса тай шедлѳма тїянлы живѳтинаыс,— шуѳ меным Тулан Миш, зав. обоза, сїйѳ пукалѳ мекѳд орччѳн, азыма жѳ сѳйѳ-юѳ, а нѳшта на азымджыка сюс синнас сѳйѳ паныдѳн пукалыс да талун кызкѳ вывті нин кыпъялыс бригадир Настаѳс. Тулан Мишыс кызь вит арѳса, веськыд ныръяса лѳсьыд чужѳма, неуна гыалыс русыд юрсиа мича морт. Нывьяс сїйѳс ѳна радейтѳны. Воліс фронт вылыс коркѳ регыд война заводитчѳм бѳрас да сѳксянь уна нывлы и дѳвалы удитіс лѳсьѳдны кага...

Онї гажмыштѳм пызан сайын торъя-торъя сѳрнияс нин пансялѳны, быдѳн мыйкѳ кѳсїѳ шуны.

— А ме лѳсьястѳ любита пезыгѳдавын тулысьявыв, чарѳм вывті,— гораа ошйысѳ Миш.— Тѳнѳ чарѳмыс бура лѳптѳ кыса паськыд лызьнад, а кузь кокаяссѳ оз. Понмѳн мунан на бѳрыс, понтѳ оз жѳ вѳйтав... Но вот, корсяс найѳѳс Катшысид, увтны пондас. Тѳ искован сѳтчѳ веськыда... Мукѳддырїиыс быдса семья веськалас, нѳль-ѳ-вит лов, гырысьяс и бура нин быдмѳм гожея пиян. Ставсѳ дїтшїѳдлан. Чорыд чарѳма лымйыс кынѳм улѳдзыс, пышїыны оз вермыны тѳыс ни понмыс...

— Мыйла нѳ ставнысѳ лыйлыны?— менѳ быттѳ дойдыштѳ Мишлѳн татшѳм вѳралѳмыс.— Мед кѳть эньсѳ да пиянсѳ кольны...

— ѳддзѳм вывсьыд он тай вермы сувтнысѳ,— шыннїлѳ лѳчыд синма Миш.— Кодсюрѳсѳ весиг гортланьыд на мыйтакѳ вашѳдан. Мед сѳсся матынджык лѳѳ яйсѳ новлыны...

— Кыс мися, йѳраяс моз жѳ котралан бабаяс бѳрся да...— кызди и век, нюмсермунѳмѳн тѳпкѳдчыштѳ кыз льѳбнас Пилат Иван.

— Мышлы йѳтѳгыд кольччыны некызди оз позь,— ѳтилаѳ жѳ лѳдѳ Чуд ѳльѳксан.

А Тулан Мишѳс, буракѳ, и ньѳти оз дойдны татшѳм дѳжнасьѳмьясыс, сїйѳ бура тѳдѳ асьсѳ, кылѳ асьыс кажитчана вынсѳ... Сѳмын и шыннїлѳ татшѳм бытшїѳдлѳмьясыс вылѳ Миш да ѳтарѳ кыйкнитывлѳ пѳсь госѳн мавтыштѳм кодь руд синьяснас Наста вылѳ...

Сѳсся ме виччысѳтѳг казяла, мый бригадир вылѳ сылѳн тадзи кыйкьялѳмыс дойдыштѳ менѳ... А гашкѳ, оз тайѳ, а Мишлѳн кыйсьѳ-

мыс дойдышто мено?.. Меным весиг быттьо син водзё сувтлө морёсө-дзыс лым пын песьсыс вирён ойдом йорапи.. А Тулан Мишис исквотё сы динё паськыд лызь вылас да черён тышкалө юрас...

Но сэки лыбё гажмыштөм бабаяслөн вензьём, торйөн нин чирзё ёсь гөлөса Питю Маня, кодёс неважён меным тшөктылисны окыштны. Онё сийё мыйысыкё чушнитчөма уборщица-фельдшерика Жанна вылө.

— Татшөм Полковниктө нажөвитны позис на и война вылө ветлытөг!— кыла, дөжныштіс кутөд төдтөм кывнас Маня.— Тулан Мишкөд кө өти рытө дырджык төлысь вылө видзөдин и...

Весиг гажмыштөм нин варгысыс тшөкмуллісны Питю Манялөн татшөм чорыдасө дөжныштөмысь, ме ачым, виччысьтөмысла, пёсавлі и кодзавлі жө.

А коньөр Жанналөн вёсни ныра да гөгрөс сьөд синкымьяса енамлөн кодь чужөмыс муговсыс дзикөдз быгавліс, вир пас эз коль. Сэся и сийё ырсмуніс-сувтис да бөрдөмсорөн пондіс горзыны:

— Бур бать зонкаыслөн вөлі!.. Лейтенант!.. Финньяс тылө пыралігөн морёсас пуля инмис... Аслам кырымын куліс... Гижсынысө эг удитой... Тэнад вёсна жө, пөж вома вёсна, сетіс олөмсө...

Жанна дзикөдз бөрддзис да и чепөсйис пызан сайысь. Кодьяскө чеччисны бурөдны Жаннаөс, тшөтш и Калис пөль да Турөб Илля. А еджыд юра Полковник пиыс Жанналөн нетшкис мамөсө платтьөодыс да шөйөвошөмөн шуаліс:

— Мамө, мамө, мый нө тэ, мамочка! Ставөн тай нө сералөны, а тэ өтнад горзан да бөрдан...

А гажмыштөмысла нөшта на тыр вираөн лоөм чужөма Маня, быттьө немтор абу и вөвлөма, өвтчө:

— Сирөд чагыс, кызди вед дзажниччис! Ме вед эг лөкысь шу. Кутшөм вед прынцөсса воөма вөрө! Шуткатө эн лысьт сэся сылы шуны.

Калис пөль да Турөб Илля пуксьөдісны Жаннаөс да тшөтш и Полковникөс шөра-костаныс, пызан мөдар помө, да биа-тшына ыпнитлөмыс вочасөн бөр лаймалыштіс.

Сэся и бөр кутчысис бригадиралан вөжжиө Мича Наста. Сувтис, чужөмыс банйөма, гөрд биа юанным моз жө ломалө, нырбордьясис паськавлөны.

— Сылаам!— став шыяссө вевттьөмөн лэчыда горөдіс Наста.

— Вай сылаам!..— унаөнкөд тшөтш радпырысь горөді ме, сы вёсна мый став сыланьясыс, кодьяс сөмын эмөсь ме пытшкын, вөлі быттьө косявлөны нин менө торпыригыс вылө, ортсыө вөзйысьөны.

Тулан Миш пырысь-пыр жө петіс пызан сайысь, босьтіс кяс водзвыв дасьтөм хромка-гудөк. Со өд, сюсь мортыд не сөмын сөян-юаньяс вайөма тайө рытыс кежлө, а тшөтш и гудөксө ассыс, кодөн сымда нывлысь-аньлысь нин юр садьсө бергөдліс... Миш юасяна чөвтліс на пөсь синьяссө Наста вылө, быттьө көсйис нин помөдз стөчмөдны, кутшөмджык ворсөмөн медьёна бурмөдны сьөлөмсө сөдз биөн ыпъялысь аньлысь, сэся и пондіс ливкйөдлыны важысянь төдса, ловтө пыдөсөдзыс босьтчөдысь лад.

Насталөн нөшта на шудаджыка югнитісны синьясыс — кужин пө тай босьтнысө!— сийө лыбөдыштіс водзас дженьыд соска кушалөм кияссө да, ладыс серти найөн лайкйөдлігтыр, нюркнитіс норлунөн йиджтысьөм уна рөма-шыа гөлөсөн:

**Рытъя шу кадө, матушка,
Менө рөдитін.**

**Асья шу кадө, матушка,
Менө мөдөдін.**

Менө ичөтысянь ёна жө шызьөдльвліс тайө сыланис: мыйлакө меным сэтшөм жальөн век лолывліс гортсыс кытчөкө лэбысь нылыс, коть бөрд, и онё ме став вир-сөннам пырысь-пыр жө тшөтш йиджтыси

коми нывъяслөн нэмвөйся шогөн-могөн да, Насталөн лайкъялысь сойяс вылө видзөдиг, мед не дзугны ладсө, тшөтш чепөсси сывны, мукөдыс горөдисны и, коді кызди кужө да вермө. И со нин сьөд вөр шөрө лымйөн-көдзыдөн топөдөм барак пытшкын, уна горөн ёнмөдө-мөн, коми ныв, быдөнлы гөгөрвоана, висьталө ассьыс медыджыд көс-йөмсө:

Лэбзя, шу лэбзя, матушка,
Сөкөл-лэбачөн.
Пукся, шу пукся, матушка,
Да гажа садйё.

Аддза, шу аддза, матушка,
Ассьым мусукөс.
Босьта, шу босьта, матушка,
Аслым нэм кежлө.

Сэсса ми ыззим-шоналим да, зэв уна мукөд сьыланъяс на ливк-йөдлим и гөлөс тырөн косялим. Комиён и рочөн. Кодөс Наста босьталө, а кодөс и ме, Тулан Мишлөн лөсьыда ворсөм шыяс улө. Ме ёнджыкасө рочнас босьтала, велавлі өд Ыбынын олгөн Марина Кирикова коддьом аньяслысь роч сьыланъяссө, весиг украинасаясө. Война вылө мундө верөсьяссьыныс гажтөмчысь том бабаяс тадзи жө вөлі чукөртчасны да и кутшөмакө пальөдыштасны шогнысө көть нин сьылөмнас. А ме йөчтысян радейтлі жө сывнытө, да өдйө велалі...

А кушөма босьтөдө мича-лөсьыд сьыланыд быдөнөс! Торйөн нин, кор со тадзи быдлунъя вийсьөм-төждысьөмъясысь личөдчөма мортыд. Кор тэнад лолыд сөмын гаж вылө водзвыв нин лөсьөдчөма-дасьтысьөма, мукөд йөзкөд өтвывъя гаж вылө... Да кор нөшта артыштө тэнад сьылан ладыс, сьөлөм тырнад кылан тэ, кыті да кызиджык колө босьтнысө — кыті ёнджыка лэдзлыны гөлөстө, а кыті и кусөдлыны, и ыпъялө-песьсө тэнад лолыд сьыланыскөд тшөтш, и сьылансьыс өтар быттьө сэсса немысь-немтор нин эз коль тэныд олөмас, та вөсна пельнад, да тшөтш и вир-сөннад кылан и казялан тэ, кодөскө кө лад вывсьыс шыбөлитөдас, и Наста моз жө кинад лайкйөдлөмөн отсалан сылы бөр пырны сьыланыслөн лызь визьё, и вочасөн став гөлөсьяс сөльнитчөны кодөнкө лөсьөдлөм мыла-юрөб ладас, и лөө өти, сьөлөмтө нөшта нин босьтчөдысь гор...

Да тшөтш и казявны удитан тэ татшөм пөсь здукъясас, кызди уна синъяс видзөдлывлөны тэ вылө — шензьысьсөсь и пөсьсөсь, кодсюрөлөн, кызд шуам, Одетталөн, уна шуны көйысьсөсь... Таысь тэныд нөшта нин ёнджыка да кыпыдджыка сьывсьө, и тэ ливкйөдлан и дзольган тувсов лунө енэжө өшйөм колип моз, коді тай ылі муясын төвйөм бөрын бөр воөма чужанинас да медмича шыяснас дзользё-чуксалө муса гозпөвсө...

Мед жө эськө йөзыс унджыкысь тадзи чукөртчылісны өтлаө да бур ногөн сьылісны.

А кор сэсса пув ваён выльысь пожйыштим пөттөдз сьылөмсьыс киргыны пондөм горшъяснымөс, бригадир Наста горөдіс:

— Оні ставөн петам мөдарас йөктыны! Менам чипсанъяс дасьтөма!

Чипсанъяс! Но и Наста!.. Но — бригадёр!..

Унджыкөныс, коді абу на вөлі дзикөдз сибдөма чорыд пув ва дінө да сёянөн тыр пызан дінө, гажаа гузьгысисны барак мөдар джыйё. А регыд и Наста вайис чипсанъяссө — резинкаөн гаровтөм быдса тубрас... Заргумысь вундалөны миян татшөм чипсанъяссө, лөсьыда сэсса косьмөны найө, нюдза чорзёны да вель дыр вермөны гажөдны кужысь-сяммысь киясын... Война дырйыс бабаяс ёна мудзасны видз вылын, какъяссө өдва нин кыскөны, а гортөдз мунны ылын. Сэки сійө жө бригадир Настаыс перъяс сумкасьыс чипсанъяс да и пондас быдөнлы төдса лад серти тутсыны. И пырысь-пыр жө бабаяслөн бөр югдыштөны рудөдөм чужөмъясныс, кокъясныс вылөджык пондөны лыбавлыны...

Коді кужөджык, ёнджыкасө нывъяс-бабаяс, босьталісны быдөн

тшөтшөдөм пома куим чипсанөн, матысталісны найөс улыс вом до-раныс өтвесьта визьөн да и мөдісны тай чипсыны-тутсыны. Да йөк-тыны ладыс серти! Уна чипсаныдлөн гласыс уна рөма-нога юргө, оз кыздисюрө, а нэмьяс чөжөн нин шыльөдөм-лөсьөдөм горөн. Дждожд пасьтала йөз гузыгыссны йөктынысө! Весиг турун вайысыяскөд воөм пөрысь Матрен пөч — нывсө видлыны кайөма.— тшөтш чепөсийс йөз чукөрас! Көть эськө и чужөмыс сэтшөм нин омөль да быгалөм-вись-лөс, чукинтшак моз чукрасьөма... Но петіс чипсан шы улас йөкты-нысө да, чусмөм-кусөм синъясыс, видзөда да, кыськө друг ыпмунісны мыйкө би кодьөн жө, юзъыны пондісны, бытьө том нывлөн...

Ок тэ, миян коми чипсан-пөлян! Этадзи тэ верман өзтыны да ышмөдны ми воксө, томөс и пөрысьөс... Со и Тулан Миш крөвать вылө ляскис хромкасө да тшөтш чеччалө-йөктө. Кушмөм юра Қалис пөль йөктө еджыд юра Полковник другыскөд — медся пөрысь да медся том. Қалис пөль өтарө топнитлө веськыд коннас да сәки горөдлө — э-эк!.. Квайт арөса Полковник зэв збыльысь жө, другыс моз, зутшнитлө жө катаника коннас да тшөтш мыйкө горөдлывлө... Век көть серав на вылө видзөдігөн. Но серавны некөр — чипсанъяслөн өтүвя мыла горыс асьтө тшөтш босьтчөдө да нөбөдө уна йөза чу-көрас.

Полковниклөн мам — Жанна гөгөр, видзөда, ёнджыка гөгралө-йөктө Турөб Илля. Абу-ө кыткө-мыйкө вөрзьөма жө Илля Илличыс-лөн? Абу-ө, медбөрын, чегөма жө пленас мучитчандырьс чорыд зу-мышыс?.. А мый, Жаннаыс сідзсө ёна на лөсьыд ичмонь, шулі нин тай — томиник ен-мамлөн кодь лөсьыд да небыд сера чужөма... Дерт, шуам, бөжыс кузь сылөн, быдса Полковник со чеччалө... А гашкө, Илляыс век на зільө бурөдны Жаннасө өнтая бөрын, кор вильыд кывъя Питю Маня немдумайттөг сэтшөма дойдіс ичмоньсө аслас лөк шуөмөн?

Ачыс со, Маняыс, бытьө немтор абу и вөвлөма, зымгө-йөктө жө, пышкай моз на и жбыръялө, көть эськө и сідзсө, видзөднысө, эстшөм ён мыгөръяса, паракход кодь, небось тай тырмылөма сылы сөян и юан, көть эськө и ёнджыкасө, төдөмысь, картупель сөян... Да өд со гөг-рөс-дон чужөма Маня дінас косіник-сьөдіник Чуд Ольбөксан брынсь-ялө, меліа нюмъялөны на өта-мөдныслы... Мед но, бур тай гоз пөв, тадзитө кө. Мед нө өні Чуд рөдыс шедлө Манялөн биөн өгралысь вом доръясө, салдат мортыдлы, көнкө өд, тайө и колө...

Тима дядь тшөтш йөктө, бригадир Насталөн батыс. Көть эськө и кыза тшөтсьялөм чужөмыс сылөн, Тима дядьыслөн, жугылькодь. Тайө лунъясас гусьөникөн шөпкөдчөны вөлі, мый Тима дядьөс пө деньга реформаыд, буракө, ёна джөмдөдіс. Деньгаыслөн доныс дас пөвтө вежсис да... Буракө пө уна вошө сылөн... Нэм чөжыс ёнатө уджаліс да. Зельдыджыка оліс да... «Мый нө либө, батысө моз али мый бара таяліс сійөс неминуаыс?» — мөвпысысьө весиг өні менам. Тима дядь оз йөз чукөр шөрас йөкты, а ортсыөдысджык гөгралө, да ас ногөныс зэв тешкодя чеччалыштлө: гырысь-сьөкыд кырымъяссө мышкас-коскас тэчөма да, ньөжйөникөн люллялігтыр, то водзлань ыджыда нөровтчылас, то мышывив кусыньтчылас, а чужөмыс аслас жугыль, татшөм чужөмыс сылөн некызди оз лөсяв ызгысь гажыслы...

А со меным паныд лөсялө Одьө, Одетта, Анча Миколлөн чойыс, чөдлач синъясыс югыда дзулъялөны, гажаа кыпъялөны, тшөтш, буракө, видлөма Одьөыс өгыралөм пув васө, мыйысь неуна бытьө полть-чыштөм бандзибъясыс пувыйыслыс гөрдсө босьтөмаөсь. Еджыд ков-таа да сьөд юбкаа Одьөыс, талун дзик мөд кодьөн пөртчөма, лөсьы-діник да пелькиник, и тотшкөдө-йөктө да бытьө чужөмнас и став статьянас и вөраснас көсийө шуны: «А мыйөн ме мукөдсьыс омөль-

джык! Да мисътөмджык! Меным өд тшөтш жө нин дас көкъямыс арөс регыд лоө!»

Ми воча йөктыштам Одеттакөд, но өд колө вежласьны гоз-пөв-над, сэтшөм йөктаныс... Сэсся өд и менө, рытывбыд нин, мый нин өнi сосьынысө, менө кыскө тарытъя гажсө медьена öзтыс Наста дiнө... Мича Наста дiнө!.. Войся югыд би вылө йөй бобулөс моз кыскө...

Веськыд кинас Настаыс топөдыштөма чипсанъяссө улыс парйыс дiнө, пөлясьө-чипсө и йөктө, сөмын и трачкөдө вына көкъяснас гора джоджө, йөктигкежлас нарошнө туплиасьөма, баракын абу көдзыд да, а вылө лэптөм шуйга кинас öвтчө-гөрөдлө, йөктөмсьыс и ворсөмсьыс чужөмыс ломзьө-өзйө, и нөшта нин ярджыка öзйөны-югзьөны синъясыс... Менө, магнитөн моз, кыскис Наста дiнө да тшөтш чеччала ме сы дiнын, и сэтшөм окоа меным босьтны Настаөс прөст киодыс, да мед эськө бергалiс сийө менам киөн күтөмөн. Но ме и яндыся тадзисө босьтны сийөс, өна көсья и пола, а Насталөн югзьысь синъясыс тувсов шондi югөръясөн югнитлөны ме вылө, шондi югөрыс моз жө ёрөны менсьым синъясөс, и быдлатi, и водзө кыскөны менө, йөй бобулөс, жар биас, ме сэсся кута Настаөс вына чуныасөдыс тiралысь киөн, и пөсь токөн пырысь-пыр жө сотыштө менө, вир пасьтала быттө дзужнитчө пөсь токыс, и йөктам ми тадзисө водзө, Наста, ворсiгмозыс, пөся ыльгө-видзөдө ме вылө, и сэтшөма югзьөны сылөн синъясыс, ме некор на эг аддзыв ни эг чайтлы, мый эськө татшөма вермисны югзьыны мортлөн синъяс!..

— Федя, он өмөй аддзы, ставөн йөктөны параяснас вежласьөмөн. Онi вай ме йөктышта бригадирыдкөд.— Ме быттө вөтын моз, помөдз гөгөрвотөг на, кыла Тулан Мишлысь гөлөссө, да со тай нө лэчюд и наян синъясыс тшөтш жө корөны, мырдысь корөны менам кийсь Мича Настаөс. Но ме ог вермы сетны сийөс Тулан Мишлы, некыдзи ог вермы! Ме некыдзи ог вермы лэдзны-мынтөдны аслам кийсь Насталысь пөсь ток сетыс чуныассө! Ме ог вермы вешыны-ылыстыны сылөн матын югзьысь синъяс водзысь, тувсов шондi югөръясөн ыпьялысь синъяс водзысь!

Сэсся и, чайтсьө меным, Настаыс ачыс оз жө нетшкысь менам кийсь, ворсө и йөктө, и югзьө-нумъялө, меным вылө быттө югзьө-нумъялө, көть эськө и Тулан Миш нюжйөдлө сыланьө кисө...

Тулан Мишлөн сувтса синъясыс ыпнитлөны-югнитлөны ме вылө чардби этшөн, та бөрын вермас и йиркнитны гым, торйөн нин Миш кодь йөзлөн, төдышта ме сийөс... Но онi меным, тайö пөсь здукас, чардби ни гым, ни немысь-немтор оз мөрччы,— мед сөмын меным видзөдны шондi югөръясөн югзьысь синъясө да водзө на кывны-шонавны менө öзтысь-коддзөдысь мича нывбабасянь ыльгысь-воысь токөн...

Миянөс, вежласьтөмъястө, менө да Настаөс, дерт, казялисны нин мукөд йөктысьяс, видзөдысьяс и, сералөны и мыйкө шуалөны, а ми водзө кыкөн йөктам и йөктам, и видзөдам öта-мөднымлөн синъясө, быттө некод сэсся миян гөгөр абу, Наста нөшта на ярджыка чипсө-ворсө, нөшта на чорыдджыка зяткөдө-сяркөдө туплиа көкъяснас, а ме тшөтш став вынысь чеччала сы дiнын, дерт, ме ог куж бурасө йөктыны, но өд быд ногыс чеччавнысө верма, дас көкъямыс арөса пөрөдчысьыд...

Кутшөм шуда здукьяс!.. Аттьө тэныд таысь, коми чипсан-пөлян!..

Сэсся, виччысьтөг, скөрысь няжнитө гудөк шы, личкө-вевттьө чипсан шыяссө. Тайө, вөлөмкө, Тулан Миш кватитөма уджтөг лясвидзысь гудөксө, сэсся и пондiс сийө няжйыны-ворсны мый вынсьыс. Сэки вөлись Наста мынтөдiс менам кийсь ассьыс чуныассө да, век на югзьысь синъясөн ме вылө видзөдiг, мелiа шуис тырөм лолыс пыр:

— Ой, Федюш, мудзтөдiн тай тэ менө... Вай лолыштам...

А ме көть ог и дугды, сэтшөма менө ырзьөдiс Мича Настакөд

йоктöмыс, ме вылö видзöдысь синъяслөн югзöбмыс. Сьöлöмöй вынысь дйтшкö морöсын, лолöй кыпъялö. Сидзи сэсся ме и чепöсья ывлаб...

А ывлаын став вылас ыджыдалö, ассьыс уджсö и гажсö вöчö кодзыд рыт, вылын, юр весьтын, дзулъялöны посныыдик кодзувъяс. Сöмын рытыввылын, пемыд вөр весьтын, вылын енэжас öшалö сэтшöм мича кодзув! Но сэтшöм жö нин мича, сэтшöм жö нин ыджыд да югыд-дзырыд! Дзик жö нин Насталөн син кодь!.. Ломзö-югзö-югöра-сьö сöстöм еджыд биён! Ме, ёна ызызылöмысь ыркавтöм на, видзöда кодзулыс вылö, Насталөн югзысь синъяс вылысь моз жö ог вермы вештыны синмöс... Тöлысьлөн еджыд биён öзтöм ыджыд лым чир кодь кодзулыс, зэв ыджыд лым чир кодь, эзысь югöръясыс дзырыда вор-сöны-пöртмасьöны... Мукöд кодзувъясыс пемыдлöз вылас öдва дзулъялöны, а тайö!.. Ок и öзйö-югзö!.. Да читкырасьö ме вылö помтöм-пыдöстöм енэжянысь... Да водзö на быттö быттö öзтö менö...

Ме öтпöлöсөн, куш дөрöм кежысь, сулала да видзöда дивö-кодзув вылö, синмöс ог вермы вештыны, сидзи быттö и кыскö менö енэжса дивöыс... И, мудзыштöм бöрын, морöс тырөн лолала ме кодзыд вөр сынöдсö, и бур вын ме кыла быд сöнысь, и сэтшöм кыпыдлун,— кöть, босьта да, бараксö пельсöдыс лэптышта, став йоктысьяснас и быдён!..

Мыйкö дыра мысти ывлаб петö тшöтш и Наста.

— Федюш, кынман вед,— тöждысьö-мелиасьö сийö.— Мый сы дыра сулалан öтпöлöснад?..

А меным öнi лöма сэтшöм лöсьыд кывзыны тшöтш и гөлöс шысö сылысь, менсьым сьöлöмöс-лолöс быттö сывдöны сьлөн гөлöс шы-ясыс.

— Видзöдлы, кызди югзö кодзулыс!— вочасö шуа ме.

— Ок, мича и эм тай, матушкаыд!— тшöтш кыпъялö Наста.

— Тэнад синъясыд тадзи жö югзисны йоктiгад!— яндысьтöг шуа ме сэсся Насталы.

Татшöм ыджыда шуöмыд мөрччытöг оз ов Насталы, сийö тшöк-мунлö-падмылö, сэсся и, лөньюмөн, но пöся, воча шуö:

— Югзисны, Федюш?.. Збыль али мый?.. Тэ казялiн?..

— Сьöлöмöдз сотыштiс татшöм югзöбмыс...

— Да, мый тэ, Федюш... Дугды, зонмансй... Да, кынман вед тэ кышöдтöгыд!.. Вай чожа бөр пырам шоныдинас!..

Ми пырам Настакöд мян жырйö, сёян-юанысь идравтöм пызаньяс дорö. Татчö вель унаөн сибдалöмаось, абу петöмаось йоктыны, бизгöны öта-мöд вежмöныс, а кодсюрöс вермöма нин чорыд юаныс, личкöма вольпасьныс вылö. Варка Павелöс со Дядю гöтырыс кыскö жö кык пасьта крöватьныс вылö, быттö визув кодзувкот пырöма дзикöдз лябмöм ыджыд лöдз улö да тильсьö, ми Настакöд матыстчим да отсыштiм вийсьысь нывбабалы.

— Кырнышлы, лёк горшас кö веськалö винаыс, аджалтöдзыс юас сэсся!..— лöгавтöг тоткöдчö пöсялöм Дядю, а мöдыс мыйкö сöмын и гöгөрвотöма намöдö да öвтышталö лесмунöм кинас.

Наста босьтö пызан вылысь кык стöкан, мунö да пожьялö мыс-сян доз улын. Сэсся и Анча Микол, медьютöм мортыс, кодöс талун кежлö индöма вина видзысьнас, кисьталö мянлы стöкан джынийөн лампа би водзын алöйгöрдөн пöртмасьысь юан. Тайöс казялöм бöрын мукöдыс энөвтöны сёрнияссö да тшöтш пондöны дзайгыны Микол-лысь, мöдыс оз ёнасö и пыксьы, но, дерт, кужö кодлы кызди кись-тавны, унджыкöныслы ёна нин кизьöр веськалö юаныс, куш нин сöмын пувйислөн кöрыс да рöмыс.

Ми Настакöд, пызан öтарö-мöдарö пуксьыштöмөн, точкыям стöканъясөн да бара на видзöдлам öта-мöдным вылö. Насталөн öнтая моз жö вылысь пондöны югзыны синъясыс!..

— Мый нө, Федюш, шонтысьыштам... Көнкө вед кынмыштин югыд кодзулды вылө видзөдигөн...

— Мед эськө енежын... и му вылын... век тадзи югзисны миянлы югыд кодзувъясис!— шуи ме да чөскыдырысь юи гырк пытшкын сотыштысь пув васө.— Миколыд бура на кисьтөма миянлы.

А Наста неуна чурснитыштіс да, киас кутөмөн, бөр на лэдзис стөкансө пызан вылө.

— Быдторйө нин тэ велалөмыд, Федюш...— шуис сэсса шоныда, и век видзөдө ме вылө югыда, но өні нин сылөн синъясыс тшөтш быттьө и юасьоны мыйкө, көсьоны мыйкө унджык на төдмавны ме йылысь. А менам юрын вирдыштө мөвп: мися, гашкө и, бара на батьөкөд өткодялө менө сійө.— И быдторсө тай сэтшөм яра тэ керан, Федюш...— помалө мөвпсө Наста.

— Сьөлөм бурмытөдз!..— воча ыпъяла ме Насталы, а ачым быд вир сөнөн, торйөн нин өні, винаөн лөдсыштөм вирөн-сөнөн кыла, кыз талун кыскө менө сы дінө. Ыджыд вына тувсов вабергачө шедөм чагйөс моз кыскө и гартө! И некызди оз лэдз!..

А Наста шөпкөмөн моз шуалө:

— Баба-мортыд тэ дінын, Федюш, сідзи и сывлан... Вын-эбөс-сыд усылан... Но тшөтш и польштан тэсысь... Чарда-гыма бушколысь моз... Ондрей батыдлөн серти унджык тэнад ярлуныд...

Меным, буракө, колө вөлі водзө мөвпыштны, мый өнісө ме вылө тадзи видзөдигөн Настаыс, гашкө и, збыльысь нин аддзө батыөс, кызди коркө сельсөветын өтлаын пукалігөн аддзыліс да, гашкө и, эз дзик веськодьөн вөв сы дінө, но вынөн кыскысь вабергачыс оз лэдз меным тадзис мөвпавны, меным окота мыйкө вөчны, мед бара пөсь-джыка кывны Настасө, дзик дінысь сотана-пөся кывны, и ме шуа:

— Петам, бара йөктыштам!

— Петам, Федюш!— воча ыпнитө-гызьмунө Наста.

Но сәки баракө пырө Тулан Миш, матыстчө миян дінө, сувтса синъясыс прожекторъяс моз дзужалөны-сотөны миянөс. Ме, дерт, өні гөгөрвотөг ог ов, мый Туланыс сиктысь медсясө воөма Улдзиягө Наста вөсна, Мича Наста дінө лэбовтөма, вермас лоны, таөдз налөн мыйкө вөвлі нин сэтшөм-татшөмыс, этатшөм лөсыд да ён мужик водзад кызди на пө и верман водзасаны өтка том бабаыд... А со тарыт гөш-шылыд пөткаыс некызди оз сетчы туланыслөн лөчыд гыжйө...

— А-а, со тай көні кургөны тайөяс!— быттьөкө и скөравтөг на горөдө Миш.— Гусьөникөн вина юөны... Ноко, Микол, булькнитышт стөканъясас... А то жаявтөдз лоис няжйыны-ворсны бабийөсылы, горшөй сотчө...

Микол кисьтіс Мишлы стөкан тыр.

— А тйө нө мый?— ме вылө и Наста вылө лэчыда видзөдаліг шуө Миш.

— Мийө сөмын на удитім кымыньтны!— вильыша воча шуө Наста.

— А мекөд нө сэсса он и нин көсьы?— дөжныштө Миш да, дерт, төдчытөг оз ов сылөн зэлалөмыс.

— Да вед, эшшө кө юа, йөктынысө сэсса ог вермы!— быттьө нектор абу и вөвлөма, вом тырнас сералө Наста.

— Меным тай мыйкө абу жө окота коддзөдчынысө,— шуа ме Мишлы. Збыльысь өд, талун меным оз позь юр садьөс дзикөдзсө воштыны. Эг кө ме сідз нин вошты сійөс...

— А ме юа!— чорыда да быттьө миянөс өлөдана шуө Миш.— Сэсса видзөдлам, мый лөб!

Миш юигкөсті ми Настакөд өтвылысь моз ырситім пызан саяысь да, быттьө сідзи и колө, уськөдчим йөктанінлань. Но өдзөс дорын судіс Мишлөн лөкыс горөдөмыс:

— Федя, сулавлы!.. Ме көсья гусьөникөн мыйкө висьтавын тэныд!

Ми кыкнанным сувтiм, вирöй пöсь ыткöбтiс меным сьöлöмö и юрö.

— Тэ пет, Наста, ме пырьсь-пыр жö воа...

— Он пов, Федюш?— Наста видзöдö меным синмö вильыша и тöждьсьöмөн.— Мортыс вед сийö сэтшöм, тулан-тулан и эм...

— Мед видлö. Ме öни абу жö нин борд йылö сувттöм вийöр. Быд тулан гыжйö ог сюрöдчы...— Менам сьöлöмын ньöти эз тöдчы полöмыс, сöмын и ыпьялис пöсь удаллун.

Наста петiс. Миш матыстчис ме дiнö. Туша-мыгöрнас сийö ме кодь кымын жö, гашкö, неуна сöмын ичöтджык. Сидзкö, вына морт жö, вөрöд-ваöд ёна гежмалö, дерт шуам, зав. обозанад служитигөн ме моз озджык зэвтльв сöңсö-а...

— Тэ, Федя, мыйла менам чöс туйö кузь ныртö сюян?— öни нин кытшлавтöг восьтiс сьöлöм ярмöмсö Миш.

— Быдлаын тэнад чöс туй!— скöрмытöг на воча серöктi ме.— Тэ-ныд абу-ö бурджык важ чöс туйясöд мунны кыйсьынысö? Кöни шедöджык пöткаыс?

— Зырымбедь!— дзикöдз ярмис Тулан. Миш да весигтö и кызкö дзоньнас чошнитчис ме вылö, дозмөр вылö уськöдчысь тулан моз жö и эм.— Öни жö кö он энотчы Наста дiнсьыс, эталысь кöрсö тöдлан.

И матыстлис ныр-вом дорö зэвтöм ыджыккодь кулаксö. Но ме шуйга киён мый вынысь дзабыртi сийöс килутшöдыс да буракодь маркнитi-песовтi, а веськыд кийö менам дась косьыштны кытчö колö...

Миш сöмын и ойöстис-горöдiс.

Меным кöть и вöли на дас кöкъямыс арöс, но киясöй-сойясöй сэки менам, пөрöдчысь мортыдлөн, вöлины нин пожöм вуж кодь нюдзöсь и ээлыдöсь.

Код юра варовитысьяс, буракö, эз и казьявны öдзöс дорын мянлысь тадзи ноксьöмнымöс. Садь мортыс таладорас öтнасөн Микол вöли, сийö сöмын вермис казьявны и гөгөрвоны, но меным некор вöли ёнасö видзöдны сы вылö,— менö виччысис Мича Настакöд öтлаын вильысь на йöктöм...

10

Во помöдз, кык тöлысьөн, ме вöчи кöкъямысдас трудо-норма. Аслам лучковкаөн да батылөн лэчыд черөн öтнам пөрöдi да орийöдличинталi кунмсёысь унджык кубометр вөр. Сэсся öд и быд кер шыльыда сувйöма лой менам, кыскасьысьяслы бурджыка сибалöм могысь лöсьыда зорьялöма, мичаа-сöстöма ув сотöма...

Öни сэсся позьö и гортö лэччывны да дона-муса чужан позйын вокьяскöд öтвылысь пасйыны Виль 1948-öд во!

Вбрьсь менам воигкежлö вокьяс жара ломтöмаöсь нин сьöd горья пывсяннимöс, уна ва шонтöмаöсь — васö тай, майбыр, оз ков ылысь кыскавны — танi жö, горулас, пывсянъяс дiнас и эм код тöдас кор нин перйылöм сöдз ваа юкмöсыс.

Ок, бура и шоналöма пывсяныс! Кöть зськö и ывлаын кöдзыд, да и джодж плакаясыс, кузянад, сiсьмыштöмаöсь нин да костасялöмаöсь, но оз на тай лэдзны кöдзыдсö, öд арьявылыс пывсянсö гөгөрбок лыаөн вильысь кундылим. А ён керьясысь топыда тшуплöм да бура нитшкавлöм стенъясыс пывсяныслөн абу на и вөрзылöмаöсь, кыза саёссьöмаöсь сöмын да, дерт, кöнкö, öни важ дорысь бурджыка на кутöны шоныдсö...

Тазйö, пöсь ва пиö, дзумгим корöсьяс пöжны да и нюжгысим доналöм пöлök вылö куим вок.

Ок, лöсьыд! Ок, шоньд! И тэрмасьны оз ков, Улдиягын моз оз виччысьны мукöд пывсьысьяс, да и кос жарсö гортса пывсяныдлысь öткодялан öмöй кыз руа да васöд общöйыдкöд...

Лювъялө быттё кос жарыс! Көдзыдінын быд лун дзужөдөм ныр-голятө и тыястө оньөдө-пөсьөдө, кучик улад пасьтала йиджө-мөрчө, гөгөр сывдө-небзьөдө, да кузяөн чөжсьөм няйтыс весиг тшупөдьясөн чуктө ки пыдөснад ниркйөдлігөн...

И лем-небзьөм кыз пу корсьөлөн чөскыдысь-чөскыд ёсь корыс пасьтала разалө кос жарас, нөшта нин бурмөдө ловтө, шоньд гожөм йылысь казтьөдө, югид-гажа олөмыс йылысь...

Ок, добра жө нин Коми мортыдлы пөсь пывсяныд!

Кос жарас медводз сідз на куйлам куим вок, небзьөдчам-ниль-зьөдчам, ниркйөдлам сөмын вир-яйнымөс, вочасөн ку пасьталаным гырысь больясөн петө пөсьыс...

Куим мужик нин куйлам пөлөк вылын, весиг медічөтным, Шуричным, коды рөштво дьрйи тырө дас вит арөс, бөръя толъсыяснас төдчымөн тшөтш нюжалыштөма да вөтөдө нин Митяөс...

Квайт да джын во сайын, тайө жө пөлөк вылас, а стөчджыка кө шуны, аслас морөс вылын, медбөръяысь пывсьөдіс миянөс, куимнан писө асьыс, война вылө мөдөдчысь батьө. Пөсь корсьөбөн сьөрсьөн-бөрсьөн меліа швачөдіс сійө миянөс да курыд синваөн йиджтысьөм гөлөснас велөдышталіс, кызди колө миянлы сытөгыс овны. Кызди колө миянлы мамөлысь кывзысьны...

Верим өмөй сэки ми, посьныдик зонкаяс, чайтны, мый миян муса батьөным медбөръяысь тадзи пывсьөдө миянөс вына-паськыд морөсыс вылын...

И — нөшта нин! — верим өмөй сэки ми чайтны, мый войнаыс не сөмын том да ён батьөөс нырыштас аслас лөк изкиөн, но сы бөрын регыд тшөтш сэся и мамөс кыскас ковтөм-кадтөм гуө... Ок-ма жө эськө да!..

Кыза сөдзтысьөм ньылөмнымөс пожьөвтім дэбыд ваөн да петалім көджө ыркөдчыштны. Да лолыштны йвла сынөдөн. Сэся и вылө вынөн пырим медся коланасө керны — корсьөсыны!

Но сыөдз стеклөа пөнар би улын ме вылө видзөдлысь Шурик шунс:

— Тэ өні, Федя, буракө, дзик нин батьөыд кодь ыджыд да ён лоөмыд.

— А-а, нюжйөдлө тай уджыс, — воча шуа сылы. — Немтор, Шурик, ме видзөда да, регыд тійө, Митякөд, менө вөтөданнуд жө...

Мед водзө не нин нормөдны вокьясөс и ачымөс, меным абу окота сетчыны сьбкыд казтылөмьясыслы. Сідз жө, буракө, и Митялы.

— Но, вай водалөй, — шуө Митя. — Ме тіянлы корсьөсясө пөжа да мыччала.

Ми Шуриккөд бөр водам пөлөк вылө, сы вөсна мый төдам: Митя миян пиысь медьөна лэптө жарсө да озджык мудз пывсянас, та йы-лысь весиг коркө батьө на шуліс...

Но медічөт вокнымлөн, Шуриклөн, талун норлуныс, буракө, унджык чөжсьөма лов вылас да сійө, водөмнас нин бара на шуө:

— Батьөыд да мамөыд сэся миян сідзи и оз төдлыны, кутшө-мөсь мийө быдам да лоам...

Ок, ёна жө курыд да доя кывъяс артмисны Шуриклөн! Ок, ыджыда жө нин сійө шунс!..

Но Митя нин койыштіс көшөн пөсь гор вылө, скөрысь дзажнитіс-дзожнитіс сәні, Митя, бергөдлөмөн да пыркөдалыштөмөн, пондіс пөжны скөралысь кыз жар вылас ва тазйысь перйөм корсьө, сэся и мыччис меным гожся кызд көрөн пуркйысь-паркйысь биа-пөсь да лем-небыд дивсө. Ок, добра!.. Медводз ме пурскыс нырөн-вомөн пөсьыс да небыдыс пытшкө да и мый вермөмысь понді нюшкыны-кыскыны пытшкөсө нинөмөн өткодявны позьтөм пөсьсө-көрсө... Ок, лөсьыд!.. Кодкө тай лөсьөдлөма жө дивө-кызсөсө и пөсь пывсянсө!..

— Федя, коскыд вылө тай норасян, вай ме швачодышта,— шуө сэсся Митя, тшөтш и Шуриклы коросьсө пөжөм бөрын.

— А тэ ачыд он мудз? Он кольмы?

— Менам жө көрт кодь яйыс!— сералө Митя.— Батьөйд на тай шулис.

— Либө пывсьөдышт и эм...— нимкодьма ме.— Мөдарө нөрөм пуяссө лэпталігөн-пөрөдігөн коскө сатөка ётшйөдлө...

Ме кымынътча, Митя көш тырөн өтчыд дай мөдысь койыштө гор вылө, мыйысь горйыс скөрысла быттө семдывтөдзыс дзижнитлө да и ыпмунө доналөм пөсь ловшынас пывсян пасьтала, пельтө сотө, ловгоршад биа өгырөн моз сатшө. Митя первойсө муртсыныкыс инмөдчылө менам мышкө коросьнас, сэсся вочасөн өддзө да и пондө швачөдны коскө и мыш пасьтала, регыд менам мышкөй, буракө, кутө өгравны, не сөмын кучикнас, но и став лы-сьөмнас... Мед но! Мед петө кымалөмыс и мудзөм-доймалөмыс! Мед бөр йитчөны став чукталө-миньясыс!..

— Но, аттө, Митя, өні сэсся вай ачыд пывсьы, а то дзикөдз мудзан.

Ме бөр бергөдча мыш вылө, өні сэсся куимнаным нин өвтчам жар вылас шуралыштөм коросьсөн, бергалам-ружтам, ем-доналөм пывсян өдсө йиджтам пытшкөсаным, а сэсся Митя бара на джажнитө көш тырөн, мед на оз личав өдыс... Ок, лөсьыд! Сэтшөм жө нин лөсьыд кос жарыс... Қымын ёнджыка швачкан асьтө коросьнад, сымын быттө ёнджыка на колө, сувтнытө он вермы, көть эськө и сьөлөмыд морөсад код төдас кутшөм өдөн нин діпкө...

Ок, бур пывсян тшуплөма батьөным, сійө көть колис мянлы...

Дэбыд ваөн киськасьөм бөрын ми мөдысь на шойччыштам ыркыд колаын, мед көть неуна лөньөдыштны тэрыб часяс моз тічкыны пондөм сьөлөмьяснымөс. А сэсся, коросьясымөс ыпьявтөдз выльысь на пөжөм бөрын, ми бара на нюжгыслам өдийө бөр косьмөм пөлөк вылө да нөшта өтчыдысь кулям-пөвсалам асьнымөс жаявлытөдз...

А бура нин тай лэптам жарсө ставным! Не сөмын Митя. Бур мужикьяс этшөн нин тай корөсясям. Сідзкө либө тай, вочасөн быдмам-ёнмам жө...

А сэсся и майтөгөн — лючки майтөгөн!— өта-мөднымлы васө юр выланым көш помысь кисьтөмөн бура мыссим-киськасим ми, няйт чир ни пөсь ныйлөм чир эз коль юрө ни вир-яй пасьтала, небзөм-нөдзмөм кучикным весиг пондіс меліа дзуртыштавны сөстөмысла да шөвк кодьөдз шылялөмысла...

И выльысь чужөма кодьөсь ми, куим вок, гортө кайим пывсянысь да пуксялім водзвыв дасьтөм пызан сайө, мед өтлаын пасйыштны Виль, 1948-өд волысь чужөмсө.

Ми талун некодөс эгө корөй гортө, и некытчө эгө көсьысьсөй мунны, көть эськө и вежаньным корө вөлі. Мися, ас кежаным пукалыштам да пөттөдз сёрнитыштам, өд код нө төдас, кор на бара мөдысь татшөм шудыс-бурыс лолө...

Пызан вылын мян дасьтөма тырмымөн сёян-юан, няньыд и мукөдтор вөльнөйыд лоис да, быдтор өні мянлы шедө, деньга-сьөмыд өні мян мыйта колө эм, өд пондім нин уджавны куимнаным, весиг со и Шурик, семилетка помалөм бөрын, пырис счетоводавны. Митя леспромхозын десятикала, быд төлысь удждон босьтө. Не нин сёрнитны ме йылысь — пөшти кык нормаөн быд лун менам петө, а нелямын норма тыртөм бөрын прогрессивка тшөтш нин кутіс воны да өні ме, позьө шуны, сөмын и лиала сьөмсө, дерт шуам, оз жө кокниа шед сійө-а... Лавка сёянысь кындзи пызан вылын мян руалө пөжөм йөра яй, кольыштлөмабсь на вокьяс праздыкыс кежлө, сола тшак и пув на эм и,— арнас, эг дышөдчөй да, асьным жө вотлім... Вина доз

тшөтш сулалө... Сералө и вералө важ пызанным уна сикас пөтөс сё-
янсыс, татшөмнас сійө важөн нин эз төдлы асыс, буракө, батьөлөн
война вылө мунан лунсянь эз нин төдлы...

Енув пельёсын, ен пыдди, кодөс батьө коркө важөн нин, бабуш
кулөм бөрын регыд, петкөдліс кытчөкө, өні миян сувтөдөма ичөтик,
пашкыриник веж лыска коз, ёлка. Ставсө тайөс водзвыв артыштөмөн
ме вөв доддын вайи сійөс Улдзиягыс. Сөмын миян чачаясыс мич-
мөднысө эз сюрны да на пыдди водзас өзтім сөмын сись... Да и мый
миянлы чачасыс, абу нин тай ичөтикөсь, козпийслөн сир-лыс көрыс
тай кылө-а, казтылө матысыс Виль воыс йылыс да тшөтш быт-
тьө кыпөдыштө миянлыс лов кылөмнымөс...

Пывсөм бөрын ставөн сөстөм паськөмасим, быдөнны сюрис на
еджыд дөрөм, кодөс, пелалөм бөрын, валяйтан нөшөн шыльөдөма,
Митя да Шурик вилькодь на материйө гачьяс көмалісны, а ме, вокьяс
ёна пондісны корны да, батьөлыс руд ной костюмсө пасьталі. Ба-
тьөлөн куш сөмын тайө костюмыс да гөрд воротника важиник кышөд
и кольлісны нин, мукөдсө, мамө дырйи на, медся тшыгөм воясас,
ставсө нулісны Коммуө да Вятскөй муө нянь вылө вежлавны... Ви-
дзөд со, кодсюрөяслөн няньыд и война дырйи лишнөй вөлөма, көнкө,
сэтшөмъясыс не этша нажөвитчисны сәки матө воөм йөзлөн шог
вылын...

Ме ёна шызьөмөн пыри кияс улын шуракылыс ноя выль костю-
мыс пытшкө да ёна и нимкодьми: батьөлөн костюмыс вөлі нин меным
пөшти буретш, мыйтакө сөмын личыдджык.

— Тэ өні вөрад ёна пессян да, сы вөсна личыдыс!— тшөтш жө
ёна нимкодьмис Шурик.— Ме тай шуа, мый батьөыд кодь нин тэ
лоөмыд!

— Тэ либө, Федя, өні новлы нин сійөс,— сьөлөмсянныс тшөтш
шуө Митя.

Менө ёна вөрзбөдө вокьяслөн тадзи пыдди пуктөмыс. Но сэсся,
виччысьтөг, бара на дойдө батьө вөсна шог: выль костюмыс өшалө,
а ачыс нө збыль али мый некор нин сэсся оз ло?.. А гашкө и сійө
көнкө ловъя на?..

— Мед на өшалө костюмыс...— шуа сэсся ме вокьяслы.— Ме өд
өні ачым нин верма ньөбны аслым...

Найө, төдөмысь, гөгөрвооны жө менсым сьөлөм кылөмөс.

— Но либө көть Виль во дырйиныс гортын олышт сійөн,— шуө
сэсся Шурик.— Тшөтш и батьөыд пыдди видзөдлам тэ вылө...

А кор пуксялім пызан сайө, Шурик виччысьтөг шуис:

— Ок эськө, татшөм пызан саяс кө тшөтш мамоным пуксис. А то
вед сійө, коньөр, война чөжыс пөгтөдзыс некор эз и сөйлы...

Менам татчө джөмдыліс вина кисьталыс кий. Сэсся менам ве-
сиг видзөдлысис кывтлань, быттьө сэтыс өні петас, кияснас шыд
кашникөн, сук шабді юрсияса нюмъялыс мамө...

— Но вай, медводз, ичөтикаөн юыштам усьөмаясыс да кулөма-
ясыс вөсна...— шуа сэсся ме, но менам пырысь-пыр жө курзьө да
пондө травны горшөй, да водзөсө сэсся немтор ме ог вермы шуны...

Еджыд юра, ён ныръяса да зумьд вом доръяса дас квайт арөса
Митя бура нин кымыньтис вомас стөкан джын водкасө, велалөма жө
нин вөр лэдзсысяс дінад уджалігөн курыдыс дінө. А ичөбджык Шу-
риклы оз на пыр водкаыс, видліс да пыр жө и тшөкмуніс сійө, бөр
пуктис пызан вылө стөкансө, мыжа морт моз шуис:

— Кытчөкө тай мөдләө веськаліс...

— Оз кө пыр, эн и ю, Шурик,— сьөлөм сета ме ичөт воклы.—
Быдмыштан да, велалан на тайө добраыс дінө. А ёна бурджык эськө
и некор не велавны...

Сәки меным, дерт, казътывсьытөг эз ов, кызди ме, ачым, мырды-

сьён моз жö велалі винасö юны — некыдзи оз пыр, бөр петö-восöдö, а тэ гуниктан, мырдысьён йөткан сійöс пытшкөсад, öд он кө вермы юнысö, серамывь лэптасны: гач пö новлан, вөр пөрöдан, а кутшöм нö пö тэ мужик, вина кө он вермы юны!..

Код сöмын и лöсьöдлöма татшöм модаяссö!

— Тэныд эськö, Шурик, бур ногөн кө, не вина юны, а школаын на коліс велöдчыны. Мед эськö миян семьяын көть öти бурджыка велöдчöм морт лоис. А ми эськö Митякөд отсыштім на...

— Отсалім, дерт!— дасьпырысь шуö Митя, юыштöм бöрас йöра лы азыма вильöдiг.

А Шурик шуйга кинас лöсьöдышталö пывсян бöрын косьмöм нин сук-веж, неуна читкылясьысь юрсисö, видзöдлö ме вылö мича-мелі гырысь синъяснас да шуö:

— А мый нин öнi, Федя, пыри нин уджавнысö да... Тэнö вед, көнкö, регыд армияö нуасны. А сэсся тшöтш и Митяöс босьтасны армияс, менö ачымöс и... Коркö буди, олöмыс бурмыштас да, сэки водзöсö велöдчам-а... Аслыд вед тэныд, Федя, көнкö, медьёна на окота велöдчынысö?

— Окота эськö да...

— Учителясыс школаын менö не этша кыскавлісны тэнад велöдчöмөн, Федя. Омöльджыка кө вочавидза, пырысь-пыр и кайтыштасны: колö пö Федя мозыд велöдчыны. Торйөн нин Евстолия Семеновна, литература велöдысьыд...

— Казьтывліс?!— шоналöм сьöлөмөн юася ме.

— Менö на некымынысь тадзисö янöдліс и, Евстолияыс!— шуö тшöтш Митя.

— Гашкö инö збыльысь, олöмыс бөр бурмыштас да, кызкö-мыйкö, уджалігмоз, вермам на и эм водзöсö велöдчыны,— висьтала вокъяслы гуся думьясöс.— Батьöйд тай со ёна вöлі кöсйö велöдны миянöс... Оз кө лөк-гудыр визувъясыс кутшöмкö полөйясö нöбавны миянöс...

— Эз жö эськö ков найöлы сетчынысö да...— шуö Шурик.

— Кызкö эськö мед винаыс эзджык вермы миянöс. Ок вед, ыджыд сьлөн выныс, ме тöдышта нин... Коддзан да, ставыс вунлö... А сьлөмьясным миян, буракö, ярёсь, да торйөн нин ёна мөрччö винаыс да ышмöдö... Ёна кө велалан юнысö, став олöмным вермас пазавны. Вина юём дорсьыд бурджык эськö книга лыддыны... Да, шуам, гажа вөр-ваö петавлыны...

Пукалам ми гортын, Виль वोся пызан сайын куим вок, быдтор йывсьыс сёрнитам. Томөн-кадөн бырём бать-мамнымöс шогпырысь казьтылам, и мөд детдомö нуём ичöтик чоюкнымöс жалитам. Удж йывсьыным öта-мöднымлысь юасям.

Дас вит арöса Шурик, колхозса счетовод, висьтасьö:

— Виль предыд, Трöпим Иванэчыд, сідзсö небыд да бур морт, ковтöгыд некодöс оз öбидит. Абу Ош Анна кодьыд!..

— Ошыс пö тай Трöш Ёгорöс нетшыштöма семья дінсьыс?— вöрын миянлы кывсьыліс жö нин татшöм дивöйс.

— Да,— шуö Шурик,— песовтöма тай Ёгорсö, куим пиöс ассьыс эновтіс, а йöз челядь дінö, Анна дінас муніс...

— Этша на сылы, Ош рөдлы, сирötаясыс!— герчнитö пиньяснас винасьыс гажмыштöм Митя.

— Виччысисны-виччысисны батьсö Трöш Ёгор пияныс, а сійö ловйөн локтіс война вылысь да и Ош Анналы сам вылö веськаліс...— ышлөлалö Шурик.— Кытчökö сэсся районö лэччисны виль гозья, йöз син водзсьыс...

— Ок эськö, татшöмьяссö!..— йирö пиньсö Митя.

— Вот мыйла сідз артмö, Федя?— водзö сёрнитö Шурик.— Мукö-

дыслы войнаыс быттьо эз и вёвлы, жыкруйтисны-олисны, некутшом тшыгом эз тодлыны... Вот Тулан Миш, гажа дырйиыс, меным вись-таліс, кызди найо пируйтломаось Ош Аннаясыскод. Да завхоз Столяяскод. Да сельсовет предьяскод. Самокур по мыйта колло, коть купайтчы. Няньыд и яйыд кутшом колло... Ставыс асланыс кырымъ-ясын... Сёям-юам по да, висьтасьо вёлі Мишыс, сёсся йоктыны пондам... Узьны водалам... А мян мамо кодь сьокыд удж мыркысь бабаяс сэк кості тшыглы кулалісны...

— Пезьяс!— бара на герчко пиньнас Митя.

— А мый, Шурик, Тулан Мишыскод тэ часто пукавлывлін?— во-кёй вёсна тождысьомысь топалом лов шыон юася ме.

— Да, мукод дырйиыс тай винала ыстывлёны лавкао. Тэ по том-джык, котортлы... Дерт, юнысё ме ог на ю найо моз, но тшотш пука-ла. Баснияссё кывза, коддзём вывсьыс ошйысьомьяссё.

— А мый нё нёшта ошйысьло Тулан Мишыс?

— Да, ёнджыкасё нывьяскод да бабаяскод гуляйтёмсё. Фронт вылысь воём бёрын по... А корко тай сійо регыд и война пансьом бёрас воліс... Сы бёрын по, район пасьталаыс, ставсё ко артавны, окмыс чурка нин кері...

— Окмысёс?— чуймам ми Митякод.

— Гажмас да, сідз тай ошйысьо-а...

— А мый, пёдикё, эзыс,— шуё Митя,— мыйта коліс том дёваыс, Тулан Мишто быдён сибёдё...

— Трёпим Иванэч эськё и дивитё жё сійос татшомторьяссыд, но модыс сёмын и шынняло вочасё. Ме по ставсё кера «на доброво-льных началах», некод дінё по мырдён ог лезит... Сёсся по и, баба-ыслон ёти кага дінё ко мод содё, сорыс сідз жё быдмас... А кодлөн по бара абу на кагаыс, шуам, эндом нывьяслон, найо по ёна жё око-титёны лёсьодны... Ёні по, этатшом война бёрад, уна колло выль йёзыс...

Менё ёна чуймёдёны и повзёёдёны ичот воклөн татшом сёрни-ясыс.

— Тэ вай, Шурик, энджык сибёдчы татшом Тулан Мишьясыс дінё. А то велодасны тэнё найо ас ногёныс кыйсьыны...

Помнита, корко менам Мишыскод вёлі жё нин сёрниыс татшом-торьясыс кузя. Война выло сійос нулісны 41-од вося арын, кызь арёсён. Во помнас нин гортас мамыслы воліс «похоронка», усис по бойын. А, вёлөмко, мортто снаряд взрывён ёна контузитас, кисё ра-нитас да кыза тыртас муён. Вель дыр садьтог куйлас гуалёманас, ёндз по ачым шензя, мыйла абу подсьома. Сёсся мод частьсыс нин санитарьяс кызкё казяласны сійос да перьясны выльён пузувтом му пытшьыс. Да и кыскасны санбатё. А асланыс частьсяныыс гортас мунас «похоронка...» Сідзкё по ме, шуё вёлі Мишыс, мынтёдчи сьмертыслон гыжйысь, позьё шуны, выльысь по чужи. Сідзкё по ёні меным кык морт пыдди қолё овны да олём югыднас нимкодьясьны...

Со тай сёсся и нимкодьясьо!.. Дерт шуам, асьыс уджсё оз лёка вёч сійо, вёвьяс пондаыд ёна вийсьо, корым вёснаыд тождысьо, си-йёс-пёрёднитё быдлаысь вермё судзёдны и чуктёдны сюсь мортыд...

Но менам сёлөм доймасьо Шурик понда, татшом туланьяс ді-нас веськаліс уджавнысё зонкаыс да...

— А Трёпим Иванэчыс нё, предыд, кыз-мыйджык тэкөд?— юася воклысь.

— Сыкөдтё лёсьыд,— личмуно Шурик.— Велөдө делёяссё нуёд-ны. Ачыс вед сійо ревизиястё и водзті на керлөма, войнаёдзыс на ревкомссиясё бёрйивлөмаось, да татшомторьястё тодө. Буракө, тшотш и жалитыштө менё, батьөдыкөд тай сійо ёглаын фронт вылас ветліс... Мукөд дырйиыс весиг гортас на чукөстлас, мунам по ёти

пызан сайын пажнайтам, миян пō талун дозмōр шыд пуōма. Вōрал-
нытō вед мастер жō сийō.— Шурик чōв усьліс, кузяōн видзōдліс ме
вылō и Митя вылō да вежсьыштōм гōлōсōн водзō шуис:— Дозмōр шы-
дыд эськō и чōскыд панявнытō... Но мукōд дырйиис друг курзяс
горшōй, да некыдзи оз пыр весиг чōскыдыс... Мыйла нō, мися, Трōпим
ныла-пиаыслōн бать и мам война бōрын лючки да дзоньōн колисны,
а миян некоднаыс эз лоны?.. Мися, мед кōть нин ōтиыс, батьōным
лїбō мамōным колисны ловйōн... Татшōм думсьыс и курзьылō гор-
шōй...

— Да, Шурик,— нормōмōн тшōтш ышлολала ме,— таысь миян
горшьясным, олігчōжным, буракō, унаысь на курзьыласны... Унаысь
на ми пондылам кывны асьнымōс сирōтаясōн... Таво тулыснас, весиг
Победа лунō, ачымōс менō виччысьтōг шогō уськōдліс... Эськō и ку-
тшōм нин югыд праздник-а...

Сērнита ме тадзи, а сьлōмōй оз дугды Шурик вōсна доймасьō-
мысь. Ōд со кыдзи шуис шыдыс йылысь!.. Курыд пō... А кынōмыд
сюмалō да, быть пыр... Быть пуксьы пызан сайō панясьны... Да мыр-
дысьōн пōдты забеднōтō и горш курзьōмтō... Ōд кор на пō и эштылас
быдысьсō пусыны сийō жō Шуриkyс?.. Да и пусян вōлбгаыс ōз на
шед быдысьсō, ōнї, гашкō, кокньōдыштас-а... А кодкō кō и чукōстас
пажнайтны, тэныд, сирōтиналы, век чайтсьō, мый милōстина коран.
Сэсса и курзьō горшыд...

— Батьō йывсьыд немтор оз казтыв Трōпимыс?— юся ме Шу-
риклысь.

— Висьтасьліс,— шуō Шурик, а ми Митякōд пырысь-пыр жō чош-
кōдам пельяснымōс.— Воуйтанїнас пō ōтлаын пырим. Батьōтō пō,
кыдз грамотнōйджык мортōс, да и туша-мыгōрнас тōдчанаджыкōс,
отделеннōйōн индїсны... Ленинградтō тай Гитлерыд мырдысьōн вōлі
кытшалō, медсьōкыдїнас пō миянōс тувкнитїсны... Лючки ōружие пō
миян эз на вōв сэки, куш сōмын винтовкаяс... Ёнджыкасō пō сэки
йōз выннас и выналїм... Немечыслōн биа-шера техникалы паныд...
Трōпимсō кор ранитас сояс, батьōыд ловья на вōлōма... Буретш пō
вōлі мунōны атакаō...

— Сийō миян, дерт, кōнкō, эз дзєбсясь йōз мышьяс сайō,— шуа
ме, а ачым быттьō шоппырысь кутшōмакō и аддза и кыла, кыдзи
батьōяс, тōрытъя вōралысьяс да вōр пōрōдысьяс, штыка винтовка-
яссō чургōдōмōн котōртōны биа-шера техникаōн тшōгтясьōм немечлы
паныд...

Ми коллялам 1947-ōд во асланым ыджыд керкаса ōти жырйын,
ыджыд пач танї, и кōрт пач, да шоныд овнысō. Мукōд жырьяссō да
тшōтш и гожся олан джынсō тупьялōма, мед не видзны лишнōй пес,
кōть эськō и пессō унакодъ заптылім тōв кежлас. Ытва дырйи Сык-
тылысь пыжōн куталїм быдысяма лōпсō да пилитїм-поткōдлім, а го-
жōмбыднас бура косьмōма...

Но, дерт, ōнї нин ми ставōн гōгōрвоам, мый батьōг да мамтōг,
куш сōмын ас кежысь, дыр кутны та ыджта керка-горттō да сы гōгōр
ыджыд йōрсō вōдитны сьōкыд миянлы лōō. Торйōн нин медїчōт во-
кōйлы, Шуриклы, та кузя медъєна дōнзьō— пачтō колō ломтны и
ōтарō идрасьны, картофельтō быдтыны... Ставсьыс таысь верман и
дзнкōдз дōзмыны...

— Мукōд дырйиис мыйсō сōмын ог думайтлы ме, Федя!— гажыс
бырōма да водзō висьтасьō Шурик.— Но, шуам, мед нин батьōг-
мамтōг колїм, мый сэсса керан... Митō, вокьяс, шуам, ыджыдōсь
нин, кыдзкō да мыйкō олам... Ōнїтō, няньыд вōльнōй лоис да, уджав-
ны пондїм да, олам нин... А вот мыйла колō вōлі ичōтик Верукнымōс
детдомас нуны?.. Мамōыд кулōм бōрын? Сымда рōдня да вот некод

жō эз вермы босътны дīнас... Оз вед омōля овны, мōсьяс видзōны... Дядясыд, мед кōть и пōрысьōсь, ловъяōсь на жō и...

— Да, Шурик, йōзыдлōн тай некодлы он ков...— меным пыдōдз жō мōрччō воклōн татшōм мōвпалōмыс.

— А вед сідзсō быттъōкō и бур йōз,— шуō тшōтш Митя.— Пыран кō, век нин пызан саяд чукōстасны.

— Миян дīнō, дась быдмōмаясыс дīнō, быттъōкō тай бурōсь-а,— шуа ме.— А вот сочук йывсьяд пондан думайтны да и чорзылō сьō-лōмыд...

Мыйкō дыра мысти Шурик шуō:

— Ок-ок-ок! Мый со мамōйд миян йылысь думайтīс-а, кулігас? Мый медбōръя думыс вōлі, коньбōрлōн?

Татшōм шуōмнас Шурик дзикōдз нин весьōпōртō миянōс, мукōд кык воксō, да воча кыв пыддиыс ми сōмын и ружтам-кызōктыш-талам.

— Сія вед миян ēна шогсьысь вōлі, сатōк сьōлōма...— оз вермы дугдыны казътылōмсьыс Шурик.— Кор тай тэ, Федя, гожōмьяснас пондīн ветлыны гортысь сплавуйтнытō да вōртō босътны, мыйкō жō вōлі шогяс да бōрдас тэ понда... Мыйла нō пō ме коньбōр зонкасō лэдзи сэтшōм сьōкыд удж вылас!..

Менам синъясōй пōсь синваōн ойдōны татшōм казътылōмсьыс...

А ме сэки, семилеткаын велōдчигōн, гожōм кежлас ачым вōлі вōйзыся мамōлысь најōткаыс вылō. Сплавлы тōвса бунтясысь кер катайтны Сыктылō, ылі участокьясын олōмōн. Нянь карточка вōлі сетōны таысь, мыйтакō сьōмтор и. Век нин кокньōд батьтōм ыджыд семьяыдлы... А ōти гожōм, кыз гарыштли нин, мастер-дядькōд Сык-тыв йывса помтōм ягъясōд ōтар и мōдар гежмавлīm, ценнōй вōр бōр-йīm пōрдтōдзыс на — авиа, палубник да понтонник. Ок, ēна жō сьō-кыд удж тайō вōлі зонкаыдлы! Сымда колō вōлі ветлōдлыны вōр-ясōдыс да корсявны мичаджык пожōмъяссō, а сēsся и тогнавны кыз кырсь да кисточкаын гижны, мый вылōджык туйō тайō пуыс... Весиг кōн ōні ми пōрдчам, Улзизягас, волīm жō сэки. Ми ōні керасьōмнас буретш да пырōдчам зэв ыджыд да паськыд яглянь, шусьō сийō Джуджыд Парма Кытшōн,— мичакодъ да зумыд вōрыс, сэтōн мастер-дядьыскōд вель дыр гōгралīm ми Кытшōдыс, уна ценнōй пу сюрлī... Оні, буракō, меным ēна нимкодъ лоас коркōя корсялōм дона пуясыс-кōд выльысь чолōмасьны да аслым жō пōрлōдлыны найōс... Помнита, сэки, гожōмбыдсō ēна ветлōдлōмысь, менам пидзōс гōгыль горувъясō петісны-лыбісны ыджыдкодъ йōгъяс да сідзи сēsся и колісны, буракō, нэм чōж кежлō нин колісны...

Но бара жō кынōмпōт ме перий сэки аслым, нянь карточкаōс вōлі коля гортō, а сьōрысь — вōрас дыр кежлō мунīgōн — ог и уна босът вōлōгасō, сы вōсна мый вōрас пōтка сюрлывліс лыйны, чери кыйыштавны юясысь-ēльясысь, тшак-вотōс сēйим. Гожōмнад тай вō-рад, коми мортыдлы, век нин мыйкō да мыйкō сюри сēяныд, торйōн нин аръявылыд, кор нин пōткаыс борд йылō лыбō да пищальōн позьō лыйсьыны...

Ставыс сийō, дерт, вōлі менам... Оні весиг ме вōр-ватыс татшōм гежмалōмсō, мед кōть сэки и мудзлі-дōзмывлī, век бурōн казътыла, ōд гожōмбыднас не этша велалышті вōр-ваыс дīнō да и, позьō шуны, вирōдз нэм кежлō йиджтысис меным сэки сийō...

Но сэки ме, дас куим арōсаыд, эг на весиг куж мōвпыштлыны, мый мамōлы сэтшōм жалъōн овлі гортысь бокрын олīg-мырсигъясас...

А ōні кодī миянōс жалитыштас?

И сьōлōмыд потō шогысла, кор, кыз тай шуис Шурик, пондан мōвпавны мамōлōн медбōръя олан здукъясыс йылысь. Ōд и сērни-тōны вōлі сэки, мый операция вылас водīgōн, коньбōр, пō шуōма: прō-

Койгорт сиктлы — 400 во




Райкомса первой секретарь А. М. Пономаренко уна сё чукөртчөм йөз водзын восьтө гажакыпд праздник.





Сѳветскѳй Союзса Герѳй
А. Д. Даниловлы памятник.



Кѳйгортса воинъяс повтѳг тышкасис-
ны Великѳй Отчественнѳй войнаса
фронтъяс вылын.



Великѳй Отчественнѳй войнаса да уджыввса ветеранъяс.



Ылӧдз нималӧ ыджыд урожай-
ясӧн сиктса картопель вӧдитысь
И. В. Костин.



А. В. Тороповалысь бур уджсӧ
пасйӧма Ленин орденӧн. Нэм чӧ-
жыс сийӧ вӧр лӧдзис и видз-му
вӧдитис.



Сиктса фольклорной группасысь сьылысь-ворсысьяс.



Койгортса нывъяс шӧр школа помалӧм бӧрын воисны скӧт видзан фермаӧ, вежисны мамъяснысӧ (шуйгавывсянь): Галя Синицына, Таня Лодыгина, Лена Михайлова, Лена Торопова, Ирина Новоселова, Света Турубанова.



Важ сиктлӧн аския луныс.

щайтлөй пö, дона челядь!.. Öти сестра та йылысь висьтавлöма, карса тöдсалы...

Выль во пуксьытöдз быдтор йывсьыс сёрнитам ми, куим вок, гортса пызан сайын. А нöшта на унджык ас кежаным мöвпалам да быдторсö казьтылам. Чужан позъяд тай, кöни тэныд вируля дойöдз тöдса лöсийöм стенсьыд быд ув и быд пельöс, кöни тэ коркö вöвлін сэтшöм шудаöн, а сэсся и мырддисны тэнсьыд тайö шудсö,— татшöм позъяд тай, мися, век нин сюрö казьтыланторйыд...

Сэсся, кызди и колö, дас кык час войын ми, куим вок, точнитчим водка тыра стöканъясөн Выль, 1948-öд во вöсна, вöзийм öта-мöд-нымлы водзö кежлö шуда олöм.

Сэсся и öтлаын водім ми паськыд пу крöватным вылö, коді, мыйöн ме помнита, быдмигчöж век нин узьтöдліс миянöс идзас воль-пасьын, шойччöдліс и шонтыліс, биа висигөн ломалігьясö и кынöм висигөн чукрасигьясö, больничаясö мöдöдлытöг, мый вермис, отсавліс бөр на бурдöдчыны да содтыліс вын водзö олöмыс вылö.

Дыр-ö нöшта кольö миянлы узьлыны тайö паськыд пу крöватыс вылын да шонтысьны шыльыд изья паччөр вылын? Код пö тöдас... Гашкö и регыд нин... Бөрö кольöмасö кö ми тöдам нин да и кутшöмакö гөгөрвоам,— то став водзö лоанаыс дзебсьöма на миянысь кыз-топыд ру пийö... Но миян нормыштöм сьёлöмьясным быттьökö и кутшöмакö кылыштöны ниң, мый регыд сэсся ми сьёрсьөн-бёрсьөн пондам лэбовтавны чужан гортсьыным, ылі муясö разгысям да и дзикöдз вылö кодзалö айтöм-мамтöмөн кольöм дона-муса позным...

Водзö лöй на.

Зарни чери

Комирыбводса инспектор В. А. Савельев
ёртгьясыскөд гусьон кыйис уна сьомга. На-
родной суд пуксьөдіс сійос кык во кезлө.

(Газетысь)

Зарни чери гуся тывйö
йөрмис кор,
сылы шуис татшөм кывъяс
браконьер:
— Тэнö бөр ме лэдза юö,
кевмысь сэн.
Рыбинспектор ме... Эн вунöд:
тэнад ен!..
Зарни чери вочавидзис:
— Сыв да ов,
сöмын выль мыжысь тэ видз-а
ассыд лов!
Мöдыс ёстыны, дерт, мöдіс
ассыс гыж,

кытчö да кор колö тöдіс
лэдзны пыж.
Но дыр дзевны гуся тывтö
овлө сёр,
босьтіс шышöс зумыд сывъяс
прокурор.
— Отсав меным, зарни чери,
венны шог,
коркö,— шуö,— бурöс кера
воддза ног.
Зарни чери бöжнас кучкис:
— Вот и ов...
Öні тэнö видзас лючки
Вылыс Чов!

Öти начальниклөн вöt

Талун ме вötаси
шуштöм, сьöd вöt,
синваён неуна
дзикöдз эг пöд.
— Гötырöй!..— горöді,—
ме дінö лок..
Суöдіс верöстö
зэв ыджыд шог.
Гötырöй садьмис:

— Но мый лои?.. Мый?..
— Вошти, ме вötаси...
тысяча шайт..
— Ассыд?..
— Тэ йöй бöбөн менö эн чайт...
Кассаысь!..
— Мыйла нö повзьöдчан, Сюзь?.. —
гötырöй шебраснас косыштіс:
— Узь!..

Чай юысьяс

Контораас гожся жар,
Унзиль босьтö мортöс.
Öшинь дорас секретарь
шойччö, кыз курортын.
А директор гудйö ныр,
дышлунсö жö пöжö,
но докладтöгыд он пыр

весиг сылөн кöджö.
Дзик уджавтöг,— тэ эн чайт!—
тані оз жö овны:
асывсыяныс рытöдз чай
помся кодкö новлö;
котралö буфетö мöд
чöскыд юмовторла,

сы вѳсна,— тэ бара тѳд!—
чай юѳм оз орлыв.
Чайник вѳчас квайт бур кытш,
волас дзик быд жыриѳ,
кѳнѳ пѳсьѳдѳны мыш
збыльысь ружтѳгтырѳи...
Воас удж гѳрддзалан кад,

кыдз ещѳ он чай ю!—
ѳд директорныс тшѳтш рад
ещѳ ѳтчѳд вайны...
Ваыд, дерт жѳ, абу ма,
но и зѳра арын
оз нин тырмы Сыктыв ва
миян Сыктывкарлы!



Александра МИШАРИНА

* * *

Да, коркѳ вѳлѳ тайѳ ѳшиньясыс муса,
И виччысьлывлѳ сѳтысь бияс кусѳм;
И сѳмын сѳки узьнысѳ ме водлѳ.
А ѳнѳ найѳ ѳзѳѳны нѳ кодлы?

Код радейтѳ сѳсь рытѳя югыд бисѳ,
Код кутлѳ сылысь вѳвлѳм муса кисѳ?
ѳг ме, а мѳд, код шудаджык ме дорысь,
Ме ѳнѳ бытѳѳ ѳшинь улас корысь.



Куим висът

Лия МАРТЮШЕВА

Письмөяс

Водөм бөрүн нин Митрей Сэрукъясө кодкө чуксасис.

Митрей Сэрук куйлис гөна эшкын улын, көтшасын сулалысь крө-
вать вылын, а эня-ныла, Сэруклөн Марья нылыс посни челядыскөд,
узисны пöлатын.

Сэрук виччысис Марьялысь чеччөм, но Марья, тыдалө, эз кыв.
Чуксасысь гораа кутис камөдны кильчө өдзөсө. Коркө-й сэсса Марья
чеччис жö да петис восьтыны.

Посводзысь пырис Наталь... Толькө-й «но»-нитис Митрей Сэрук,
виччысьтөг и воөма шөркост нылыс, да ещö водөм мысти.

Водзти вöли Марьялөн челядысь этша пукаласны паччөр öшинь-
дорад, юөртас кө вöли Наталь гортас волөм йывсьыс. Сэкитö маши-
наясыд гежөда на ветлисны да тыдовтчас кө вöли Пер туйвежсянь
машиналөн би югөр — садьмөдасны вöли мамсö да ыджыд мамсö.
А öни сэтшöма виччысьöмыс абу: мунöны-локтöны Сэруклөн челядь,
челядыслөн челядь. Но Натальлөн воөм кузя талун дзик жö нин
виччысьтөм лои. Бөръя воясö Наталь гежөда вольвлис. Ёнджыкасö
телефон пыр сёрнитис гортасаясыскөд. Öни тай майбыр телефоныд,
только триньöбты!

Сэрук видзөдис Наталь нылыс вылө да гусьöник бөрдис. Öни сийö
век бөрдö, кодыр рөдвуж пиысь дыр вольтөм вольвлö. Он и тöд,
мыйла бөрдö. Гашкө-й заведнö, мый пöрысь вермытөмөдз воис.

Марья шонтис чай, корис пызан дорö Натальöс. Наталь жока
пöрчысис да мый да, пыр быттьökö мыйкө нюжөдис висътавны. А кор-
пуксис пызан сайö, ышловзис да шуис: «Төданныд өд, менö письмөяс
вайөдисны гортö». Марья быдсөн чуймис, письмötö öни некодлы оз-
лолы гижöм. А Наталь водзö висъталö: «Төндзи өд ме пыди вежö-
сын сулалысь пу сундуксыс көлуйсö видлалi, а сундук пыдöсас
бумага чукөръяс тубралöма. Век тай мыйкө кранитан. А öти тубрас
дзик вижөдöма. Босьти да лыддя — Марьялөн, Еленалөн, Петырлөн
да Митрейлөн письмөяс, кодъясöс гижöмныд войнабөрсä воясö». Сэс-
ся Наталь чеччис да перйис сумкасыс бумага тубрас. Сийö збыльысь
вöли вижөдöма. Митрей Сэрук тожö шензыштит: «Но, вот и дивö,
письмөястö видзöмыд да и вайöмыд на мянлы».

Мыйлакö мортыдлы казътылөмъясыд зэв коланатор да донатор.
Мукöд дырийис овлö сэтшöм сьöкыд, а казътывлан олөмтö, и сюрас
сэсь виччысьтөм пыкөд и бара сьöкылунсö венан. Вот и Натальлы
тайö письмөясыд зэв унатор казътыштитсны, быттьö бергөдлисны олөм-
сö, выльысь сэнi олыштит. Но эмöсь на и найö, кодъяс гижлөмаöсь
тайö письмөяссö...

Кадыс сёр нин вöли, и водисны кольöм олөм йылысь думъясөн.
Марья Натальлы вольсасис өдзөс дорын сулалысь диван вылө. Позис
и гөбöч вылө вольсасыны, но Наталь велалöма ыркыдинын узьлыны.

Сё майбырöй чужан-быдман керкай! Быд пельöс, быд плака

дона да муса, енув пельос да котшас пельос, паччор выв да гобоч выв, пачводз да гобоч. Век тай кыскö чужан керкаыд ас дiнас.

Водiсны узьны, керкаын лои чов-лөнъ. А узисны-о? Натальос шымыртiс радлун, мый сийö гортас мамыскöд, Марья видзöдiс паччор бшинь пыр ывла югыдас да думъянас кытшлалiс воддза олöмсö. Митрей Сэрук костьясөн ыджыда ышлोलалiс.

Войнаборса воясыд Митрей Сэруклы эз жö нин бара кокниа сетчыны, кызкö тай кольбомаосъ. Вит ныла-пиаос быдтiс, кыпöдiс сьöкыд воясö челядь отсöгөн войнаборса олöмсö. Прамой паськöм эз вöв, кöть юрневестаясöдз челядь быдмисны. А талун со Наталь воöма да кöлуйыс шогмö. Көр ку пимиа, пуховой шалля, дона куыс воротника пальтоа. А сэки, муртса помалiс школа, да и то эз ставнас, и лои петны йöзiнö кынöмпöт перйыны да водзö велöдчыны. Сэксянь и олiс бокин. Надзöникөн ас кежсьыс кыпöдчис, воöдчис мортöдз. Велöдчис Кировской совпартшколаын и уна вояс уджалiс партийной удж вылын. Верос сайö петавлiс, чужтiс да быдтiс пиос, а гозья олöмыс водз помасис, водз дözмисны öта-мöд выланыс, юкисны. Миян кадö тай öдийö гозийöдчöны да унаөн öдийö и торийöдчöны. Бур вылö ли лёк вылö — асьныс тöдöны торийöдчысыс. Наталь тай оз каитчы некодсьыс: верос сайö петавлёмсьыс ни юксьöмсьыс.

Öнi пенсия вылын нин Наталь, но пыр на уджалö. Мен пö пöрысьбөн ачымöс лыддьыны оз позь, дугда кö пö уджавны, казяла сэки, мый воöма пöрысьлунöй.

Да, кодлы нö окота пöрысьмынытö.

Сидзи-й ланьтiс Митрей Сэрук аслас думъянас. Асылыс воис мича, шондiа. Тувовъядорыд тöвся асылыд зэв мича. Коркö весиг та йылысь Митрей Сэруклөн ыджыд мамөн шуысьыс кывбур тэчлöма. И тайö асыв Сэрук вöтасис, быттö ыджыд мамөн шуысьыс лыддьö сийö лöсьбöдомасö:

Воис мича асыв,
Эг тай жуйав дыр,
Шондiа вөр-васö
Аддза бшинь пыр.
Лымийс сакар еджыд,
Енэж югыдлöз,

Чарём вылö вежис
Туйсö мунысь йöз.
Лымийс вильён дзуртö,
Йбла ветлö — шков!
Тадзнад ворестöг-дуртöг
Челядьыд оз ов...

Асыв Иван Марьялы воö водз, чеччö, гашкö, шондикöд. Кöть и семьяыс абу ыджыд, челядьыс нин асланыс семьяосъ, ичöt нылыс кындзи, но пыр быттö на вöсна и на гөгөр быд лун ноксьö. Талун Наталь воöм кузя ковмас пöжасьыштны да ещö нин водз садьмис.

Коркö и асыя гортса удж эштiс, Марья мунiс удж вылö, а Наталь лунтыр варовитiс мамыскöд. Кытчöдз толькö сёрнинад эз воыны... Сэссия Сэрук Натальос тшöктiс звöнитлыны Елена чойсö корлыны, кодi олiс орчча сиктын. Луныд пö öнi кузь да корлы пö, мед волас видлигмозыс. Рытъядорыс Елена воис рöзваль доддя вöлөн.

Рытнас, став уджсö эштöдöм бöрын, Сэруклөн нывьяс пуксялисны пызан гөгөр важья письмöяс лыддьыны. Письмöяссö вöли гижöмаосъ вөр лэдзанинсянь и гортсяныс. Первой письмö веськалiс Марьялөн.

«Ноябрь 16-öд лун. 1952-öд во. Видза олан, сё муса чой Наталь! Ме заводитi гижыштны кыв-мöда письмö аслам олём да уджалём йылысь. Наталь, ми олам Ырымын, уджала кер дорын. Кер кыскала кöбыла вöлөн. Талун вöскресенньö, асывсянь жö чуксалiсны удж вылö. Босьтём нормаяс гырысьсöсь да лöö тшöтш вöскресенньö уджавны. Наталь, мен овны танi зэв гажтём. Ме кодь ёна томыд танi абу, нывьяс ставыс арлыдаджыксь, тöдтöмөсь и ставныс ю горув сиктсаяс. Елена эськö зэв окотитö вöли локны кер дорас да, мед сийö локтас. Варов вомнас гашкö-й гажöдас менö».

Марья томон кайс кер дорад, косіник, латшкөсіник тушаа том нылос колхозьянь ыстисны. Йбз дінад петавтөгьд зэв ёна гажтомчис. А со сылөн мөд письмө Натальлы.

«Март 8 лун, субөта рыт. Видза олан, менам муса чой Наталь!

Гиж кыв-мөда письмө аслам олөм йылысь. Локтис тшөтш Еленайд и өні кыкөн гажаджык. Вөрыс лёк да этша вермам уджавнытө. Талун праздник и миянөс оз уджөдны. Лунийим. Байисны төлысса удждон. Колө мыйсюрө ньөбыштны гортө, но деньга уналаө колө. Гортын туруныс абу, Митрей вокид школа бөрад быд лун курасыны ветлө, колө кодлыськө коть турун ньөбны. Еленалөн чужан луныс, сылы колө пөдаркитор.

Заводитли март 8-өд луно гижны, талун помала, март 21-өд луно. Талун ме вися, кок йылын дыр кодь виси, но век уджалі, а талун вольпасьөдз висьми. Сьөкыд кер дорад уджавнытө, да мый керан, кодлыкө быть уджав. Төрыт концертон волісны сиктсаянь, зэв лөсыда вөчисны. Мам өні колхозын чипан видзө.

Гиж ачыд».

Томиник нылыдлы сьөкыд удж эз лөсяв, но Марья ни Елена эз вөвны няръяс пиысь, терпитисны. Зильөсь вөліны. Лунтыр лым пиад собитөм бөрад шой кодьөдз вөлі мудзасны, көтасясны. Ва көлуйыд измө-кымө. Сэсса баракын вөлі сьөрсьөн-бөрсьөн рытивбыд косьты-сясны.

Да кодлы и лясян, кодлы нярган? Мамлы, коді войнаөдз колис дөваөн, быдтис өтнасөн 5 челядьөс? Олісны тшыг нисьө пөт. Сьөкыд вөлі война воясө, ок и сьөкыд, весиг казъывнысө сьөкыд! Мамныс век уджаліс кык постын. Мелі кывйөн малыштөм челядьөс да топыда сывйыштөм эз вөвлы. Унаысь водлісны тшыг кынөмөн. Унаысь курыд синваөн кылөдлісны кача нянь.

Марья эськө медся на бура велөдчывліс школаад, но мамлы отсасьөм ради ковмис дугдыны. Быдсяма уджыс мунліс томиник ныв-лөн кияс пыр, но кер дорын вөлі медся сьөкыд. И коть кутшөм сьөкыд эз вөв, мамыслы некор эз элясьлы, мамөс ас дінас жалльлунөн эз дойдлыв.

Сьөкыда на овсис ветымынөд воясад.

Со тай гортсяныс гижөмабсь, Елена гижө Натальлы:

«Наталь чоюкөй, ми өні олам гортын нельөн. Овны эськө абу лёк да нинөм керны ки оз судз. Колө картофель нетшкыны, колө вотчыштны. Кык постнад ог удитөй нинөм вөчны. То өтилаө чепөс-йыла, то мөдлаө, сэні арся луныд и кольө. Мед эськө мортыдлөн дас ки жө вөлі, сэк, гашкө, мыйсюрө эштывлас. А сідзтө өні зэв лөсьыд. Картофель эм, сёркни эм, нянь регыд сетасны, мый сэсса миянлы колө! Тэнад өд, Наталь, дэоля жалөванньөйд да нинөм көнкө эн на лөсьөд аслыд».

А со бара Еленалөн Натальлы: «Муса чоюкөй, видза олан! Талун лунтыр пуксьывлан места эг аддзыв. Чеччи да пачводз дорын эштөдчи. Пуси-пөжаси. Мамө конюкалө да вөвьясөс куталі лудийсь. Талун миянын экспедиция узьө да налы пывсян ломті. Песласи-пожъяси. Дзик нин пемыднас гортө пыри».

А тані Марья гижө кер дорын том йөзлөн гажөдчөм йылысь:

«Уджалам век на кер дорын, талун субөта, пывсян лун. Пывсям дзик Ырым ю бокас. Оланін миян зэв гажа да кыпид местаын, нөрысын. Отиладорсянь Ырым ю визувтө, мөдарладорсянь вөрса шор зильгө-котөртө, коймөдладорсянь — вөр, а шөрас — нөрыс. Нөрыс вылас миян баракным. Сэні жө клуб стрөитім. Удж бөрад пывсям да вой шөр бөрөдз клубад йөктам. Төдан кө вед — кутшөм гажа! Куим гудөкөн ворсөны».

Вот көні гажыд вөлөма! И кытчө кольөма?

А со бара том йӱзлӱн сиктынгаж йылысь Митрей вокыс гижӱ Натальлы:

«Поводя мича сулалӱ. Лунтыр Машӱ, Елена да Марья чойыд нянь вундӱны, ме чумалияс сувтӱдала. А рытнас Еленаид да Марьяид вӱччасны-пасытасясны ситеч платтӱбясӱн да мунӱны войпукны, а ме на бӱрся. Вед кутшӱм гажа ӱни, а мында том йӱзыд сиктад, гудӱкьяс ворсӱны, асыявилӱдзыс ышмӱны-йӱктӱны. Быттӱӱ быд лун крам праздник! Да вед сэтшӱма мудзасны и кытчӱ толькӱ мудзлун-ыс вошӱ!»

Да, овлӱмаӱс, сӱ майбырӱй. Лунтыр кипом удж бӱрын вой шӱр войӱдз куим гудӱк шы улын сылӱны-йӱктӱны!

А ӱни шыч ни рач. Дарӱм сиктыд ӱтарӱ ыдждӱ. Рыт воас да шы ни тӱв. Зӱля жӱ эськӱ уджалӱны, да вот гажӱдчынытӱ оз кужны. Толькӱ армияӱ кодӱскӱ колльӱдӱгӱн или пирьяс дырйи кывлас сикт кузьяд гудӱк шы улӱ сылӱмыд».

Тайӱ бара Митрей Натальлы гижӱ, рочыштӱма быдсӱн заводитӱгас:

«Здравствуйте!!!!»

Добрый день, веселый час! Что ты делаешь сейчас?

Брось ты дело, брось ты все, прочитай мое письмо!

Вот ме заводитӱ гижны гортса олӱм йылысь некымын кывья письмӱ. Олам ми, позьӱ шуны, бура. Наталь, эн вунӱд да сюрас кӱ, босыт учебник «Русский язык, грамматика, синтаксис II часть». Талун школа бӱрын ветли курасяны, мамӱяс мунисны рытладорыс пес керавны Марьякӱд. Аски школа бӱрын сэтчӱ ковмас жӱ ветлыны. Наталь, сапӱгтӱ кӱ босытин, кӱтитӱ эн шыбит. Миянлы ковмас. Пароходнад волны».

Митрейлӱн корӱмыс: «Сапӱгтӱ кӱ босытин, кӱтитӱ эн шыбит» век гӱрдзӱдӱ Натальлысь горшдӱнсӱ. Эз лолы сӱки сылӱн кӱтитӱ ыстӱмыд. Сийӱ кӱмкӱтсӱ видзис уна вояс чӱж, спектакасьялис сийӱн.

Но Митрей, медся ичӱт пиыс, аслас старанньӱӱн, сьӱкыдлунсӱ венӱмӱн помавлис школа да велӱдчыс водзӱ. Йитис ассыс олӱмсӱ военнӱй службакӱд.

Лыддим письмӱяс, толькӱ медся ыджыд Петыр вокыслӱн эз вӱв ни ӱти письмӱ. Сийӱ кувлис 60-ӱд воясӱ, сьӱкыда да дыр висьӱм бӱрын, кодӱ кыссис война кадсянь.

Война воясӱ Петырӱс нулисны морскӱй флотӱ, нӱйтис сийӱ врагӱс ва вылын, вӱтлис рӱднӱй му вылысь. Война бӱрас на во кык служитис, локтис гортас морӱсас медальясӱн да орденӱн. Волис гортас бӱраводза, мунис бӱр районӱ, сӱни и уджалис да кувсис.

Да, письмӱяс, нинӱм сэтшӱмыс быттӱӱ и абу, а вот вӱрзӱдӱс сьӱлӱмтӱ, кыкис Натальӱс туйӱ. Лыддисны чужан-быдман керкаын, казтыштисны воддза олӱмсӱ и разьсис быттӱӱ уна вося гӱрӱд.

Олӱм-олӱм, абу ӱти лунся, абу ӱти вося. И быд лун и быд во аслыспӱлӱс дона да мича. Казтывлыны колана, и талунья олӱмыс мича, казтыштан кӱ коркӱясӱ.

Гижлӱма тай коркӱ Сӱруклӱн ыджыд мамӱн шуысьыс, школаын велӱдчысь, кывбур:

«Ме радейта, олӱмӱй, тӱнӱ,
И муслунӱй некор оз сыв,
Кӱть сьӱкыдсӱ кутшӱмсӱ вена,
Кӱть ӱрӱмсӱ мыйта ог кыв.

Ме радейта, олӱмӱй, тӱнӱ,
И сетчыны шоглы ог кут.
Ме радейта. Олӱмас, сӱни
Мем тыдалӱ нӱмчӱжся шуд».

Дыр пукалисны тайӱ рытӱ Митрей Сӱруклӱн керкаын. Письмӱяс кӱть вӱлины дженьыдикӱс, но унатор казтыштитисны. И бӱрдисны, и серавлисны казтылигад, но вӱли кокни сьӱлӱм выланыс, мый сӱки венисны сьӱкыдлунсӱ. А ӱни олӱны бур, шуда олӱм.

Одйö тай муноны вояс. Сэки, кор найö гижлісны тайö письмöяс-тö, вöліны томиникöсь, а öні ыджыд мамъяс да пöчьяс. И артмö, муноны-локтоны, муноны-локтоны чужан сиктаныс Сэруклөн челядь, челядльöн челядь.



Пик АРТЕЕВ

Кельчи князь

Пищальöн вöрти ветлöдлігмоз веськавлі ме öтчыд ыджыд да мича Письö-ты дорö. Пöрччыси да пидзöсöдз келі тыас мыссыштны. Ваыс сöстөм, весиг лöзоватөн кажитчö. Мыссыштөм бöрын мудзөм лов вылысь быттьö сьöкыд из гывдіс.

Вöлі август. Небыдик төвру лелькуйтис ва веркөссö. Гөгөр лужысыс да кустьясыс вöччöмаöсь нин зарни да ыргөн рөмьясөн, сөмын тышöрса діяс вылын, көні быдмöны козьяс, век важкодъыс вежöсь. Кывъясыд оз сюрны, медым гижны тайö тыдорса мичлун йывсьыс да тайö гажа кад йывсьыс. Ты мöдар берегас, ылысджык помланьыс тыдаліс неыджыд сьöдöдөм нин керка. Сысянь меланьö надзöникөн локтісны кык пыжа, воддзаас пукалісны куим морт, а бөръя пыжас некод эз тыдав, сійöс, буракö, домалöмаöсь воддзаас да кыскöны. Гөгөр лөнъ. Гөгөра кельöб то мыччысьлывліс ва веркөс вылын, то бөр суныштліс. Ме пукси берегдорса коз улö да куті виччысьны пыжасöс. Матыстчисны. Öти на пиысь вöлі сьöд жакета, сера чышьяна нывбаба, сійö сынис, ном дөраөн вевттысьсөм старик, чужөм сертиыс яран, веськөдліс пелысөн, а пыж шöрас кос тыв чукөр вылын тшына-сис-куритис, гөрд уска-тошка, ар нелямына мужичöй. Тöдмасим. Мужичöй асьсö шуис Никитаөн, нывбаба вылö юрнас докнитис — Анна, стариксö шуисны Ласейөн. Ме серамсорөн юалі Никиталысь, мыйла сійö, ён мужичöй, пукалö да тшынасьö, а нывбабаыс да старикыс уджалöны. Никита шпыньмунис да дорйысис:

— Стариклөн уджыс абу сьöкыд... Асьыс олөмсö казътылігмоз веськөдлö. А нывбабаыд мед уджалö... Сійö оз куж весь пукавны. А меным думайтны колö... Вот ме и пукала.

Анна да Ласей ібсöтчисны лөсьöдны тывсö чöвтөм могысь. Недыр мысти сөвтисны сьöкыд тывсö ыджыд кытшолөн, ме тшöтш отсалі налы кыскыны тывсö берегö. Мыйөн тыдовтчис мотняыс, эзысь рөма гырысь кельчи сәні вөрö. Тадзи найö вöчисны куим тöня. Ыджыд пу пыж дорышöдзыс тырис мича чериөн.

— Сера чери шедö, пелядь да кебөс бöрынджык кутас шедны, — шуис Никита.

Черныс и вбыль вöлі «сера» — кельчи, ёкыш, сир. Но кутшөмөсь! Гырысь сын кодьöсь гөрд синма кельчияс, на гырьс жö гөрба мышка зарни ёкышьяс. Вöліны и бур палич кузьта сьöд сирьяс. Татшөм сирьяс йывсьыс шуöны — нитшкөн туөм плешкаöсь пö. Ме некор на водзджык эг адззыв та мында татшөм гырысь черисö.

Никиталөн керкаас вöліны еджыд юра куим челядь: кык детинка да зэв на ичöтик нывка. Ыджыдджык детинкаыслы вöлі ар öкмыс. Сійö бать-мам кыйсигкөсті кольывліс керкаас ыджыд пыдди: видзөдіс чой-вок бөрсяыс, гырысьяс локтігкежлö пузьöдіс чайник.

Лои ещö на лөнъ, кыськө уськөдчис лыд ни тшöт ном-геб. А черисö коліс ставсö меститны: керны, мыськавны да солавны. Меным кажитчис мый бöчкаыс этша. Менам юалөм вылö Никита вочавидзис,

мый налөн дозмукас эськө этша, а вот солыс пöшти бырис.
— А кызди нö кыйöм черисö тасянь нуаннды? Öд сё верстысь унджык лöб?

— Босьтла совхозса кöр видзсысьяслысь доддялан кöрьяссö да някойöн * кыска. А плантö тыртöм вöсна ог зэв маитчöй, кыям... Солыс өм Колва ю бокин, километр комын тасянь. Новла, сьылиöй кыз. Дозьястö, пуяс пöрöда да, лöсала плакаяс, тувьяла ящикьяс, вольсала сямöд — вот и бöчка лöб.

Ми Ласейкöд керам черисö, Анна челядыскöд мыськасьöны, а Никита солалö.

Ме думайтi мортyslөн сьöкыд удж да олöм йылысь, а сылы, вöлөмкö, 'веськодь. Некутшöм майшасьöм оз тыдав.

— Вот меститам черисö, котöртла совла... Пуд кыксё öтчыднад вая. Куимысь ветла и бара позяс кыйсьыштны,— быттьö ачыс аскöдыс сёрнитi Никита, выль чигарка гаровтiгомз.

Мöд асывнас муртса кутiс югдыны, Никита мöдöдчис совла. Ме вöтчи сы бöрся. Ми келим веськыда нюрöд, кызди 'вермим, дорйысим номъясысь. Найö петöмаöсь сы мыйта, мый павкнитан кö чышъян, муöдзыс оз усь. Номдöбраөн кöртасьöмөн, 'ыджыд кепысяöсь, килу-тшöдзным топöдöма кöv помөн, ми кыссим ньöжйö, тшöкъялим чорыд нюр дуксыс. Ме соби пидзöсöдз вати и думайтi сы йылысь, мый Никиталы ковмас пырны тайö адас сьöкыд ноппён мыш вылас. И не öтчыдысь на. Кок йылысь усьтöдз музöмаöсь ми петим коркö изья берег динö. Тани паныдасим куим геологкöд. Найö пукисны резина пыжö да мöдöдчисны кывтны ю кузяс. Никита скöрысь видзöдлис налөн шойччан 'места вылö. Дивитiгтыр юрнас довкиöдлiгомз чукöртiс öтилаö тыртöм папирос пачкаяс, чигарка помьяс, газет торьяс, консерв банкаяс да тыртiс ставсö берегдорса изьясөн.

Пöттöдз чай чöм бöрын ми янсöдчим Никитакöд. Мöдысь паныдасим ськöд төвнас нин Хата-яга ю вомын, кодi усьö Колва юö. Сийö воис кöр кыса лызьяс вылын сиктсянъ аслас оланнö, Письö-ты вылö. Никита ветлöма колхозса председатель дорö сёис унджык верст сайö сёрнитны доддялан кöрьяс йылысь, черисö петкöдöм могысь. Ме юали, тыртiсны-ö найö чери кыян плансö.

— Вевтыртiм на,— вочавидзис сийö.— Да и öни йи пырыс кыям.

— Кодi нö öни тэтöг кулöмьяссö видлалö?

Ме кывли нин, мый Ласей кувсьöма.

— Бабаыс детинкаыскöд,— бара жö спокойнöя шуис сийö.

— Пыдылы öд велöдчыны колö, декабрь нин помасьö. Коляс сийö ас кодльöмьясысь велöдчöмнас,— дивитыштi ме Никитаöс.

— Нинöм, суöдас,— а сэсся чöv олыштiс да содтiс:— Вот нуа гöстинеच्याс дзоляяслы — кык тупöсь нянь да пара кило сахар песок.

Қадыс вöли сьöкыд, войнаыс муртса на помассис. Сьöд няньыд, сахарыд сэк кажитчис медся чöскыдторйөн.

Коли уна во... Олöмыс вежсис да бурмис. Сэти, кыта Никита коркö кыскасьлис сьöкыд мыш ноппён, катöдлис бечеваөн пу пыжьяс, петкöдiс кöрьясөн кыйöм чери, ме öни ветлöдла зэв бур кабинаа вездеходөн. Но ме пыр помнита Никитаöс. Сийöс шулисны Кельчи князьөн. Шулисны тадзи эз сöмын сысысь, мый кыйлис уна чери, а сысысь, мый век эскылис аслас вынлы, аслас юр садьлы, а сiдзжö ськöд орччөн олысь йöзыслөн бурас эскöмлы. И нöшта сысысь, мый дözьöритiс аслас сöвеств тшöктöм серти ассыс чужан мусö, дона вöр-васö.

* Някойöн — öта-мöд бöрсяыс мунысь некымын аргыш.

Кыснанон кыйсьом

Кымынөд лун нин ми кывтам Тобыш ю кузя, и кымынөд лун нин кисьтö зэр. И пом ни дор сылөн абу! Быттьокö енэжыслөн зэлыд, лöz дöраыс нёйкмунöма, важмöма-рушмöма, зэр воит оз öшйы...

Гажтöмджык жö эськö татшöм пемыд, зэра лунъяснад да, мый сэсса вöчан? Петöмыд кө туйö, быть мун, бөр он кос.

Вертолёт вайис мянöс Тобыш заводитчанинö да пырысь-пыр жö и лэбис.

А ми колим помтöм-дортöм тундра шөрö, квайт морт, и медся матыс сиктöдзыс вöли нельсё гөгөр километр.

— И тайö Тобыш юыс и эм?— юалис Сима, кор вертолётлөн таркөдчöмыс дзикöдз лөнис енэжас.— Гашкö, мөд ю тайö да?

Ми видзöдлим шор кодь векныдык юлань, öта-мөд вылö да вак-вакөн серöктим.

— А васаяс тöдас! Гашкö, збыль тайö абу Тобыш да...

Дерт, мян вöли Тобышлөн карта, но тані, дзик заводитчанинас сійö нинöмөн на эз вермы отсавны.

Сöмын лун-куим мысти ми кутим эскыны, мый кывтам буретш Тобыш кузя...

Юыс вочасөн паськаліс, эз нин ков кыссьыны бадь коластьясті, быттьö туннель пыр. И кор кымөръяс разавлісны, ми босьтчывлім кыйны чери. И көть зэрсьыс ваыс юас лунысь-лун пыр содіс и содіс, чери шедіс бура.

Симаысь öдор чери кыйны мянн группаын быдөн сяммисны. Медся ыджыд кужысьөн нималис Сималөн верöсыс, Толик Ткачев, ачыс архитектор, кызд и гöтырыс. Яковлев вокъяс бура жö кыйсисны. Ыджыдджыкыс, Митя, уджалö мянн театрын слесарөн. Кутшöм сöмын вугыр сылөн эз вöв! А ичөтджык Яковлевыс, Витя, кыйсьö сідз-тадэджык. Ми Веракөд, кызд и Митя Яковлев, уджалім театрын жö. Вера — вурсьысьөн, а ме — художникалі. Кыйсим ми кор кызд, но мянн, нывбабаяслы, и тайö нин вывті вöлі...

Шивить-швить! Лэбалöны ю весьтöд, югъялöны кыснанъяс. Видзöдан, а кодкө нин кыскö пыжас сир, а кодкө и — ком чери...

Менö велöдісны спиннингасыны Эстонияын. Сэні чери кыйысыяс пöвстын нывбабаясыд унаөнöсь. Сетісны шведскöй спиннинг, петкөдлісны, кызд сійөн вöдитчыны, и сэсса отпуск чöж ме спиннингсö кыыс эг и лэдзлы! Дзикöдз «висьми» чери кыйысылөн висьмөннас... Вои гортö, сöмын шведскöй спиннинг йылысь и казътыла, мөвпала.

И колö жö сідз лоны, мый буретш сійö арнас и кутісны вузасыны мянн карын шведскöй спиннингъясөн. Ме, дерт, пыр и нёби, көть и дона, öкмысдас шайт сулалö.

Кодсюрö серамвыв лэптисны: татшöм дона спиннингыд пö черисö ачыс кутас кыйны... Но дыр эз серавны. Кор аддзисны бур кыйсян көлуйтö, унаөн нёбалісны сійöс. А кутшöм спиннингыс мича: чача кодь. Лескаыс оз-ö дзугсы! Ті көть мый шуйй, а черитö кыйигөн сёллөм вылад нимкодь сэки, кор мича да ки сертиыд и чери кыанторйыд тшöтш!

Усть-Цильмаын (вöлі отпусклөн мөдöд лун) виччысьтөг ме казъялі, мый мекöд мыйкö быттьö неладнö, быттьö черань вез сёллөмс топöдö.

И тайö ковтöм лёкыс, коді кутчысис тані морöсö, дзикöдз вужъя-сис сэтчö и көсян да он нетшышт...

И мед эськө ме кө өтнам маитчи аслам тайё «висьёмнас». Менам сьёкыд лов руыс вуджліс и мукөдыслы, а медся нин — Вералы. Мыйлакө ми ёнджыка дойдлывлам чорыдлуннаным буретш найёс, кодясёс лыддям матыссаджыкөн. А Веракөд ми важысянь нин ёртасим. И татшөм ветлігъясас пыр вөлім өтлаын, олім өти палаткаын, кывтім өти пыжын. Дерт, сылы унджык и веськавліс мясянь. Ог жө кут ассыым лёк руёс лэдзны, шуам, Ткачев гозъя вылө, көть и важысянь жө нин накөд ми ёртасим, матө кызь во нин. Либө, Яковлев вокъяс вылө. Найөтө меным и дзик некоді. Көть эськө ыджыд вокыскөд и өтлаын уджалам.

Коньөр Вера!

Ме ачым аслым лои не рад. Но нинөм вөчны аскөд эг жө вермы. Кор ставөн нин гөгөрвоисны, мый ме дзикөдз уси сьёлөмнам, мекөд кутісны сёрнитны видзчысьёмөнджык, быттьө висысь морткөд. А ме збыль и виси нин.

Виси сы вөсна, мый карын, татчө мөдөдчигөн, лёк ногөн лои торйөдчөма өти морткөд. Бур төдсакөд. Сійө өз вөлі лэдз менө татчө. Некудзи оз лэдз!.. А ме со эг кывзысь да локті. Быттьөкө и кокни сьёлөмөн локті. А өні со и песовтчис сьёлөмөй!..

Гашкө, эз ков меным тадзисө вөчны? Тадзисө ыръянитны?

Дерт, көнкө эз ков!..

Но өні, пырысь-пырсө, кызди бергөдчан татысь? Ылі Тобыш вывсысь?

Ок, йөй ме!..

Өти рытгуров ми сувтім паськыд лыа берег дорө. Вылынджык — козъя яг. Сэтчө ми и лөсьөдчим узьмөдчыны. Зэрис. Регыд кежлө зэрыс дугдылас, но бара и нёзьдөма нин, пызйө и пызйө!..

Ми Веракөд шуим сувтөдны палатканымөс сөйтөдз, вермас өд и ёнджыка на зэрмыны. Бөрйим, думсыным, косджыкин. Эгджык удитө зэвтны палатканымөс — кызд тай зэрыс сяркнитас бара, миян палатканым пырысь-пыр и көтасис. И бара ставыс гудыртчис морөсын, сэтшөма дөзми! Ас вылө, дерт! Ме өд шуи сөйтөдзис сувтөдны. Мукөдыс тай юраджыкөсь, эз дзөрны весь!.. А шуны мыйкө меным воча, тыдалө, эз көсйыны — мыйөн төдан, кутшөм ру вылө веськаласны. Зэв тай колө торкны ассыяд ловтө, коді быдөнлөн нин, дерт, сьөктамыштіс жө, татшөм зэранад. Весиг Вера, коді пыр вөлі быдөнкөд кыпыд, ясыд, мелі, и сійө дөзмывлыны кутіс, унджыкө ме понда, дерт.

Кызкө-мыйкө сөйыштім, чөв олигырйи. Сэсса ставөн кутісны лөсьөдчыны узыны. Зэрыс дугдіс и ставыслөн, мнысь өтдор, палатка-ясыс вөліны косөсь. Но весиг некоді эз шу, локтө пө Вера да Тоня, узьө талун миян палаткаын, асланыд көтасьөма да!.. А ме виччыси, мый кодкө жалитыштас. Көть и кык морт вылө палаткаясным, но куймөнлы быдлаын позьө төрөдчыны. Ме — өтиө, а Вера — мөдө. Но некод эз кор!

— Вера, — шуи ме, — тэ вод Яковлев вокъяс палаткаө, налөн ыджыдджык, а ме талун көсья войсө бипур дорын коллявны (тайё здукөдзис и юрө татшөм мөвпыс меным эз волю). Он жө кут өтнад узыны көтасьөм көдзыд палаткаын. Вералы, эг кө ме тадзи шу, гашкө, и яндзим вөлі кольны менө өтнамөс.

Ставөн нин унмовсисны, а ме пыр на эг вермы дзикөдз мынтөдчыны дөзмөмысь, көть и көсйи эськө вунөдны татшөм мича, лөнь войө ассыым дурөм-майшасьөмөс.

Ме петі палаткаысь, пукси пөльтөм резина матрасысь лөсьөдөм пуклөс вылө. Дінын тратшкөдчыштөмөн сотчис неыджыд бипур. Бипурлөн шоныдыс сөдзтысис-йиджис ме пытшкө, а сыкөд тшөтш менсыым сьёлөмөс быттьө мыськовтіс шоныд гыөн радейтчөмлөн вуджөр.

Ставыс дорё, мый кытшаліс менё, быттё морёсын разьсис кутшёмкё гөрөд.

— Кутшём бур, мый зэрис да көтөдіс палатканымөс: эськө некор эз и вөв менам олөмын тайё бипур дорас коллялан войыс! Кутшём бур, мый ме тани! Кутшём бур, мый көнкө эм менам чужан сикт, көні ме овлі, и уна мукөд сиктъяс да каръяс, көні ме некор на эг вөвлы, но быть на вола сэтчө!

Буретш та йылысь мөвпалігөн көнкө неылын мыйкө шлапкысис-усис юас.

«Ош али коді?»— повзьыштікодь ме. Бергөдчылі палаткаяслань. Ставыс узьёны, Яковлев вокъяс палаткаысь, сійё медматын, кылө шкоргөм. Ткачев палатка сайын, меным кажитчис, кодкө сулалө.

«Ош?!»— бара воис юрө. «Гашкө, дзодзөгъяс да? Дерт, дзодзөгъяс! Дерт, дзодзөгъяс. Тани, войвылад, дзодзөгъясыд уна. Тобыш вылын найё позьясьёны, а сэсся быдтысьёны, и сөмын арын мунёны бөр кытчөкө лунвылө, гашкө, Африкаө, гашкө, кытчөкө мөдлаө».

Ме бара видзөдлі мыш сайё. Дзодзөгъяс и эм! Шойччөны берег вылас, узьёны. А өти сулалө, видзө ставнысө. Сійё и тыдалө пемыдас.

Луннас, кор кывтан надзөник, быд чукуль сайысь верман аддзывны дзодзөг котыр. Пияныс оз на лэбавны, котөртөны ва кузя, сөмын пуө ваыс. Медвынаыс нин кыпөдчылас повзьёмсыс, лэбас кык-куим метр да бөр усяс-шлапкысяс ваас, и кор нин некытчө лөб воштысьны — сунас, быттё эз и вөвлы! Видзөдан, а пыж саяд, ылын, горулын нин уялө. А кодкө тэрмасьё-кайё веськыда баддьё. Дзэбсяс, юрсө сюяс кытчөкө, а бөжыс эрдын! Дзик челядь сяма.

— Шойччө, шойччө!— нөшта на бергөдчылі ме пемыдас дзодзөгъясслань.

Юрө бара воисны шог мөвпъяс. Да, тыдалө медбөръяысь ме татшөм походас,— мый нө лёк нервъяснад мукөдыслысь шойччөмсө торкавны. Верми кө, эськө өні жө муні татысь, час эг ов. Но кытчө мунан? Весиг вөралысьяслөн керкаясыс шоча на паныдасьлёны, а сідзкө матыс сиктөдзыс пыр на вьвті ылын.

Тыдалө, вугыртсьыліс. Ю вылын бара мыйкө шлапнитчис-бузнитчис.

«Чери, гашкө, татшөм ыджыд да? А көні нө дзодзөгъясыс?»— видзөдлі мыш сайё. Войся пемыдас сэні кельөдыштөма нин. Ткачев палатка сайысь ме некутшөм дзодзөгъясөд эг нин адзды! Сөмын асья төлыс ворсыштө сэн джуджыд туруннас.

Некутшөм ош ни дзодзөг матын оз тыдавны, а юас чери, тыдалө, и эм! Төрытья сёян коляссө кисьтім берег улас, чериыс и вердчө, а на бөрся кыйөдчөны сиръяс.

«Но, видзчысь, горш рөзбойник, ме тэнө пырысь-пыр кыя, мед сөмын югдыштас. Некытчө он пышй!»— мөвпала спиннинг лөсьөдігмоз.

Лэччи лыа вылө. Юыс тани быттё пыксьөма мөдлапөлас, векни, и, тыдалө, джуджыд. Көнкө сэні и олө-дзэбсясьө сирыд.

Мудзтөдз шыблалі спиннингөс кывтчөс и катчөс, а сир оз босьт.

«Тани кө — босьта-ан, некытчө он воштысь... Менам өд терпеньёбыс эм жө...»

Тобышын сирыс вөлі сы мында, мый ме нин ас кежысь кевмыси, мед эськө кутшөмкө мөд чери шеді: полі ме сирсыс. Пыжсянь кый-сигөн сійөс колө вөлі кыпөдны кок улө. А курччас кө?! Вомыс өд сылөн шердын пасьта, а пиньясыс!..

Коркө Мозын ю пөлөн Лупт вожын кыйсигөн ми дөзмылім жө сиръяс вылө. Некутшөм чери быттё юас наысь өтдор эз и вөв. Ваыс Луптын югыд, тыдалө пыдөсөдзыс. Видзөдан, кызди леска помын

бергальсы-югъялысы кыснан бөрся вөтчöны ньöв кодъ веськыд да тэрыб сиръяс, и весиг йирмög босьтлö...

Сэк, Лупт вылын сирлөн горшлуныс кажитчис ёна чуймоданаөн. Митя Яковлевлы шедис килограмм кымын сьöкта сир. Берег вылас эзджык удит шыбитны,— сирыд бөр шлап уси ваас, да öд и кыснан-сö тшöтш горшас нуис! Митя көть бөрддзас, сэтшöм жалъ чериыс, а медсясö — кыснаныс. Вера сетис ассыс: кый пö бөр пышйöм черитö. Гашкö, бара на босьтас. И босьтис öд! Горшас нин öти кыснан эм, но мөдöс курччис. Бара кыскис сийöс Митя берег дорöдзыс, көсийс кыпöдны васыс, но сирыд бара уси ваас. Бытьö эз и вöвлы.

А Митялөн кыснан вылас — мөд кыснан öшалö. Ачым кө ас син-мөн эг аддзыв, эськö некодлы эг эскы, мый татшöмторйис овлö.

Тобышын, Луптын моз, сиръясыс уна жö и горшöсь. Эмöсь и сыньяс, и ёкышьяс, и комьяс. Отчюд весиг гөрд чери чеччыштлис.

Гөгөрбок чөв-лөнъ, буретш шондi пуксян кад вöли. Қывтам, чит-кырасям шондi югöрсыйс.

Сэк чериыд миян водзын и чеччыштіс васыс, бытьöкö дасьты-сьöма тайö здук кежлас.

— Сьöмга!— пöдöм гөлөсөн лолыштіс Витя Яковлев. Ачыс муртса пыжсьыс эз усь.

— Сувтлам!— öттшöтш шусис ставлөн.

— Сöмын чöла, чöладжык, оз ков клюнöдчыны,— вашкöди ме, а ачым тiралысь чуньясөн бөрйи, кутшöм кыснан вылö эськö ылöдны гөрд черисö.

Дум вылö уси, кыдзи вояс сайын, Мурманскöй областьö ветлi-гөн, ми кыйим лицензия серти гөрд чери (миян странаын тайö, кажитчö, сöмын öти область, көни вузалöны лицензия гөрд чери вылö). Тайö жö котырыскöд и ветлим сэтчö. Витя, тöдöмысь, медводдзаыс на босьтöма киас спиннингсö. Шыбласьö, велöдчигмоз. Сувтöма коськ сайö. Сысянь неылын — Толик Ткачев кыйсьö.

Друг кылам, Витя мыйкö горöдис, а ачыс берегас бöрыньтчö.

— Гарт лескатö!— гөгөрвоис кодкö да велöдис Витяöс.— Эн кос!.. Гарт! Ачыс локтас чериыд!

И збыль (а сэнi юис визувтіс изьяс вивті), жбыркöдчö сöмын, резö васö кутшöмкö зэв мича чери. Вера келіс веськыда коськ вылас, кинас öвтчö, бытьö отсалö чериыслы öдйöджык берег вылас кайны.

— Кыш! Кыш!— горзö.— Сьöмга! Сьöмга! Кыш, кыш...

Ме сэтчö и уси, көни сулалi, сэтшöма сералi. Сьöмгаыс вöли килограмм кымын ыджда. Сэки и заводитчис!— сынöдын кутісны шуть-лявны лескаяс. Но сьöмга эз усьлась кыснан вылö. Тайö луннас нинöм нин сэсся эз и шед некодлы. Асывнас зэрмис. Джын лун ковмис пукавны палаткаын. Пажын бöрын зэрыс неуна лөнъыштис, и ме мөди ю дорö. Берег вывтисыс кыйсигмоз восьлалi километр кык-куим. Кутшöмкö ёль усяниысь шеді кык ыджыдкодъ ёкыш. «Улынджык доыс векняммö, ветла сэтчö. Бать коркö висьтавліс: сьöмгаыд катігас йирьясын шойччö»,— мөвпала. Лэчча увлань, ачым аскöд сёрнита. Вөрватi ветлiгөн ме пыр вöли сёрнита и аскöд, и дзоридзьяскöд, и пуяс-көд, и черияскöд, и тшакьяскöд, и быдсяма гут-гагыскöд. И некор менам эз чужлы юрын мөвп, мый найö менö оз гөгөрвоны. А öткымын войтыркöд сёрнитiгөн кымынысь асьтö юавлан: а гөгөрвоö-ö менö тайö мортыс?

Медся векниинас бытьö кодкö нетшыштіс кийсь лескаöс, сэтшöма тракнитис, мый ме весиг повзи. Сайкалышті, гарта лескасö, локтö, кыла: шедöма кодкö! Нöшта здук-мөд и чеччис васыс... Сьöмга! И пыр жö лёндзис менам лескаыд!

«Мыніс? Да э-эз, эз... Локтö кө-а? Мынöма! Ой-йокö-йокö!.. Но

кар-рась, но кар-рась!.. Дзикодз тай шогө уськөдіс!»—весиг збыль тарзьём босьтіс.

Кызкө-мыйкө ошөді леска помө мөд кысан, бара куті шыб-лавны...

И өд бара кодкө тракнитіс менсьым лескаос.

«Э-э... Босьтін, сө зөлөта! Бо-осьтін!.. Лок, лок. Оні нин ме тэнө бөр ог лэдз, эн виччысь!»—шөпкөда вомгорулын.

Рөпкигмоз, гарта лескаос, а ачым пыр быттё кывзыся, кор чериыс зэлөдчас, кутас чеччавны. Сы чеччавтөдз колө удитны лёньдзөдны лескасө,—сэки оз ор...

И ме удиті! И эз мын сьөмгайд, көть и мөдысь на чеччыштліс васьыс. Сэсся заводитчис кузь, час джын дыра вен: коді кодөс вермас.

Кыска-кыска, казяла, мый чериыс вына на, орөдчас — бара лэдзышта! «Мун, ветлы, мудзтысь, көсьян кө...» Лескаыс менам кузь, 100 гөгөр метра. «Мун, ветлы, мудзтөдчы, көсьян кө...»

Сэсся бара кыска. Бара лэдза. И тадз ми ськөд и ветлөдлім, бөрө-водзө. Сійө — ваөд, а ме — лыа пөлөн. Коркө-некоркө сувтім. Дзик кок улын сійө, ваас на, дерт,—быттё мөвпалө, сетчыны нин али водз на... А ме мөвпала: «Кыскыны нин лыа вылас али водз на... А-а! Тырмас, кыска!» И кыски. Сьөмга, быттё торпеда, өдбөсьыштіс да ачыс кокниа и кайис лыа вылас. И весиг оз вөрззы сэсся, сэтшөма мудзөма. Кор ме вайи сійөс палаткаө, мый сәні вөлі! Отикө, чериыс төрытъя дорысь ёна ыджыд. Мөд-кө, нывбабалы шеді. Митя Яковлев чургөдө-сетө меным сигарет, босьт пө, лёньдзөд нервьястө, а зьскө, видзөда да, аслыс колөджык вөлі лёньдзөдчынысө, сэтшөма зэвтчөма.

— Кытчаны ветлін?

— Веськыдвылас...

— Да-а! Но и шуда морт тэ, вөлөмыд...

Регыд ставөн кутісны лөсьөдчыны мунны кыйсьыны. Зэр ни гым оні найөс эз вермы кутны.

И өд сэтысь жө, векнинисьыс, шедлөма Яковлев Витялы сэтшөм кодь жө сьөмга, и дзик нин берегөдзыс кыскылөма, но орөдчөма, мунөма. Ыджыдджык вокыс весиг пуртөн уськөдчылөма чери вылас, но абу удитөма. Вывті, тыдалө, тарзьөмаось, а колө вөлі тэрмасьтөг, зэвтчытөг. Аскинас спиннингасьны вөлі нин оз позь, лицензиялөн срыкыс помасис.

Яковлев вокьяс сэтшөма өзийөмаось сьөмга кыйгөн, мый дасьөсь вөлі кольчыны, но мукөдыс өтсөгласа шуисны мунны.

Ас кежысь, та йылысь казтьывліг-мөвпаліг, ме пыр на чайта, мый кык воклы и оні на сьөкыд мынтөдчыны миян вылө дөзмышлөмысь. Гашкө, и абу сідз, ог төд. Сідз тай кажитчө-а...

Тобыш ю кузя кывтігөн ми тшөкыда сёрнитлім сьөмга йылысь, но өнөдз на сійө эз петкөдчыв. А со, көні вөлөма. И ставөн пыр жө өзийсны өти көсйөмөн — кыйны сійөс!

Кутшөм сөмын кысаньяс ми эгө вежлавлөй: и гөрдов, и вижов, и сьөд, и гырысь, и посни, но сьөмга быттё сылі кытчөкө!.. Шы ни ва. Сідз и ковмис кывтны водзө. А кутшөм надея чужліс быдөнлөн сьөлөмас!

Войся сир бөрся лыа беретті ветлігөн кытчө сөмын эг удитлы во-лыны мөвпөн: и Мозын дорө, и Москваө, и Крымө, и Мурманскө...

А мый? Ветлан, шыбласян, а юрад пыр бергалө кутшөмкө мөвп.

Менам өти бур төдса пыр жө мөвпаліс да сэтшөма эскис «лэбальсь тарелкаяс» йылысь висьтьясө, мый дыр кадколаст ветлөдліс фотоаппаратөн: адзас кө НЛО, мед пыр жө и снимайтны. Оні, шуө, оз нин сьөрсьыс кыскав фотоаппаратсө...

А ме, медся нин татшөм овтөминъясас ветлиг-муниг, тшөкыда жө мөвпала та йылысь. А мыйөн төдан: буретш өні, буретш тані, Тобыш вылын кө сійө петкөдчылас. Но ни «Лэбалысь тасыті», ни весиг сир петкөдчыны оз тэрмасыны. Палаткаяс дорын кодкө ветлөдліс нин. Пусысыяс, тыдалө, садьмөмаөсь. Талун Сима гозья вердчөны. И буретш сэк, кор Толя кутіс тотшкөдчыны, пес поткөдлыны, сирыд и кутчысис кыснан вугырө.

— Ай, горш рөзбойник, та дыра менө манитін. А өд босьтін! Көть, тыдалө, пөттөдзыд нин сөйөмыд, пыр на горшасян. Но лок, лок! Дыш меным тэкөд дыр маласыны.

Сир куйліс лыа вылын кузь, ён, нөш кодь ыджыд юра! Синъясыс — повзьюдана ыджаөсь! Но и но! Кутшөмкө васа, а абу сир. Кучикыс сылөн шеля-вижа, гашкө тайө тобышса сирьяс пөвстысь медся ыджыд сирыс, васа черияслөн царыс да?

Весиг шуштөмкодь лон татшөм йөй думсыым. А сир видзөдө-дзоргө веськыда менам синъясө, быттьө шуө: уськөдлан на менө төд вылад. Скөрми ме, сиртө бипур дорө кыски да шлоп шыбиті Сималы ныр улас. Коньөр, сійө төкөтьө эз усь повзьюмысла.

Водзын миянөс виччысис кывлөмтор нин. Водзын вөлі вөвлөм скит. Төвнас на, Тобыш йылысь мөвпаліг, уна сөрнитлім тайө скит йылысь. Мый сәні кольөма важсыс, мый ми адзылам?

И со джуджыд берег вылын сотчөм яг сайын тыдовтчис ыджыд-кодь керка, а орччөн сулалісны гу выв пасьяс, крестьяс. Тані вөлөма ылыс роч муясысь пышъялысь-дзевсясысь войтырлөн, важ вераө эскысыяслөн коркөя оланіныс. А өні сөмын гу выв пасьяс да гу выв срубьяс и кольөмаөсь. Ми чөла ветлөдлім на костті, и меным пыр кажитчис, мый кодкө бокусянь видзөдө миян бөрся.

Дерт, тыдалө, некоді тані кыйөдчысь эз вөв. Но меным сідзи чайтсис. Быдлаын төдчис мортлөн киподтуйыс — важмөм, сотчөм крестьясө вежөмаөсь выльөн, важ керкакөд орччөн сулалө неважөн на тшупөм ичөтик керка, а пытшкөс стеньясас өшаліс дас кымын өбраз, джаджьяс сулалісны сисьяс, тувийн өшалісны кутшөмкө адзывлөмторьяс, быттьө куысь вчөм четки кодь-а, но коді төдас, мый.

Блө нин коли пожөма ягса шойна, а син водзын пыр на вөліны важмөм и выль крестьяс, а гөгөрбок — ыпъялысь-дзоридзалысь войтурун. Лунтыр кывтім. Ни өти зэр войт эз усь, көть эськө и енежас муркөдчигтырйи ветлісны съөд кымөрьяс. Рытланьыс өна гымаліс.

Көнкө матын (карта серти) вөлі вөр керка. Ми гоньялім, корсим сійөс. А асьным век неуна спиннингасим. Сэся видзөдам, а пышйыны тай нин колө, он и төдлы зэрмас. Заводитім тэрмасигтыр сынны. И кыз сідз менам пуктысыөма спиннингөс, пельыснам төкөтьө и инмис, а сійө тув — и усн ваас! Ме видзөда, кыз сійө вөйө да синнам өг лапнит. А киөс кө эськө нюжөді, удиті эськө кутны! Но эг вөрзья, быттьө дорисны ки-кокөс.

Витя Ткачев бөрыннас куимысь кымын сунсыыліс гудырмөм Тобышө, но сідз нинөм эз и адззы.

Вөр керкаын, кытчө ми дзевсим зэрысь, сөйыштөм бөрын мый йылысь сөмын эз дольны. Сөмын менам шведскөй спиннинг йылысь некоді кыв эз шу. Ме өні гөгөрвоа, мый некод эз көсйи ещө өтчид дойдны менсым сьлөмөс. А ме, збыль, ас кежысь кевмыси кодлыкө, мед өйөджык кольччыны өтнамы да бөрдыштны.

Синва быттьө мысыкис и сьлөмөс, и лолөс.

Асывнас Тобыш вылө ме медводзаысь видзөдлі ясыд синъясөн.

Батьлөн му

Менам От гөра,
Паськыд От гөра,
Тэнö сывьялысь
Эжва ю.
Кöмтöм челядьдыр
Тані котравліс.
Менам От гөра —
Батьлөн му.
Гажа От гөра —
Менам том пöра,
Тэкöд нэм кежлö
Йиті лов.

Менам татöні
Муслун гөрддзасьліс,
Тэтöг, От гөра —
Ме ог ов.
Мича От гөра, —
Баблөн джодждöра,
Йöзөн нимавны
Уси пуд.
Чеччысь шонді тэн
Вайö мездорас
Локтысь луныскöд
Ыджыд шуд!

Олём вояс

А. Некрасовлы, коми поэтлы

Ок, кутшöм лöсьыд
Тан, му вылас овнысö,
Кодыр тэ мича да том!
Нинöмысь шогсьыны,
Нинöмысь повнысö —
Ылын на олёмлөн пом.

Ок, кутшöм лöсьыд
Тан, му вылас овнысö,
Кöть лоан коркö и дзор.
Внучкаяс, внукъяслы
Ачыд тэ колан кö,
Сідзкö, тэ медшуда морт.

Ок, кутшöм лöсьыд
Тан, му вылас овнысö!
Со тэ и ачыд нин бать.
Челядьныд босьтісны
Тэнсьыд вич-овнысö —
Асьныс со тэ кодбöсь нач.

Ок, кутшöм лöсьыд
Тан, му вылас овнысö,
Эм кö нин внукыдлөн пи.
Лыддбы, мый век кежлö
Му вылас колян тэ
Олёмлысь куслытöм би.

Ёкыш вад

Тöда: тэ меным рад,
Ёкыш вад.
Со ме тэ дінö локті бара:
Кöть и пöраыс лёк —
Тöv шөр кад —
Розьяс тэ мышкö
Писькöдла яра.
Тэ öд таысь он доймы,
Он вись.
Но, а тэ гыркын
Олысьлы сьöкыд.

Со и ланьтіс нин
Тулысöдз вис,
А быд олысь тан
Нека и пöка.
Кöть и пöраыс лёк —
Тöv шөр кад —
Тэнö видлыны
Волывла подөн,
Мед кöть нинöм он козьнав,
Ме рад,
Менам волöмысь
Олём тан содö.

Пуяс узьоны ася ру пытшкын.
 Найо надзёник корьяссё кисьтёны.
 Тайо здукьясас сьёлёмөс бытшкё —
 Быттё лыддяла вунёдлөм письмөяс.

Чужан му весьтё кёдзыдыс локтё,
 Кыла, горзёны ылыстчысь лэбачьяс.
 Усьысь лым менсьым пальёдө шөгсө,
 Коді ылькнитлө сьёлөмлөн дзебасысь.

Бара сулала отнам, и думысь,
 Көстя донъявны олөмөс-вылөмөс:
 Кытчө вошин тэ, томдырся нюмөй,
 Мыйла көдзали томдырся сьылөмысь?

Кышақылөй ті, медбөръя корьяс,
 Энө кокниа пөльыштөй ловнытө.
 Локтө ар, сійө бара со сёрмө,
 А ме кольчча на му вылас овнысө.

Ми му вылас колям

Шуоны, му вылас
 Ми сомын гөстьяс,
 Ас кадө волам
 И мунамөй бөр.
 Эскыны таө, тэ көсян,
 Он көсйы,
 Сідз кө нин шуөма —
 Он таысь бөрд.
 Ок, кутшөм муса тэ,
 Шондіа муыв,
 Чужанін — парма,
 Сөдз ю и быд ёль.

Тані жө, му вылас
 Радейтчөм суліс.
 Эг-ө мөй бать моз
 Тан вуж ассьым коль?
 Олөмыс муса,
 И мыйта сэн гажыс.
 Ставыс, мый эм,
 Вөчис морт, сьлөн ки.
 Вылыс кө нэмьясөн
 Мыджсьывліс важас,
 Сідзкө и му вылас
 Колям жө ми.



Геннадий ГОРЧАКОВ

Пөдругаяс

ӨТИ ЮКОНА ПЬЕСА

ВОРСЫСЬЯС:

ФИМА — доярка

ПАНЯ — Фималөн верёс, тракторист

АЛЛА

Лөсьыда пелькөдөм, өнiя кадся мебеля комнана. Фима — ситеч платгыба, водздөраа — гладитө пызан вылас кага көлуй. Кылө кага бөрдөм. Фима тэрмасьөмөн петө вержөс саяс, кылө, кызди сьылө кагаыслы: «Өввө, өввө, дона пи, өввө, өввө, муса пи. Менам югыд бикиньтор, менам зарни ёкмьльтор. Өввө, өввө, унмовсьы...» (Вөй кок чунь йылас, гладитчө, ньөжйөнiкөн сьылө водзө.) «Өввө, өввө, муса син, өввө, өввө, зарни сi, туша-коктө нюжөдышт, морөс-пельпом паськөдышт... Кылө бдзөс клопкөм да кок шыяс. Фима мунө мөд бдзөс дорас.

ФИМА. Тэ, Паня?

ГӨЛӨС. Ме, ме...

ФИМА. Ньөжйөджык.

ПАНЯ (*мыччысьө*). А мый лоис?

ФИМА. Дөмик висьмөдчөма. Биа. Яслисьыс волісны. Лои гортө вайны.

ПАНЯ. А мөсьясыдкөд кодi?

ФИМА. Ираөс да Вераөс кори лысьтысьны да идрасьны. Көсьысысны.

ПАНЯ. Ме тэд висьтавлi: арөс тыртөдз удж вылө эн пет...

ФИМА. Мый сэсса вөчан? Кымыньсь волісны корны!

ПАНЯ. Мед! Налөн сийө и уджыс, ветлөдлыны да нарадитны. А кагайд висьмыс.

ФИМА. Бурдас. Гашкө, сиктаным врачыд кө эз вөв... А то весиг яслианым фельшер. Лекарствоястө китыр сетіс. Лок, колөк, мыччөдла... (*Мөдөдчылө орчиа жырийө.*)

ПАНЯ. Да, оз ков... Мый тэ?... (*Кост. Видзөдөны өта-мөд вылас.*)

ФИМА (*матыстчө Паня дiнө, шилькнитө сьылысь юрсисө, лөсьөдыштө.*) Мусаөй менам... Сьөлөмшөрөй... (*Чупнитыштө бан бокас.*) Мудзин?... (*Век леститчө.*) Коньөрешкөй...

(Паня заводитө лөня серавны, топөдө гөтырсө морөс дiнас, сывьялө.)

А мый нө эськө тэ сералан?

ПАНЯ. Да кыз нө эськө он серав тэнад мудеритчөм вылө... Но, висьтав нин, мый колө вөчны?..

ФИМА. Ме, Панюк, магазинад эг вевьяв. Эг лысьт дыр кежлад Дөмиктө өгнассө кольны. А няньыд гортын абу. Ужнайтныд оз тырмы. Ветлы, вай. И чай дiнад босьт, мый тэд колө. А локтан мозыд Галюкыдла садикас кежавлы. Колөкө, и ме ветла, но сэки Дөмикыдкөд тэд ковмас өввөасыны.

ПАНЯ. Бурджык нин ме магазинад...

ФИМА. Вот и бур... (*Бара окыштө Паняөс.*)

Паня мунө, а Фима бара гладитчө да вомгорулас сьылө. Кылө бдзөсө звөнитөм. Фима мунө восьтыны. Бөр пырө Аллакөд. Верстьө нылыс, Аллаыс, джинсы га-ча, джуджыд подбөра туфляяса, пашкыр да лөсялана причёскаа, пельпом вылас волысалөм модной сумочкаа. Кутө асьсө тшапитчыштөмөн.

ФИМА. Час, утюгөс кусөдла да рузумьяссө бокөджык нула. (*Вөчө.*) Пүксөй.

АЛЛА. Видза олан, Фимук...

ФИМА (*шійдвошыштіс, ёна видзодд*). И тэ... Ти... Ме мыйкё...

АЛЛА. Эн тод?.. Эг чайтлы, мый ми тадзи аддзысам...

ФИМА (*төдд*). Алла!

АЛЛА. Төдін жө тай...

ФИМА. Алла! Аллочка! Сё дивё! Видза олан, донай! (*Сывъялө, топөддө морөс бердас да окалө Аллабс.*)

АЛЛА. Збыль өмөй ме сэтшөма вежси?

ФИМА. Зэв ёна! Сэссия друг пырөмнад, виччысьтөгыд. Ноко, ноко, бурджыка видзөдла... Ей бог, уличын кө паныдасин, эг эськө төд. Чайті кутшөмкө карса мадамаөн.

АЛЛА. Висьталан жө: мадама-өн...

ФИМА. Господи! Кымын во нин эг аддзысьлөй!..

АЛЛА. Да, ваыд уна визувтіс.

ФИМА. Мунін да быттё вошин...

АЛЛА. Сідз тай лоис. Карад вои да юрөй бергөдчыны мөдіс. Отилаө колө и мөдлаө колө...

ФИМА. Весиг өтчыд волыны эн убөлит...

АЛЛА. Прөстит, Фимук... Некидз эз артмы волынысө.

ФИМА. Кыдзи сөмын татчө бөр воан туйсө аддзөмыд, абу вошөмыд...

АЛЛА. Туйтө но, гашкө, аддза на жө да.

ФИМА. И письмөяс вылад эн лышкыдөн вөв. Первойя онас ещө гижліл на, а сэссия...

АЛЛА. Мыжа, мыжа, Фимук... Том дырйныд өд гуляйтыштны окота, а сэссия и уджыд юр выв тыр кутіс лоны. Письмөяс вылад эз кут кольны...

ФИМА. Но?.. Сідзкө, тэ ыджыд начальникөн лоин?

АЛЛА. Некутшөм ме абу начальник...

ФИМА. Да?.. Но ладнө. Час пета-тала, чайник чутка. (*Недыр кежлө петалө, бөр воө.*) Вай, висьтась, кыз олан-вылан. Пасьтасьбөмыд тэ, висьталі нин тай, дзик модая журналывывса мадама моз. Көть өні жө снимайт да сэтчө мөдөд, печатайтны. И чужөм вылад воддза

моз мича. Видзөда тэ вылө да вежөй петө.

АЛЛА (*сылы зэв любө кывзыны*). Збыльсы?.. Но вот!.. А мый ме тэд сэки гижлі! Мися, лок тшөтш татчө, карө. Сэні өд и театрјяс, и музейяс, мичасыс-мича клубјяс-дворечјяс!.. И... зонјясыд тыры! Кутшөм сьөлөм вылад воө, сійөс и бөрйы!.. И уджавныд корөны сөлаө. Кытчө лолыдлы гаж!.. Локтін кө, гашкө, важөн нин эськө мастерөн либө завөн лоин. Кутшөмкө да начальникөн.

ФИМА. А тэ мыйла он шусы начальникөн?

АЛЛА. Ме? Менам сямөй сы вылө абу. И некутшөм көсйөм. А вот тэ эськө лоин. Тэ өд школаын на кутшөмкө да общественной удж пыр вөчин. Вожатөялін, комсоргалін, стенгазетад ноксьылін. И велөдчин бура. Локтін кө... Сё ей бог!— ог төд, кодөн эськө и лоин.

ФИМА. А ме сэки дзик нин мөдөдчылі. Совхозысь трудоөвөй книжкаөс нин босьтлі. Бать-мам чемаданө көлуйөс тэчлісны... А сэссия... Сэссия друг кывсис... Да прөста, думјясөй вежсисны и кольччи.

АЛЛА. Но и весьшөрө...

ФИМА. Öні нинөм нин он бергөд. Да ме ог и каитчы. Сы бөрын, кор ме кольччи, регыд мысти менө центральной фермаө вуджөдісны. Асланым сиктысь татчө вуджи. Вай, бурджык, тэ ас йывсьыд висьтась.

АЛЛА. А мый? Ме зэв бура ола. Ачыд аддзан, кутшөм мичаа пасьтася. Сөя-юа чөскыда жө. Зэв бурдась оланін эм. Оз ков тай майшасьны ни песь йылысь, ни ватө оз ков пыртлыны.

ФИМА. Миян керкаясө өні ваыд да шоныдыд ачыс жө воө.

АЛЛА. Пөрјясян кө буди-а...

ФИМА. А тэ видзөдлы бурджыка. (*Шевкнитлө кияснас.*) Пач абу, а со тані батареяяс... (*Кост.*) А көні тэ өні уджалан?

АЛЛА. Уджавлі ме зэв уналаын. Господи!.. Көні сөмын ме эг уджавлы?! Мыйөн сөмын ме эг вөвлы?!.. Öні ме, нылө, быдторсө төда и ку-жа...

ФИМА. Да тэ висьтав коть не-
кымынӧс...

АЛЛА. Но мый тэд, Фимук, сійӧс
тӧдӧмысь? Аддзан со кутшӧми ме?
Кызди кӧмасы, пасьтасы... Аванс
дырйи босьтла сизимдас вит шайт,
а пӧлучка дырйи, тӧлысья рӧштшӧт
весьтӧ волӧ и сё шайт сайӧ. Ола
кӧкъямыс судта керкаын!.. Олам
сӧмын кыкӧн...

ФИМА. Мый тэ висьталан? А
кодӧ тэнад верӧсыд? Кызди сылӧн
нимыс? Мыйла сійӧ тӧкӧд тшӧтш
эз лок? Дзедбан сійӧс меысь али
мый? Ог мырдды, эн пов.

АЛЛА. Тэ, Фимук, энджык сідзи
гӧгӧрво.

ФИМА. Мыйла эг сідзи?

АЛЛА. Ми олам кыкӧн Нинакӧд.

ФИМА. Тэнад — ныв? И тэ сы
йылысь мем — кыв ни джын? А
батысь?

АЛЛА. Тэ меным, торктӧг, кык
кыв висьтавын он сет. Нинаыс сійӧ
ме кодъ жӧ ныв. Олам сыкӧд ӧти
комнатаын. Общежитиен.

ФИМА. Со мый... А ме чайтӧ...

АЛЛА. Сійӧ кык арӧсӧн меысь
томджык, уджалӧ магазинын. И,
кажитчӧ, регыд верӧс сайӧ петас.
Жӧникыс сылӧн тшӧтш общежитиен
олӧ. Сӧмын вот кызди водзӧ
кутасын овны, оз тӧдны, — веськыд
мат.

ФИМА. Кытысь найӧ асьныс?

АЛЛА. Нылыс Удораысь, а зон-
мыс Эжва йылысь.

ФИМА. А гортаныс керкаыс,
кӧнкӧ, тыртӧмӧсь...

АЛЛА. Сідз эськӧ да... И тӧдан
мый?... Меным Нинаыс кызкӧ шу-
ис: тэ пӧ, Аллочка, рытьяснас
дырджык гуляйт. Кино вылӧ ветлы,
театрӧ, дискотекаӧ... А ми пӧ сэки
Гришуккӧд аддзысьлыны кутам
миан комнатаын... Мый коть сэсса
шу!..

ФИМА. А тэ, сідзкӧ, век на абу
верӧс сайын?

АЛЛА. Но и мый? Кӧсий кӧ,
дасысь нин позис петны. Эшта на
верӧс саяд, кага рузумтӧ пеславны.
Первой гуляйтышта пӧттӧдз... А
мӧдар боксян кӧ: колӧ-ӧ ӧнӧ верӧс
саяд петӧмыд? Мый сыысь бурый?

ФИМА. А мый омӧлыс?

АЛЛА. А друг кӧ война заво-

дитчас? Ачуд тӧдан, кызди ӧнӧ
Рейганыд да америкаса мукӧд весь-
кӧдлысьясыс миян вылӧ пиньяссӧ
кеслӧны, война кезлӧ дасьтысьӧны.

ФИМА. Война кыпӧдны ми ог
лэдзӧй.

АЛЛА. Йӧюк! Чайтан, капита-
листъясыд ас вӧлясыс откажитчас-
ны асланыс фабрик-заводысь да
властьыс? Да некор оз! Но вот.
А мый сыысь бурый, кыптас кӧ вой-
на да мужиктӧ виасны, а тэ керка
тыр челядӧн колян? Гашкӧ и тшыг
виньгыртӧмӧн, кызд мамъяс вись-
тавлісны, да кӧмтӧг-пасьтӧг овны
ковмас.

ФИМА. Та вӧсна ӧд верӧс сайӧ
петӧмысь он жӧ ӧткажитчы.

АЛЛА. А мый огыс?... Тэ тай со
абу на жӧ верӧс сайын.

ФИМА (*повзъыштӧмӧн*). Ме?..

АЛЛА. Век на тай со Логинаваӧн
шусян. Сӧмын ыдждӧдлыны пондӧ-
маӧсь. Юалӧ кутшӧмкӧ баблысь,
кӧнӧ, мися, Логинава Фимаыс олӧ,
да пыр жӧ и юалис: «Серафима Ми-
хайловнаыс?» Да, мися, да... Пыр
жӧ и висьталіс, кызди аддзыны
тэнсыд патератӧ. Шензи: пӧдру-
гаӧс Серафима Михайловнаӧн
ыдждӧдлӧны. Мыйысь нӧ сідзсӧ?

ФИМА. А нинӧмыс торъясӧ.
Уджала старшӧй дояркаӧн, райсӧ-
ветса депутатӧн бӧрйісны.

АЛЛА. Со мый!.. Но, поздрав-
ляйта, поздравляйта. (*Кост бӧрын,
веськодъ улӧ лэдзчысьӧмӧн.*) А кӧн
нин менам важ, томдырся ухажо-
рӧй?

ФИМА (*зумыштчыштӧ*). Кодӧ?

АЛЛА. Тӧдан ӧд, кодкӧд ми гу-
ляйтӧм да мусукасим. Паныс. Кӧн,
мыйӧн уджалӧ? Эз на гӧтрась?

ФИМА (*джӧмдалӧ*). Тэ... этійӧ...
Логинов Паня йывсыд?

АЛЛА. Сы йылысь. Гӧтрасис нин?

ФИМА. Дерт, гӧтрасис. Карад
мунӧм бӧрад тэ сылы армияс ве-
сиг ӧти письмӧ абу гижлӧмыд.
Локтіс армиясыс, а тэ абу и он
гиж. Думайтис, думайтис да и гӧт-
расис.

АЛЛА. А коркӧ шуліс, мый сылы
некутшӧм мӧд ныв оз ков. Мый
сійӧ кулас, ог кӧ ме сы сайӧ пет...
Сідзкӧ, гӧтрасис, эз кув. Сымда на,
тыдалӧ, и радейтліс. Кӧсийс кӧ, вер-

мис на и корсьны. (Кост.) А код выло готрасис?

ФИМА. А тэныд мыйла? Абу өмөй өткодь, код выло көть?

АЛЛА. Ме сідз, прѣста юалі...

ФИМА. Коліс кө сійө, мед гортсьыд некытчө эн и мун.

АЛЛА. Челядь нин эм и?

ФИМА. Кыкөн. Нывка да зонка.

АЛЛА. Со кызд... (Кост бѣрын, асылыс моз.) А өд найө вермисны лоны и менамөн.

ФИМА. Вермисны... Но тэ пыш-йин гортсьыд. Кокни да гажа олөм корсьны...

АЛЛА (настроениеыс вежсис). Сідзи и вѣлі, Фимочка... Надейтчи карыс ассьым кубьбаөс корсьны. Дерт, мам кө эз кув, гашкө, некытчө на и эг мун, но... А карад кокни мывкыднад олөмыд и конйыштис менө...

ФИМА. Конъевтіс? Мый нө лоис?

АЛЛА. Буфетчицаөн бѣръя кадас уджалі. Растрата вѣчи.

ФИМА. Уна?

АЛЛА. Нельсө. Книжка выло чукортыштлі да унджыккө вешті нин. (Кост.) А тэ мыйла мем эн гиж, мый Паняыс готрасьліс?

ФИМА. Кызкө вунөдсьөма сы йылысь.

АЛЛА. Вунөдсьөма... А кутшөм пѣдругаяс вѣвлім!..

ФИМА. Тэд өбижайтчыны нинөмысь... Ме тэд пыр гижлывлі. Весиг мөд вонас, кор нин тэ эн и вочавидзлы, гижлі... Сэсся өти письмө бѣр бергөдчис: «Адресатыс пѣ абу».

АЛЛА. Гашкө. Частнөй керка-ясад олөгөн тшѣкыда вежлавлі оланінөс. А тайө тиян совхознөй общежитие?

ФИМА. Мыйла общежитие? Тайө квартира. Кык жыръя.

АЛЛА. Тэ олан квартираын? Өтнад? И важөн нин сетісны?

ФИМА. Мөд во нин тані олам. Өні совхозным рабочійясыдлы уна нин керкаестө стрѣитіс. Бура уджалысьяслы медводзас сетөны.

АЛЛА. Да?.. А тэд сідзкө и квартира нин сетісны и депутатө бѣрйисны. Бура овмөдчөмыд. Абу ме моз...

ФИМА. Сы пыдди тэ карса.

АЛЛА. А мян сиктө ветлывлан? Бать-мамыд дінө?

ФИМА. Корсьорө ме ветла, а корсьорө найө волөны. А тэ мам кулөм-сянъыд сідзи сэсся эн и воы?

АЛЛА. А мый сэн вѣчныс? Джын йѣзыс сэсь петісны. Весиг со школатө тупкылісны сійө воө. Муна өні да бать-мамлысь керкаөс вузала. Гашкө кодкө пес выло босьтас...

ФИМА. Со мый тэно татчө ва-йис...

АЛЛА. А тані, мөд комнатаас тэнад мый? Позьө видзөдлыны?

ФИМА. Видзөдлы.

АЛЛА (ветлө пытшкөс жыръяс да пыр жө и воө бѣр.) Сэні тай тырыс челядь чачаяс да челядь койкаяс!.. Абу-ө нин челядьыс тэнад?

ФИМА. Менам. Кыкөн...

АЛЛА. Мый?.. Тэнад кык челядь?.. (Сералө.) Да тэ мый? Йөй али прѣсуж? Өтнад лөсьөдін кык челядь?

ФИМА. А коді тэд шуис, мый өтнам? Мужикөйкөд. Кыкөн.

АЛЛА. Тэ, сідзкө, верөс сайын? А мыйла нө... овтө эн веж?

ФИМА. Коланлуныс эз вѣв.

АЛЛА. Но, Фима!.. Но, пѣдруга! Өнөдз он висьтав, мый тэ верөс сайын!.. Но и карактер тэнад!.. Мыйла нө сразу эн висьтав?

ФИМА. А тэ эн юавлы...

АЛЛА. Но-ко, но-ко, висьтав өдйө, коді сійө? Көні уджалө? Мыйөн?

ФИМА. А сійө здукысь здукө воас, магазинө муніс.

АЛЛА. Да тэ көть нимсө сылысь висьтав!

ФИМА. Локтас и адзан.

АЛЛА. А сійө радейтө тэно?

ФИМА. Да, дерт жө...

АЛЛА. Ёна?

ФИМА. Да...

АЛЛА. Со өд кызди артмис... Тэ верөс сайын нин, а ме...

ФИМА. Эн майшась... Абу на өд старука...

АЛЛА. Да, дерт, абу на старука, но пѣрысь нывнад позьө нин шуны. А өд школаад велөдчигөн зонъясыд ме бѣрсяджык вѣтлыснсны...

ФИМА. Да, ме пыр вежалі тэ выло видзөдигөн.

АЛЛА. И карад колльодчысыд тырмыліс... Мс, веськыда кō висьтавын, верōс саяд кыкыс нин мурт-са эг пет, бōртя здукъяснас ставыс дзугсьō...

ФИМА. Нинōм, эштан на...

АЛЛА. Код тōдас... Татчō локтi-гōн, автобусад, ме зэв ёна тэ йылысь думайтi да жалитi тэно. Мися, коньбōр, век на мōс бōж гōгōр гартчō. Да век на жō Логинова ѓтнас... Ме кōть, мися, карын, а тэ... А тэ, вōлōмкō, эштылōмыд танi и верōс сайō петны, и челядь лōсьōдны... Да... Збыль вылассō, вōлōмакō... Тэд колō менō жалитны. Эг тōд! Сизим во!.. Сизим во пустō лойō-ма лои. (Бōрддзō.)

ФИМА. Дугды, Алла, дугды. Эн бōрд...

АЛЛА. Ок, Фима! Тōдiн кō эськō тэ, кутшōм ѓнi меным сьōкыд!.. Сьōлōм вылын...

ФИМА. Бōрдōмнад нинōм он справит...

АЛЛА. Дерт, эськō он, да вывтi нин забеднō, мый олōмōй пустō колльō...

ФИМА. Ме тэно гōгōрвоа. И тōдан, Алла, мый ме тэд висьтала?.. Керкатō вузалōмысь дугōдчы. Онi ѓд сиктса олōм да уджад ставыс мōдарō бергōдчыны кутiс. Миян чужан сиктын выль ыджыд ферма стрōитōны. Тшōтш и фермаса уджалысьяслы олан керкаяс. Кылан?

АЛЛА (синъяссō косōдiс нин). Кывза, кывза... Кыла.

ФИМА. Сэни ѓни йōзыд ковмас. Сёрнитōны, мый школа бōр восьтасны. Кирпичысь пō кутасны стрōитчыны. А сэся и выль клуб... Сиктным бōр ловзьō...

АЛЛА. Збыльысь?..

ФИМА. Сē збыль. Райсōвет сессия вылын сёрнитiсны. Вай тэ сэтчōдз танi, миян фермаын уджалышт.

АЛЛА. Мый нин тэ, Фима?.. Кутшōм нин мейсь ѓни доярка. И мōсьяссьыд пола, и вōрасō малыштны ог нин куж, ни лысьтыныс чуньяс оз вермыны...

ФИМА. Миян ѓд ѓни ставыс механизуйтōма. Операторъясōн шусям. Еджыд халатъясōн ветлōдлам.

Велōдам тэно. И верōс сайō пырысь-пыр сетам. Миян гōтыртōм зонъясыд тырмō...

АЛЛА. Сералан?

ФИМА. Войт ог... А сэся, кор чужан сиктаным выль фермасō вōчасны, колōкō, и сэтчō вуджан, мам-бать керкаад кутан овны.

(Кылō ѓдзōс шы, сэся воськовьяс. Фима кыйкнитлō ѓтарō-мōдарō.)

Аллочка, тэ вай эсьчō, комната пельōсас сувт, мед верōсōй тэно оз пырысь-пыр жō аддзы... А тэ эн сразу бергōдчы. (Сувтōдō Аллаѓс пельōсас.)

Пырō Паня. Фима гладитчō, быттьб нинōм эз и вōв.

ПАНЯ. Нянь вайи, чай юантор и ешō на мыйсюрō. Чōскыдторъяс. (Локтō Фима дорō, малыштō пель-помъясōдыс да чупнитō бандзибъяс.)

ФИМА. А Галяыд кōни?

ПАНЯ. Йōрын ворсō. А кызди Дēмик?

ФИМА. Узьō на. Гашкō и кокньōдас.

Алла гōлōс сертиыс тōдiс асьыс важья мусуксō, звирк бергōдчис да ыджыд чуймōмѓн видзōдō Фимаа-Паня вылō. А Пания сулалō сылань мыйкѓн да оз аддзы сийōс.

ПАНЯ. Тэ пыр на гладитчан?

ФИМА. Помала. А миян талун гōстя.

ПАНЯ. Кодi? Кōни?

ФИМА. А тэ бергōдчыв...

Паня бергōдчō, аддзō Аллаѓс, тōдō да зумышмō.

АЛЛА. Эн тōд менō, Паня?

ПАНЯ (кост бōрын). Да кызди эг тōд?.. Тōдi... Тōдi.

АЛЛА. Со ми и аддзысим тэкōд...

ПАНЯ. Аддзысим и эм... Сōмын аслам керкаысь тэно аддзыны эг чайт...

Кост. Оз тōдны, мый вōчны, мый висьтавын.

АЛЛА. Но, ме муна... (Мōдōдчō ѓдзōсланьыс).

ФИМА. Кытчō тэ вой улас мунап? Ме тэно некытчō ог лэдз. Сёрнитыштам. Думыштам, кызди мый тэд водзō овны. А аски сэся ветлан чужан сиктад, мам гу вылад, олыштан бать-мам керкаад, а сэся и шуан, мый вōчны. А ме тэд асьыс мōвпьясōс висьталi нин.

Алла ешō видзōдлō Паня вылō, ѓшōдō юрсō да ньбѓйѓникѓн сывъялō Фимаѓс.

Школаын велӧдчысьяслӧн конкурс вылысь сочинениеяс

И мичлун, и гаж, и сёян-юан

Вӧр-ва, сынӧд, енеж... Верман-ӧ кӧть ӧти здук овны натӧг? Наын и мичлун, и гаж, и сёян-юан, и олӧм гажыс. Абу ӧмӧй шуд восьлавны шонді лунӧ веж видз вывтӧ, нимкодясьны быд сикас дзоридзнас, лӧз енежӧн, лолавны сӧстӧм сынӧдӧн?! Сідзкӧ, вӧр-васӧ колӧ бура видзны-дӧзьӧритны.

Но мян пӧвстын олӧны на и юмӧль йӧз. Найӧ пычкӧны-перйӧны сылысь ставсӧ, орйӧдлӧны сӧн-визьсӧ. Аддзис менам ӧти тӧдса тулысын, кор ставыс на ловзьӧ-вӧрзьӧ, мича вижьюр. Нетшкис сійӧс, вайис гортас, пуктіс ва дозйӧ, но оз, вӧлӧм, дзоридзыслы тайӧ мича дозйыс ков. Торйӧдісны быдмӧгсӧ шонді-мамыскӧд, чужан муыскӧд, кыз тай радейтысьясӧс торйӧдлӧны ӧта-мӧдсьыс. Вижьюр косьмис, кусі сылӧн сӧмын на гӧрддзасьӧм олӧмыс.

А ӧтчид... Водз тулысын! Кӧть сьӧлӧмыд потас. Лыбӧма жӧ кодлӧнкӧ пеж кийс: гулю поз пазьйӧма.

Лӧкӧсь на ми вӧр-ва дінас, кӧть и пыр висьталӧны вӧр-ва радейтны колӧм йылысь, мый сытӧг овны оз позь, мый сійӧ пальӧдӧ шогысь и ышӧдӧ гажын. Быдӧн ог на кужӧй гӧгӧрвоны турун сілысь вашкӧдчӧмсӧ, векни шорлысь сӧстӧм дзольгӧмсӧ. Тшӧкыда на кырыштлам вӧр-валысь сьӧлӧмсӧ веськодълунӧн, горшлунӧн, асланым йӧйлуӧн. А ӧд ывла выв мортлы помтӧм бур вӧчӧ.

Видзӧдлӧй. Том ничмонь моз сійӧ вонас нӧлысь пӧртмасьлӧ, вежлӧ рӧмсӧ мян водзын, кӧсйӧ югзьӧдны мянлысь вежӧр, сям.

Тулыснас мыйта югид кӧсйӧм вӧзйӧ... Дышӧдчӧмысь кутӧ. А гожӧмыс! Майбыр, шонид кадӧй. Дженьид кӧть, но муса. Гажа да мича. Кор локтас озыр ар, лолыд морӧс кудъяд оз тӧр. Қысь сӧмын татшӧм уна рӧмсӧ вӧр-ваыс чукӧртӧ! Медся бур художникысь на сямыс ыджыд. Сійӧн ӧд унаӧс и ышӧдӧ лоны рисуйтчысьӧн. Ме тай сідзи думайта-а.

А тӧлыс? А мада тӧлукӧй! Ена жӧ и ышмӧдлан мянӧс; кымынкӧ даддя-лыжа туй юждӧдлам жӧ! Лӧнь. Кӧдзыд. Пач трубаысь тшын пуркйӧ. А тӧлыся войясыс! Бур и овны войвылад.

А вӧр-ва сетӧ — морт босьтӧ. Ньӧти босьттӧг, дерт, олӧм оз арты. Но быдлаын колӧ тӧдны: нинӧм абу помтӧм, сідз жӧ и вӧр-ва. Мед и водзӧ лӧбачыяс дзользисны, козъяс шувгисны, мед эськӧ и дзоридзалис льӧм, и гыбаліс чери, мед эськӧ и кӧмтӧг позис гожӧмъясын котравны, мед эськӧ и ёлыяс чӧсмӧдлісны чӧскыд ванас, вӧр — быд пӧлӧс вотӧс да тшак козьналіс.

Вайӧй видлам тадзи овны.

Эмилия КОСТЫЛЕВА,
Ижемскӧй районса Мошгюга школаысь
8 класса велӧдчысь.

Тополь

...Вольдін сиктса магазин дорё автобусысь чеччём бёрын, ылісянь на син улё веськаліс тополь, коді быдмис ыджыд мамёлён керка йё-рас. И дум вылё уси ёти татшом жё гожея лун...

...Во сизим сайын мамкөд да ыджыд чой Лидакөд ыджыд мамъ-ясын гөститі. Сійё луннас ми вотім өшинь улын оз да сэні жё, өшинь улас, варенньо луим. Лида, дышөдіс вотнысё да, вильшасьны кутіс. Ыджыд мам дөзмис, шуис меным: «Вай, Дима, кысыкө ньөр Лидаыды». Ме гөгөр видзөдлі, но матысь некутшом ньөр эг аддзы и кутчы-си тайё топольсё чегны — сэки дзоляник на топольыс вөлі. И кылі ыджыд мамлысь горөдөм: «Да мый тэ вөчан!»

Повзи, но ыджыд мам менө немтор эз вөч, а сатшкис пу бердас бедь да көрталіс пусб...

...Тополь бурдіс, но дыр мысти, ыджыд мам кувсьөм бёрын нин. Оні пуыс дас ме ыджда нин. И кор ме вола тополь дорас, то век казъ-тыла ыджыд мамөс.

Дима ЧИСТАЛЁВ,
Усть-Куломскөй районыса Пожөг школаысь
7 класса велөдчысь.

Командир

Өтчыд челядь котыр ворсны лөсбөдчисны. Чукөртчыны шуисны вёрын, командирөн бөрыисны Пашкаөс. Пашка гортас локтөм бёрын петавліс жытникас, корсис батысылысь армияын служитан шынель-гачсё, пыртіс гортас, босьтіс ножич да кутіс вундавны. Шынель дженьдөдөм бёрын кутчысис гачё, дженьдөдіс жё. Көть ыджыдджык, но эм и шапка. «Оні ставыс лоис,— думыштіс Пашка,— позьб нин пасьтасьны да командуйтны». Мам-бать локтөдзыс дзёбис чинтөм гачсё-шынельсё пач саяс, мед оз казьявны.

Мөд луннас, кор гортсыс ставөн мунісны, Паша пасьтасис, сув-тіс рөмпөштан водзё да думыштіс: «А кутшөм нө командир устөгыд?» Думыштөма-вөчөма. Корсис Пашка вата тор, мавтіс сійөс сьөд крас-каөн, а косьмөм бөрас сэсся и ныр улас ляскис. Петіс ывла вылё и аддзис — туй кузя батыс гортланьыс локтө. Паша повзис, зэв өдйө кайис керка лөскас, дзёбис важ диван сайё. Но и батыс тшөтш ка-йис. Кыдзи көть эз кутчысь Пашка, но бусөсь диван саяд сійөс зэв гораа несйөдіс...

...Кор батыс аддзис Пашкаөс, Пашка бөрддзис, но батыс нем-тор эз шу, а чуймөмпырысь дыр видзөдіс пыис вылё, сэсся юаліс, мыйла тадзсё пасьтасьөма да нөшта уска. И синва петтөдзыс сераліс Пашкалысь висьтсё кывзөм бёрын. Ёртъясыс Пашалөн дыр жё сы вылын сералісны, лөмторйыс кор кывсис.

Но и командир!

Таня ШУСТИКОВА,
Усть-Куломскөй районыса Пожөг школаысь
7 класса велөдчысь.

М. П. ДМИТРИКОВ,

СССР-са наукаяс академиялн. Коми филиалса научной сотрудиик

Сэки Усть-Сысольскын

1918 вося июнь заводитчигон Усть-Сысольскын пароход выльсь чеччис неиджыд тушаа, зумыд том морт. Бушлат сертияс кӧ, вӧвлӧм матрос. Тайӧ вӧлі Иван Павлович Андрианов — Архангельской губисполкомса представитель. Сійӧс мӧдӧдісны татчӧ сы могысь, медым стрӧга контролируйтны Усть-Сысольскянь Котласӧ ветлан пароходъяс, прӧверяйтны документация да грузъяс.



И. П. Андрианов.

Лун-мӧд мысти И. П. Андрианов тӧдмасис местной врач Д. И. Розановкӧд, дженьыдика висъталіс ас йывсъяс. Иван Павлович чужлӧма Воронежской губернияын, гӧль крестьянин семьяын. Воинской призыв серти 1911 воын веськаліс Балтийской флотӧ, кыв во мысти помаліс унтер-офицерской школа. Корабль вылын служитигон вӧвлі Францияын, Англияын да Норвегияын. 1914 восянь — «Гангут» линкор вылын, кодӧс чорыд пӧрадокъяс вӧсна шулісны вавывса тюрьмаӧн. 1915 воын декабрь 19-ӧд лунлы паныда войӧ морякъяс кыпӧдісны вооруженной восстание. Сэні участуйтӧмысь Андриановӧс лэдзисны рядӧвойӧдз да мӧдӧдісны Архангельской дисциплинарной батальонӧ. Тані служитигон и лоис социалистической революция, тані жӧ и пырис большевикъяслӧн партияӧ.

Д. И. Розанов висътасис матрослы, мый неважӧн петіс сійӧ Советъяслӧн Усть-Сысольской уездной исполкомса членысь. Исполкомӧ пуксъӧм эсеръяс став делӧяс-

сӧ уездын нуӧдісны важ ног, эз пыдди пуктыны Советской властьысь декретъяс, эз мырддявны озыръяслысь муяс, быд ногыс торкалісны городской Советысь уджсӧ, кытчӧ бӧрйылісны революционной вездӧдласа вӧвлӧм салдат-фронтовикъясӧс. Татшӧмторсӧ эз вермы терпитны Д. И. Розанов и петіс исполкомысь.

Места вылын делӧясӧн тӧдмасьӧм бӧрын Андрианов босьтчис нуӧдны йӧз пӧвстын ыджыд удж: висътавлыны Ленинлӧн декретъяс да большевикъяслӧн политика йылысь. Горсоветлӧн отсӧгон гӧль йӧз кӧсийсны мырддыны купеч Кузьбожевъяслӧн наследникъяслысь видз-муа имениесӧ. Но эсеровской уисполком тшӧктіс арестуйтны крестьянаӧс, а имениеас сувтӧдіс охрана. Сійӧ жӧ луннас вӧлі виӧма горсовета член, земельной комитетса председатель Х. Ф. Кудиновӧс. Сэки карса олысьяс да крестьяна, матӧ куимсӧ морт, мездісны арестуйтӧм йӧзӧс да мырддісны охраналысь оружиесӧ. Тайӧ вӧлі июнь 13 лунӧ.

Буретш сэки Усть-Сысольскӧ воис красноармейской отряд, кодӧн командуйтис коммунист С. Н. Ларионов. Отрядыс вӧлі мунӧ РКП(б) Архангельской губкомлӧн задание серти Печора вылӧ котыртны сэні Советской власть. Уисполкомлӧн тшӧктӧм серти отряд мырддіс карсаяслысь оружие. Июнь 14 лунӧ 5 час асылын эсеръяс чукӧртлісны уисполкомлысь заседание да примитісны постановление, кӧні вӧлі индӧма арестуйтны 19 мортӧс. Списокын медводдзаяс лыдын вӧліны И. П. Андрианов да Д. И. Розанов. Та йылысь тӧдмалӧм бӧрын балтийской матрос пыр жӧ муніс отрядлӧн штабӧ и шыӧдчис С. Н. Ларионов дінӧ:

— Арестуйтанныд кӧ списокын индӧм йӧзсӧ, ті вӧчанныд революция водзын ыджыд мыж. Ставнысь найӧ Советской власть дор мунысь войтыр, а списокӧ дасьтісны народлӧн врагъяс — эсеръяс.

Сэсся сійӧ висъталіс Ларионовлы карын политической олӧм йылысь, тшӧктіс син на син адззысьлыны карсаяскӧд. Рытнас арестуйтӧм йӧзсӧ вӧлі мездӧма.

Июнь 15 лунӧ С. Н. Ларионов веськӧдлӧм улын вӧлі чрезвычайной заседание, кытчӧ чукӧртчылісны горсовета, уисполкомса, уездса мукӧд учреждениеысь 58 представитель. Заседаниеыс муніс кӧкъямыс час чӧж, тырвыйӧ вӧлі эрдӧдӧма эсеровской веськӧдлысьяслысь буржуазной

чужомбансö. Эсерьяс сідз эз и вермыны вочавидны татшöм юалöмьяс вылö: мый-ла кöсийсны арестуйтны Андриановöс и эз йöздöны Советской властлөн могыяс йылъсы слысь статьяссö, а Керенскийлөн гöтырлысь (сэк сійö оліс Усть-Сысольскын) клеветнической корреспонденциясö печатайтсны; мыйла горсöветлысь да гражданагысь революционнöй действияс-сö шуисны анархическойн; мыйла оз портъсыны олöмö Советской властлөн декретьяс да с. в. Вöлі бöрийöма уисполкомлысь выль состав, эсерьяс сэтчö эз веськавны. Уисполкомса членөн лоис сідз жö И. П. Андрианов, сысь öтдор—карса милициялөн, а сёрöнджык и уезднöй милициялөн начальникөн.

Усть-Сысольской уездлөн общественнöй олöмын эзв тöдчанаөн лоис июнь 16 лун. РКП(б)-са членьяс С. Н. Ларионов да И. П. Андрианов нуöдिसны большевикьяслөн партиялы сочувствуйтысьнысь организационнöй собрание. Сёрныс муніс Коммунистической партиялөн тöдчанлун йылъсы, сылөн история да программа йылъсы. Собрание вынсьöдис «партиялысь организационнöй комитет», коді кутіс уджавны РКП(б) укомлөн правояс вылын. Коми крайны медводдза большевистской партийнöй организационнöй веськөдлыны дöверитсны И. П. Андриановлы. 1918 вося сентябрь-декабрын партийнöй ячейкаяс котыртисны став вöлөстьясын. Андрианов жö котыртис да веськөдліс и контрреволюциякөд да саботажкөд тышкасьöм кузя уездса Чрезвычайнöй комиссиясн.

1918 вося июль 4 лунö воисс Советьяслөн мөдöд уезднöй съезд. Сэні тыдовтчис, мый 99 делегат пöвстысь унаөн сетчисны эсерьяслөн агитациялы, сувтисны большевикьяслы паныд. Сійö жö луньясас (июль 6—7 луньяссö) эсерьяс кыпöдисны мятеж Москваын и заводитисны мөдöдавны местаяс вылö телеграфнöй индöдьяс: «Ленинлөн телеграммаяслы не эскыны...» Усть-Сысольскса съезд эз примит гöляслөн комитетьяс йылъсы ленинскöй декрет, кыпöдисны гөлөссö и мукöд советскöй законьяслы паныд. Кыдзи партия укомса председатель да милицияса начальник, И. П. Андрианов нуöдис ыджыд политической удж гарнизонас боеच्याс да карса войтыр пöвстын. И съезд мунан öти лунö сійö вайдöд заседание вылö кызы красноармеецöс. Татшöм ногөн эз вöв лэдзöма кулакьяслысь да эсерьяслысь контрреволюционнöй выступление. Бöрынджык нин комбедьяс быдлаын лоисны Советскöй властылы отсасысьясөн.

Сентябрын И. П. Андрианов котыртис сідз шусяна особöй отряд, кытчö пырисны карса коммунист-доброволецьяс. Ачыс гижис сэтчö первойөн. Партия укомөн козыналöм знамя вылын вöлі гижöма: «Усть-Сысольскöй коммунистической партизанскöй отряд». Командирөн индисны Котласысь воём Морич Мандельбаумöс, сійöс вежысён — И. П. Андриановöс. Сентябрь 8 лунö отряд мөдöдчис Эква катыд, медым веськавны эсянь Печора вылö лöсьöдны сэні Советскöй власть. Пö-

путтьö Ульяна манастирын Андрианов котыртліс митинг, көні висьталіс революциялөн тöдчанлун йылысь. Нель манак пырисны тані отрядö. Керчомьяын отряд пöдтіс кулакьяслысь да торговецьяслысь мятеж. Найö сэки виисны партиячекаса секретарь, комбедса председатель А. П. Гичевöс.

Троицко-Печорскын отрядлы кывис, мый Печораöс ставнас босьтöмаöсь белогвардееच्याс. Усть-Сысольскса доброволецьяс кык пароходөн кытисны ю кузя и мездисны некимын деревня. Мандельбаумöс регыд корисны Котласö и отряднас босьтич веськөдлыны И. П. Андрианов. Сы веськөдлөм улын вöлі мездöма уезднöй центр Усть-Цильма. Сэки жö белöйяслысь мырддисны груз тыра пароход да баржа, кодьясö мөдöдлісны татчö англо-американскöй интервентьяс Архангельскысь. Печора йылö бöрсö катігөн дона грузсö (кык тысяча сайö мешöк пызь, 72 бöчка порок да мукöдтор) дон босьтöг вöлі юкөлма гöль крестьяналы.

Матысмис тöv, и этша лыда отряд бергöдчис Усть-Щугорö, кысян вöлі на телеграфнöй йитöд Усть-Сысольскөд да Котласкөд. Тövйöм вылö боеच्याслөн вöлі и көм-пась, и сёян-юан, и оружие. Но командирöс öтарö дойдіс мөвп: «Кыдзи отсавны тшыгыялысь йöзлы?» Ноябрьн лои тöдса, мый тасянь кыксё верст сайын, Сибирса Ляпино (Саран-Пауль) сиктын, эм уна нянь (250 тысяча пуд), кодöс заптылöма Архангельскöй губпродком да коді веськалöма белöйяслөн киö карсö интервентьясөн босьтöм бöрын. Андрианов босьтич дасытыны сэтчö экспедиция. Коліс пискөдчыны абутом туйöд, Урал гөра вомөн... Экспедицияö вöзийсисны и матысса деревняясын олысыяс. Отрядö чукөрмис 412 вöла-доддя, босьтисны сё сайö винтовка, пулеметьяс да öти пушка «макленка». Мунісны эзв гусьөн, эз öзтывны весиг бипурьяс. Ляпино колö босьтны бытöн, колö петкөдны сэтсы став няньсö.

Ляпино вöлі босьтöма. Отряд кутчис сэні 1919 вося январь шөрөдз. Тайö каднас вермисны нуны сöмын 12 тысяча пуд нянь. Враглөн выныс вöлі ёна ыджыдджык (400 колчаковец), и отрядлысь коляссö Зарубин бөр петкөдис Усть-Щугорö.

Сьöкыда ранитчөм Андриановöс (жугалöма шуйга лядьвейис, кыкнан кыис) вайисны Ляпиносынь Усть-Сысольскö. Тысяча версттö вайигөн лы эжыс гöчсyalöма и кокыс пыр кежлö коліс дженьыдджыкөн. Помөдз бурдöдчөм могысь 1919 вося майын Иван Павлович муніс чужан сиктас. Ветлөдліс на көстылясөн, кор местнöй поп вузаліс сійöс, кыдзи коммунистöс, Шкуролөн белоказакьяслы. И лыйлісны сійöс. Сутки мысти лов паса на Андриановöс аддисны красноармееच्याс и нуисны Воронежса госпитальö. Бандитьяс жугөдöмаöсь сылысь сюрсасö, врачьяс аддисны дас куйм пулевый рана. И век жö коліс лойөн. Госпитальысь петöм бöрын бöрийсны сійöс сельсöветса юралысьöн. А 1921 воын видз-му артель котыртöм бöрын лоис сэні первой председателён,

эсэс пыр уджаліс колхозын. И. П. Андрианов кувсис 78 ар тыртігөн, 1967 вося февраль 11 лунд.

Коми муын Сѳветскѳй власть вѳсна тышкасігөн И. П. Андрианов чествѳн пѳртіс олѳмѳ коммунистльс долгсѳ. Сѳветскѳй республикалѳн реввоенсѳвет индіс сылы персональнѳй пенсия, а РККА-лы дас во

тыран лунѳ наградитіс Почетнѳй грамота-ѳн. Иван Павлович эз ордѳлы йитѳдьяс-сѳ и Коми АССР-са уджалыс йѳзкѳд. 1957 воын, сійѳ воліс Сыктывкарѳ Сѳветскѳй властылы 40 во тырѳм кузя торжествѳс вылѳ. И. П. Андрианов аддзысыліс эски карса уджалыс коллективьяскѳд да том йѳзкѳд.



Ф. В. ПЛЕСОВСКИЙ,
филологияса кандидат

Коми ю нимъяс Урал сайын

1982 воын Мурманскын петаліс «Ономастика Европейского Севера» книга. Сэні 14 статья, эмѳс и коми авторьяслѳн: А. П. Афанасьевлѳн (Мезень вывса топонимьяс йлысы), Е. А. Игушевлѳн (Коми сѳрнийн чудь кывьяс).

Медся тѳдчанаѳн сборникас лоѳ А. К. Матвеевлѳн, Свердловскаса университетыс профессорлѳн «К вопросу о западных границах первоначального расселения манси по данным топонимики» статья. Историческѳй документьяс кындзи сэні вайѳдѳма топонимика кузя уна материал.

Статьялѳн автор висьталѳ, мый Урал ытывылын манси некѳр абу овлѳмаѳсь. Сэтѳс сѳрнийн оз паныдасьлыны коми **шор** вежѳртаса манси кывьяс: **сос, шош, чѳш**; абуѳсь **ты** вежѳртаса манси кывьяс: **тур, тор**; абуѳсь топонимьяслѳн сэтшѳм атрибутивьяс, кыдзи: **мань** (ичѳт), **яныг** (ыджыд) да мукѳдчы.

Манси,— гижѳ учѳнѳй,— некѳр эз ылыстчывыны дыр кад кежлѳ Уралсянь ытывылѳ. Статьяс вѳчѳма кык вывод, найѳс позѳ шуны главнѳйясѳн. Сэтшѳм видѳдлас, мый ѳна водзджыксѳ йѳгра овлѳмаѳсь Урал ытывылынджык, топонимикаын оз петкѳдчы. Абу ина и сійѳ, мый манси-яслѳн кутшѳмкѳ группаяс ѳтлаасьлісны пермянакѳд.

Коми АССР-са места нимьяскѳд тѳдмасьѳм сетѳ позянлун шуны, мый Комиас абу ни ѳти йѳгра нима ю ни сикт. А йѳгра муас коми нима юясыс да грездьясыс паныдасьлѳны тшѳкыда. Сідз жѳ и сѳрнийн. Йѳграисльсы комияс босьтѳмаѳсь некымын кыв. Асьныс йѳграис коми-ясыслыс босьтѳмаѳсь 350 гѳгѳр кыв.

Видѳдлаам медводз сэтшѳм нимьяс вылѳ, кодьяс помасьѳны **ым-ѳн**. Коми АССР-ын татшѳм топонимыс зѳв уна, а Урал сайын сэтшѳм места нимьясыс лыда.

Миян кадѳ нин ѳткымын учѳнѳйяс вѳлі шуѳны, мый **ым** (им) — суффиксыс йѳгралѳн, и вежѳртасыс пѳ сылѳн сэтшѳм жѳ, кутшѳм комияслѳн **ѳль, шор, ю, ва**. Топонимистьяс пивыс кодсюрѳ такѳд оз сѳгласитчыны. Найѳ шуѳны, мый **ым** суффикс ѳтсѳгѳн ѳнія йѳгра кывйын вермѳны артыны сѳмын микропонимьяс (ичѳт ме-

ста нимьяс), кодьяс йитѳмаѳсь кутшѳмкѳ неыджыд вѳвлѳмторкѳд. Найѳ сэсся конкниа вунѳны, вошѳны, вежсьѳны мѳд микротопонимѳн. А **ым-ѳн** помасьсыс нима юясыс Урал сайын ыджыдѳсь. Босьтылаам видлавыны тайѳ нимьяссѳ, мед тѳдмавын, комилѳн али йѳгралѳн найѳ?

ПЫРСЫМ. Тадзи шусьѳ Обь юлѳн медся ыджыд виямыс. Тайѳ виям кузяыс, Сибирса медводдза историк Г. Ф. Миллер шуѳм серти, муніс ва туйыс, кыті веськавлісны **Обьянь Березовѳ**. (Комияс шулѳмаѳсь Березовѳсѳ Кыдзкарѳн, найѳ жѳ сэтѳ медводз и овмѳдчылѳмаѳсь). Тайѳ виямыс усьѳ Сосьваѳ, а сэсся 18 верст колѳ вѳлѳм кывтны Сосьва кузяыс Березовѳѳдзыс. Мѳд ног позѳ вѳлѳм веськавын Березовѳас Сосьва вомянь, сы кузя кѳ катны Березовѳѳдзыс. Миллер воддза туйсѳ шуѳ бурджыкѳн, кокниджыкѳн. Этимологияыс Пырсымлы абу на.

Нимыс виямыслѳн яѳѳ коми. Вужйыс — **пыр** кыв, кодьяс артѳмаѳсь: коми **пырны** (Удараын: пырѳ пыдди пырас), удмуртыяслѳн — **пырыны**. Коми АССР-ын эмѳс Пыр ѳль — Луз юлѳн вож, Пыре-ѳль — Печора йылын. Эжва кывтыдса Котлас пыдди коркѳ вѳлѳма Пырас (пыранін), пырас джендѳдѳмѳн лоѳ Пыр.

КАЗЫМ. Тадзи шусьѳ Обь юлѳн веськыд вожыс, усьѳ Березов кар весьтѳ. Казым вылас олѳмаѳсь медсяѳ хантыс. Налѳн сэн вѳлѳма «городок», шусьылѳма Казымскѳйѳн. Казым йылас — Г. Ф. Миллер серти — вѳлѳма мѳд кар, шусьылѳма Юиль либѳ Юильскѳй городѳкѳн. Бѳрья нимыс — Юильыс либѳ Юильскѳй-ыс — яѳѳ коми. Сійѳ ю йыл-ыс. Коми жѳ, тыдалѳ, и Казым нимыс. Тадз ме шуа сы вѳсна, мый Обь ю вылас, ямало-ненецкѳй национальнѳй округын, эм **Казым мыс** грезд. Тайѳ нимыс абу Казым ю нимсыс, сійѳ Казым вомяняныс 100 верстѳн кытыдджык, сулалѳ ыджыд да джуджыд мыс вылын. Коми-пермякѳй округын, Кочевскѳй районын, эм Каз нима грезд (ѳні официальнѳя — Хазовѳ. Нимыс сылѳн — орчѳн сулаыс ыджыд да джуджыд Каз мыс серти. (В. В. Климов, А. С. Кривошекова-Гантман). Татшѳм жѳ нима грезд вѳ-

лѡма Пермскѡй областѣса Обва вылын (1909 воын). Пермскѡй областѣса **Каз-сѡ** А. С. Кривошекова-Гантман артмѡдѡ тюркскѡй **каз** племясы, кодѣ коркѡ овлѡма Казань бердын. Обса Казымлы этимология абу на. Ме думысь, сѣйѡ артмѡма тадз. Коркѡ став комияслѡн вѡлѡма каз кыв, вежѡртасыс — **ѣн, вына**; тадзи ме шуа сы серти, мый коми-пермякьяслѡн ѡни на эм кывтѣчас: «каз кодь ѣн». Вежѡртасыс сьлѡн вѡлѡма, тыдалѡ, сѣтшѡм жѡ, кутшѡм казь — **гырысь синма сеть-кывлѡн**. Казьѡн кыйлѡмаѡсь кѡчьясѡс, ручьясѡс, низьясѡс, туланьясѡс, коиньясѡс. Казь кывйыс комиясьянь веськалѡма йѡгра сѣрниѡ и, кызд шуѡны миян этимологистьяс В. И. Лыткин да Е. С. Гуляев, буретш **каз** (казь) формаын. Бѡрья **ым-ыс** суффикс. Сѣдзкѡ, Казым ю бокусь сетьясѡн кыйлѡмаѡсь туланьясѡс, низьясѡс, ручьясѡс, коиньясѡс — **казьясѡн кыйсян ю**. Гѡгѡрвоана и **каз кодь ѣн кывтѣчасыс**: зверьясѡс омѡль сетьѡн он кый.

НАЗЫМ. Г. Ф. Миллер «История Сибири» книгаын сетѡ миянлы ключ юыслысь нимсѡ этимологизируйтѡм вылѡ. Книгасысь лыддям: «Кызд тѡдса, эм Назым ю, кодѣ усьѡ Обѡ войвывсянь Иртыш вомсянь катыдджык. Тайѡ юсѡ хантыяс шуѡны Мозынѡн. Сы пѡлѡн, вомсяныс неылын, эм хантыяслѡн кар колясьяс».

Сѣдзкѡ, юыслѡн нимыс абу Назым, а Мозын. А татшѡм нима юыс эм Коми АССР-ын — Мезень, кодѡс Удораса комияс шуѡны Мозынѡн. Коми Мозыныс артмѡма **мѡс** кывйысь, важ вежѡртасыс сьлѡн — **ва, ю** источник, водоток. Кольѡма **ѡшмѡс** {-ѡс — «**воьса**» да **мѡс**) да **юкмѡс** (юктавны да **мѡс**) кывьясысь. Мѡс кывйыс ѡткымын топонимын вуджѡ **моз-ѡ**, шуам, **чер моз** ю нимын (важ формаыс — Чермос) — Пермскѡй областын. Мозын нимас бѡрья ын-ыс — суффикс сѣтшѡм жѡ, кутшѡм — **гогын** (вужйыс гог), **лзбын** (вужйыс лзб) кывъясын. **Ым** суффиксыс тайѡ (назым формаа) нимас артмѡма мукѡд орчча ю нимьяс влияние улын.

НАРЫМ. Тайѡ абу ю ним. Тадз шусьѡ Томскѡй областѣса ѡти сикт. Сѣйѡ Обѡ ю дорын, Пайдугина юлѡн Обѡ усянынн. Нимыс сиктыслѡн артмѡма Нарымскѡй острогсянь, кодѡс стрѡитлѡмаѡсь Сургут бѡрын во кыкѡн сѣрѡнджык (сѣдзкѡ — 1596 воѡ). Кыпѡдлѡмаѡсь сѣйсѡ Обѡ ю дорас лажмыд местаѡ, абу зэв ылѡ. Но Облѡн берегыс абу зэв зумыд, быд во буждалѡ, тувсов ытва дырйи ойдлывлѡ. И лѡма сѣдз, мый 1631 вося ытва нуѡма острогсѡ пѡшти ставнас. 1632 воѡ сѣйсѡ тшупансы виль пѡв, сѣтчѡ, кѡни ѡни Нарым сиктыс.

Острогыслы нимсѡ сетлѡмаѡсь места сертиыс Г. Ф. Миллер места йывсьыс гижлѡма со мый: «Нарым, кодѡс первойысьсѡ шулѡмаѡсь Нерымѡн, сургутса хантыяс сѣрннын лѡѡ — нюра места, и та вѡсна сургутса хантыяс нимтылѡмаѡсь **норым** либѡ **норым** — я. Сургут уездас нурьясыс эмѡсь жѡ, но абу сѣтшѡм паськыдѡсь да унаѡсь, кызд Нарымын, торья нин Тым да Кеть юяс пѡлѡн. Сэн местясыс сѣтшѡм улынѡсь да нюраѡсь, мый сетісны подув нимтыны ставнас уездсѡ Нарымскѡйѡн, либѡ — нюраѡн».

Тѡдчана топонимист В. А. Никонов аслас «Краткий топонимический словарьн» артмѡдѡ Нарым ним хантыяслѡн Нѣрем — **нюр** кывйысь. Но содтѡ, мый Нарым да Нѣрим формаяс сетѡны поэянлун мукѡд нога этимология вылѡ.

Стѡчмѡдам, мый коми — **нюр**, хантыяслѡн — **нѣрем, нерем** — ѡти общефинноугорскѡй вужйысь артмѡм кывьяс. Хантыяс ног кѡ, нимсѡ коліс крайны неремскѡйѡн (острог, уезд, край). А Нарым формаыс ѣнджыка лѡсялѡ коми кылы. Вужйыс сьлѡн — **нар** — (слаб, киссьыс, абу крепыд). Комиыслѡн эм **нарым** кыв — (прыщ, прыщик). **Нар** вужйысь жѡ артмѡмаѡсь: **наридз** — (посни йи торьяс, шуга), **идзыс** — суффикс). **Нар** пѡвгез вѡчггѡн слаб прать. Тыдалѡ, буретш тайѡс (слаб) вежѡртассѡ кутѡмаѡсь тѡд вылас острогсѡ стрѡитысьяс, кодьяс пѡвстын унаѡн вѡлѡмаѡсь комияс. И нимыс лѡсялѡ местаыслы.

Техн. редактор А. Одинцов.

Адрес редакции: 167610, г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).

Сдано в набор 15.07.86. Подписано к печати 05.08.86. Ц00653. Формат 70×108^{1/16}.

Печать высокая. Усл. печ. л. 4,9+0,08; усл. кр.-отт. 5,425; учетно-изд. л. 4,57+0,3 вкл.

Тираж 4870 экз. Заказ № 8104. Цена 30 коп.

Республиканская типография Государственного комитета Коми АССР по делам издательства, полиграфии и книжной торговли. 167610, г. Сыктывкар, ул. Первомайская, 70.



Сиктса праздник вылын.

Снимокс Ю. Осетровлӧн.

Судзӧдӧй
1987 во кежлӧ
«ВОЙВЫВ КОДЗУВ»
журнал

ВО ПЕРВОЙ ДЖЫНЪЯС
ЛЫДДЯННЫД СЭТЫСЬ РОМАНЪЯС:

Геннадий ЮШКОВ. Рӧдвуж пас. 3 юкӧн.

Борис ШАХОВ. Гӧрд дзоридзьяса сьӧд шаль.

Виль повестьяс, висетьяс, пьесаяс, поэмаяс, кывбуръяс,
очеркъяс дасьтӧны журналлы:

Г. ФЕДОРОВ, С. ПОПОВ, И. ИЗЪЮРОВ, А. ВАНЕЕВ, В. ПОПОВ,
Ю. ВАСЮТОВ, Е. РОЧЕВ, В. БЕЗНОСИКОВ, А. АНУФРИЕВА, Н. ЩУ-
КИН, А. ОДИНЦОВ, Е. АФАНАСЬЕВ, М. ЕЛЬКИН да мукӧд.

Журналлӧн лист бокъясын лоасны коми литература да
народной овмӧс сӧвмӧдӧм йылысь статьяяс, челядьлӧн да
налы лыддьӧм вылӧ гижӧдъяс.

Судзӧдӧй да лыддьӧй
«ВОЙВЫВ КОДЗУВ»
журнал!

Сійӧс судзӧдан доныс:

ВО КЕЖЛО 3 ШАЙТ 60 КӦП

ВО ДЖЫН КЕЖЛО 1 ШАЙТ 80 КӦП